



Иван Коданёв

ШУВГЫ,
МУСА ПАРМАЙ

Иван
Коданёв






Иван Коданёв

Шувгы,
муса Пармаёй

Висьтъяс
Мойдъяс
Серпасъяс

Сыктывкар
Коми небӧг лэдзанин
2001



Лӧсьӧдіс А.С.Одинцов
Небӧгсӧ серпасалис Г.Н.Шарипков

Коданёв И.В.

К 57 Шувгы, муса Пармай: Висьтъяс, мойдъяс, серпасъяс.—
Сыктывкар: Коми небӧг лэдзанин, 2001.— 136 л.б.

ISBN 5-7555-0704-X

Дона лыддысьсысь! Коми Парма шӧрса сиктъясын да грездъясын, тшӧтши и каръясын олысь вӧр-ва радейтысь войтырлы сиӧма тайӧ мича небӧгсӧ.

И.В.Коданёвлӧн гижӧдъясас восьтӧма миян вӧр-валысь лышкыдлунсӧ, сылысь аслыспӧлӧс мичсӧ, петкӧдлӧма Пармаӧс видзны коланлунсӧ да сэтчӧс зверь-пӧткалысь оласногсӧ.

Чайтам, мый вьль гижӧд чукӧрыс воас сьӧлӧм выль оз сӧмын челядылы, но и верстыяслы, кодыяслы абу веськодъ миян муса вӧр-ваным.

84 (2 Рос=Коми)

К $\frac{4803310100 - 007}{М 128 (03) - 01}$ 9 - 01 м

© Коданёв И.В., 2001
© Одинцов А.С., предисловие, составительство, 2001
© Шарипков Г.Н., оформление, 2001
© Коми книжное издательство, 2001



Коданёв И.В.

НЕБӨГЪЯСАС – ЛОВЪЯ ВӨР-ВА

Иван Васильевич Коданёв коми лыддысьысылы, вөр-ва радейтысылы вöлі энциклопедия сяма мортөн. Миянös кытшалысь Парма, юяс, тыяс, сәни олысь ловъя ловъяс, гижыслөн быд серпасын, висьтын, мойдын пыр вöлісны и кольöны шөр геройсөн. Мудер зверьясös, посни лэбачьясös, пöткаясös, чериясös, тшак-вотös – ставсö тайös сьöлöm динöдыс матыстömөн кужис петкöдлыны Иван Коданёв. Вөр-ваыс, Пармаыс жö и кыпöдліс гижысылысь ловсö:

«Ветлöдла кö Пармаын музтöдз, вежон чöж кыпöд мортөн ачымös кыла, быттö сöмын на лунвыв курортысь вои!– висьтавліс Иван Васильевич. – Миян Войвывса вөр-ва пыр лоö медбур шойччанінөн, сәни кö кутас быдмыны тшак, кисьмыны вотös, оз чинны-бырны зверь-пöтка, посни лэбачьяс».

Тайö мөвпсö сійö пыр кутіс тöд вылас да чуксаліс Пармаын шойччысь войтырös, торійөн нин челядьös, тöждысьны сэтчös ловъяс да быдмөгьяс вöсна:

«Ковтөг чегöm либö кералöm пу Вөр-ваыслы вайö дойсö мортлы моз жö, – шулывліс гижысь. – Сьöлöm вылын курдылö, аддза кö тулысын кодлөнкö кысь льöm пу дзоридзяса корös. Пуыс невеста кодь вöлі, а

вөрлысь мичлун гөгөрвотом мортлөн сы дорö матыстчылөм бөрүн кольö коньөр кодь».

Коми Парма — миян олөмным, ты-мусным, сьөлөм. Чайта, небөггыс югыда, тырвыйö петкөдлас авторыслысь кузь творческой туйсö да лоас быдмысь войтырлы радейтана лыддянторйөн, гижысьсö бурөн казтылан пасөн.

Иван Васильевич Коданёв чужліс 1916 вося ноябрь 10 лунö Сыктывдін районса Слобöда сиктын гөля олысь крестьянин семьяын. Ичөтсяныыс отсасьліс бать-мамныслы ас овмөсас, велаліс чера-косаа уджö. Быдмыштөм бөрас кылөдліс верстьö йöзкөд Эжва кузя пурьяс, дзоньтавліс мир туй.

Кадыслы лөсяландырö пырис комсомолö, чукөртіс ас гөгөрыс сиктса том йөзöс — быдмигчөжыс вöлі олөм визулас. Верстьöөн нин лоис поэян-лун велөдчыны, а сэсса помаліс велөдысьяслысь курсьяс да война öзйытöдз уджаліс Печора районса шкөлаясын.

1941 восянь И.В.Коданёв дорйис фашистьясысь Рөдина, тышкасис Волховса да Украинаса фронтьяс вылын. Старшöй лейтенант Коданёвöс демобилизуйтісны 1952 воын. Гортас воис морөс тырыс орденьясөн да медальясөн.

Медводдза висьтсö йөзөдліс «Войвыв кодзув» журналын 1953 воын. «Сьөлөм тшөктөмөн» висьтьяс а небөг сэсса петіс Коми небөг лэдзанинын квайт во мысти. Кызь öти книга! Быдса библиотека — гижысьлөн коми литератураö пай. Медбур висьтьясыс рочөдөмөн пырисны «Пойте, птицы, пойте» да «Праздник весны» небөгьясö.

И.В.Коданёв кувсис 1982 вося сентябрь 15 лунö. Коми литература воштіс вөр-ва йылысь бур гижөдьяс тэчысь мортөс, семьяыс — бур верөсöс, батьöс, тшөтшьясыс да и томджыкьяс — бур ёртöс, бур ног овны велөдысьсö.

Иван Васильевич эз вöv синмö пырысь гут кодь. Вежавидзысь морт мырдөн эз суйсьыв гижысьяслөн котырö, коли бокö, но коді лыддылліс сылысь книгагяссö, шуас: «Иван Коданёв — вөр-ва йылысь ыджыд гижысь — коми Пришвин. Тайö небөггыс — авторыслөн чужөмсянь 85 вося юбилейлы югыд пас.

А. Одинцов

ВИСЬТЪЯС



Тулыслөн лов шы

Тулыс! Мыйта радлуныс да мичлуныс тайё дженъыдик кывъяс.

Помасис март. Лунгъясыс лоины ёна нин кузьёс. Пыдöstөм лöz енэжыс сөстөм, бытгъё ваён мыссьёма. Водз садьмё мам кодь мелі шонді. Сявкнитас ассьеы лышкыд югөръяссө вөр-ва пасьта да заводитас тәрмасътөг шывгыны тōдса туйōд. Быдлаō инмалō сылөн пōсь кывйыс: то нюлыштас вōсныдык коркаōн вевтгысысьом лымсō, коді абу нин тōвся кодь еджыд, то небыдика малыштас пуяслысь вожъяссө, сарōгōсь кокъяссө.

Керка вевтъяс вылысь, лунвывладорсыс, исковтіс нин лым. Важōн сьодасисны туйяс. Шоныджык лунгъясō карса асфальти-руйтōм уличаяс кузя писькōдчōны шоръяс. Найō визувтōны пō-лгтырйи, оз на вермыны петкōдлыны ассьыныс став вынсō.

Карса садъясō воисны нин шоньд муысь медводдза гōстыяс — сьōд ракаяс. Ас йывсыныс найō пыр жō юōртісны ён гōлōсыясōн: «Кар-р-р... Кар-р-р...» Ылōдз кылō налōн горзōмыс.

Локтōм мыстиыс сьōд ракаяс пыр жō босътчōны удж бердō: дзоньталōны ассьыныс позъяс; кодлōн оз нин шогмы оланіныс, заводитōны стрōитны выльōс, бурджыкōс. Овлō и сэтшōмтор, мый горшджык да мудерджык лѣбач овмōдчас йōз позйō. Сэки нин ковмас вынōн вōтлыны сійōс. Дерт, та дырйи кыптывлō зык и кось.

Радейтōны ракаяс медясō джуджыд кызьяс, топольяс. Мукōд пуас тѣчасны-стрōитасны нѣль-вит позйōдз: ѳтиясōс вылōджык, мōдьясōс — улōджык. Но быдōн тōдōны ассьыныс керка, некор оз сорсыны, ылавны.

Бывлаын лымъя на, а пышкай пукалө нин аслас позйын. Сылы өд гожомбыдөн колө быдтысьны кык-куимысь, быть сәсся тәр-
мась.

Шонді лунгясө долыда ворсөдчө ичөтик визув пыста. «Пинь-
пинь-пинь...» сьылгтырйи пуысь пуө чеччалө сійө да корсьө сёян.
Пыста сёйны азым, луннас сійө бырөдө уна сё гаг, мортлы вөчө
зэв ыджыд буртор.

Шонді сотө пыр ёнджыка. Вочасөн сылө-исковтө лым. Заво-
дитөны уджавны шоръяс. Луннас найө ызгөны-сьылтөны вом
тырөн, войяснас — вашкөдөны-мойдөны надзөникөн.

Гудыр ваа посни шоръяс лун и вой писькөдчөны юяслань.
Дундасны, лөзөдасны юяс. Йи вылө пуксьылас рака, кравзыш-
тас, сәсся лэбзяс муяс вылө, медым луасьыштны куйөд чукөръяс
пытшкын.

Лунвылысь воас кузь бөжа, бархат сьыліа сырчик. «Сійө абу
ыджыд, а йи чегьялө», — шуөны сы йылысь пөрысь йөз. Войвылө
сырчик воө пырджык ва воссигқежлө, аскөдые ылі муясысь вайө
шоньд да радлун.

И со мөдөдчис йи. Йи пластъяс тәрмасьөны, зычитөны, зильөны
паныны өта-мөдсө. Сьөдасьөм гөрбсө тюльгыласны гудыр ва
пытшкө, сувтласны дорышөн, люкыштасны ас дорсье ичөтджык
йиторъяс, поткөдасны найөс уна пельө. Мукөддырйи крукасяс-
ны кытчөкө, ю вомөн тэчасны джуджыд пос. Но визув ваыс
вочасөн төчитө найөс, бара вөтлө водзө.

Посныдик юясысь позьө адзыны нин уткаясөс. Рыт-асывсө
найө корсьөны муяс вылысь сёян, өктөны зөр да сю тусьяс, борь-
ясысь нетшкөны выльөн мыччысьөм турун.

— Турияс, турияс локтөны! — горөдас кодкө, и өтпөлөснад
уськөдчан ывлаө, медым любуйтчыштны тайө кузь кокъяса, нюръ-
яс вылын олысь ыджыд лэбачьяснас.

Чатөртан юртө пыдөстөм енэжлань, заводитан корсьны гораа
горзысь туриясөс. Со и найө — Африкаысь, Китайысь, Индияысь
локтысь гөстьяс. Лэбөны тәрмасьтөг: тыдалө, мудзөмайсь кузь

туйын. Кымын море вомён вуджисны, уна сьёкыдлун паныдасьліс налы. Голяяссё нюзжөдөмаось, шенасьёны паськыд бордьяснас, вөтчöны юрнуодыс бөрсяяс, сюся видзөдöны гөгөр.

А мый вөчсьö миян вөрьясын?

Карса уличяе вылысь кө важөн сылі лым, ягын сійö куйлас дыр на. Торья джуджыд лымйис сук козья вөрьясын, кытчö омöля веськалö шондi.

Асывьясыс, войясыс көдыдөсь. Корсюрö артмывлöны сэтшөм чарөмьяс, мый позьö мунны лым кузя оз сөмын подөн, но и вөлөн. Сынöдыс сөстөм-сөстөм, он пөт лолавны. Пуяе вылын öшалöны сикөтш моль кодь йи войгьяс, кынмөмаось, виччысьöны, кор найöс сывдас шондi. Пуяслөн кокьясыс югьялöны, быгтьö стеклöөн вевтгысьöмаось.

Водз садьмöны вөрса лэбачьяс да зверьяс. Тарьяслөн да чукчияслөн заводитчис нин гажа койтан кад. Шондi петтөдзыс на пöрысь сьод тар пукьяс öтка пожөм вылö да заводитас кургыны: «Ур-ур-ур, уру». Сьылыштас, кывзыштас. Гөгөр кө лөнь, чукөс-тас асьыс ыджыд рөдвужё, вокьяссö, другьяссö. И, быгтьö команда серти, кутасны чукөртчыны тарьяс асланыс быд вося гажөдчан местаö.

Кымын шоньдджыкөсь луньясыс, сымын ярджыка-өнджыка койтöны тар-дозмөр. Койгьяс кысьöны май төлысь помөдз, мед-водз дугдöны койтны пöрысь петукьяс.

Чукчияс койт вылö чукөртчöны рытсыяныс. Войбыд найö пукалöны пуяе вылын, кывзысьöны, видзөдöны. Ставыс кө лючки, койтны заводитасны шондi петтөдз на. Гырысьджык койгьяс вылö чукөртчылöны 30—50 чукчиөдз. Торья нин гажа видзөдны, кор найö ыжьяс моз котралöны му вывтi: гырысьөсь, мичаось, өнөсь. Кодi аддзылас тайö серпассьö, дыр оз вунөд.

Сьöлаяс жö койтöны дзык мөд ног: параөн-параөн, а оз чукөрьясөн, кыдзи тарьяс да чукчияс. Быд пара кутчысьö аслас местаын, и аддзасны кө сэтись мукөд сьöлаясöс, старайтчöны вөтлыны.

Посныдик вөрса лэбачьяслы бара воис празник, көдыд төв

коли бөрө. Найо сьылöны, чеччалöны пу вожьяс вылын, шонтысьöны шондi водзын.

Сера сизь асывсянь да рытöдз корсьысьö вöрын, ён нырнас клёнгö кос пуяс кузя, öктö пучöйясöс. Ай сизьлөн юрас вижоват шапка, энбыслөн — эзысь рöма рудов чышгьян.

А кутшöм гажаа сьылöны гöрд морöса жоньяс, асывбыд позьö кывзыны найöс.

Уна вежсьöмгьяс вайö тулыс и зверьяс олöмö. Ай йöбралөн заводитö быдмыны выль сюр. Энь йöраяс май-июнь тöлысьын пиянасьöны. Чарöма дырйи найö ветлöны омöля, мешайтö джуджыд лымйыс, олöны сэтшöм вöрьясын, кытчö шочджыка веськавлöны йöз.

Апрельын пиянасьöны урьяс. Урпиян веситöны 7—8 грамм, и сöмын тöлысь мысти синмасьöны. Матö 50 лун мамыс найöс вердö йөлөн. Кык тöлысь мысти, а мукöдыс и водзджык, урпиян эновтöны ассьыныс позсö, заводитöны овны ас кежас.

Тулысын унджык зверьясыс вежöны тövся паськөмьясö: еджыд көч рудöдö, ур лоö гöрдоват, сöмын кынöм улас кольö еджыд гөн.

Дыр узьöм бöрын садьмö да петö гусыс ош. Гашкö, ещö на узьыштис, да запасыс быри; видзис став госсö, кодöс чöжлис гожöмнас да арнас. Петö ёна омöльтчöмаён.

Лöсьыд прöйдитчыны тулысын вөрöд: сэтшöм унатор адзылан да кывлан сэтысь. Вочасөн вежөдасны пуяс, выль паськөмөн вöччасны расьяс, ягьяс, видзьяс.

Вөр-ва лоö мичаджык, гажаджык.

Югыд войяс

Веж рөмөн вевтгысисны пуяс, лудгяс. Купайтчыштөм бөрын выльысь мыччысисны видзгяс, тшөтшыд юра посныдик кустьяс. Сөдзис юясысь ва.

Жара лолалө ывла. Ловзис гут и гаг. Небыдик төв шөйтө паськыд муяс вывті, кытысь петісны нин көдзаяс да тэрыба заводитісны быдмыны.

Оз весьшөрө ов и Эжва, лун и вой вөтлө васө увлань. Сы кузя шльивгялөны теплоходгяс, пароходгяс, катергяс. Öтияс нуоны да вайөны ветлысь-мунысь йөзөс, мөдгяс — уна сикас грузгяс, кодгяс колөны каргяслы да сиктгяслы, коймөдгяс ас бөреяныыс кыскөны гырысь пургяс — кылөдөны заводгясө, стройкаяс вылө вөр.

Запаньясын сёр рытөдз пуө удж. Сутки чөжөн уна сюрс кер прөйдитас-мунас пургясян станокгяс пыр.

Войвывса югыд вой, коді нө сійөс оз радейт! Сы йылысь гижөма уна сыланкывгяс, сійөн нимкодгясөны пөрысыяс и томгяс.

Уна рөма дзоридзгяс лэптисны ассыныыс юрсө, налөн көть и дженьыд нэм помыс, а мыйта радлун вайөма йөзлы. Татшөм дзоридз вылас пукгяс малязі, кыскыштас сэтысь соксө, лэбөдас аслас позйө, жыргясө-кудгясө тэчас, юмов ма сэтысь вөчас.

Льөм пуяс вевтгысисны еджыд кудриөн, бытгьө вөччисны праздник кежлө. «Друг, эн чеггяв найөс: өд и пуыслөн «доймө яйыс». Видз льөмлысь мичлунсө, мед и мукөдгяс нимкодгясясны сійөн.

Регыдик кежлө и ойбыртлө-вошлө шонді. Некор сылы дырсө шойччыны, колө быдөнөс шонтыны, сөвмөдны, лэптыны кок йылө — няньясөс и пуктасгясөс, турунөс и пуясөс.

Войясыс лөнньөс, шоныдөс. Пукалан шатинөн ю дорын, вунөдлан уджтө и мудзтө. Шойччан, чукөртан вынтө, медым аски уджавны бурджыка, медым ёнджыка радейтны чужан му.

Пробкаыд сунгысьлас-вöйлö, лэптан весът кузя ляпа. Гөрд бордяса ёкышöс кыян, и йөрш, дерт, шедас тшöтш. А ыджыд ёдi да сын кө кутчыясны — радыдла йöктыны дась.

Сэсся ломзöдан би. Руд енэжö пуркнитас тшын, сёлöмыд, ки-кокыд пым. Сьодасьöм пöртыйн шваркйö-пуö юква — аслад кыйöмтор. Весалан сэтчö картофель, пуктан лаврöвöй кор, пыбитан чепöль-мöд совтор. Со и юква дась.

«Тюр-ли... тюр-ли...» — лыа кузя котралö вöсни кокъяса истан. Кокыштас мыйкö — котöртас водзö.

Паськыд бордяснас шенасьö каля, сюся видзöдö, мый вöчсьö ваын. Аддзас чериöс — сунгысьлас сэтчö, тшапнитас-кутас. Эн ылав!

Энь пöткаяс, лэбачьяс — ставөн быдтысьöны. Войяснас гöпгьясь позьö аддзыны утка позтырьяс, пияныс көть зэв на ичöтöсь, оз кольччыны мамысь. Гожöм помöдз найö быдмасны, кутасны лэбавны.

Ворсöдчö нин асья кыа, помасис дженъыдик вой.

Уна гөлөсьясөн горöдöны сьывны лэбачьяс. Вугралысь пуяс костöд мыгчö плешсö доналöм шар кодь шондi. Ловзьö вөр-ваыс.

Көнкö неылын шыасьö позтöм көк: «Кук-ку... кук-ку...» Сöдз енэжö кыпöдчывлö кузь ныра енмеж. Петкöдчывлас и бөр вошö.

Гожöмын вель уна интереснöйторьяс позьö аддзыны и вöрысь.

Июль тöлысьын туланпийн лöбны нин мамыс кодьöсь. Гырысьöсь пияныс и вөрканьлөн, кодi олö пырджык ыли вөрьясын, ас кежын.

Ош пыр на йөлөн вердö пиянсö. Найö оз энöвтны мамсö и арын, тöv кежлö ськөд водасны öти гуö.

Быдлатi шöйтöны йöраяс. Гожöмын налы зэв сьöкыд: дöзмöдчöны лöдзьяс, номьяс. Та вöсна и лöö ёна котравны, весиг дзебсясьны ваын.

Жар гожöмын косьмöны нюрьяс да посни шорьяс. Пöткаяс-лы, лэбачьяслы лöö вуджны сэтшöм местаясö, көни оз бырав сёян ни юан.

Корсюрё сьвкнитлас зэр, мыськалас пуяссё, юкталас дзоридзь-
яссё, кётодас косьмём му.

Унатор позьё висьтавны тайё кад йывсьыс. Прөстё оз шуны:
тулысын гажа-гажа, а гожёмын ещё на бур.

Койт вылын

Сиктссянь койт вылө ми мөдөдчим подөн. Пөрөм коз кузя ву-
джим визув ю. Нырө пыр жё өвтыштіс төдса вөр дук. Берег
дорын бөрдіс доймөм кыздз, еджыд кок кузяыс му вылө тёпкис-
войталіс сөдз зарава.

Восьлалім векныдик туйөд. Карын дыр олөм бөрын кажит-
чис кокни и лөсьыд. Кок улын лайкъяліс көтасьөм нитш, лыс
лапгъяс малалісны морёснымөс, гильөдісны кияснымөс. Гораа
сьылісны лэбачьяс, налы бара воис гажа кад.

Мишө дед көть аслас нәмөн адзылөма нин сизимдас тулыс —
и сійө радуйтчис. Косіник чужөмсьыс чышкыштіс пөсьсё, шы-
льөдыштіс гөрдоват уссө и дыр дзөръяліс гөгөр. Мый думайтіс
старик, сьөкыд висьтавны, гашкө, казътыліс ылө кольөм том кадсө.

Койт вылө, кытчө нуөдіс Мишө дед, ме муні дзик на пер-
войысь. Та вөсна, көнкө, туйыс и кажитчис вөвлытөм кузьөн.
Сэн жё частө паныдасьлісны шорьяс, нюрьяс. Кыкнанным ёна
мудзим. Мышгьясным кузя шорөн визувтіс пөсь, пельпомгьяснымөс
личкисны сьөкыд мешөк да пищаль. Но дед эз и думайт норась-
ны, корсюрё весиг заводитліс шмонитны.

Рыгъядор воим пөчинокө. Ю бокин сулаліс энөвтөм важи-
ник керка. Сійө сисьмөма, пөлынтьчөма. Керкагөгөрсә муяс дзикөдз
эжмөмаөсь. Тані коркө овлөма аслас семьякөд кутшөмкө крестья-
нин. Сійө важөн нин мунөма вөрысь, а керкаас уна во чөж некод
оз ов. Гашкө нө, вөралысь арнас узяс вой-мөд, либө вотчысьяс
пыраласны шойччыштны.

Өшинь улысь кыпөдчисны нель-вит катша, лэбисны матіникө, пуксялісны зорөд пиньяс вылө да заводитісны сюся видзөдны миян вылө.

— Вот и воим,— плешьыс пөсьсө чышкыштіс дед, сэсся лэ-дзис пицальсө да мешөксө кильчө помө.

— Кытчө воим?— эг гөгөрво ме.

— Койт вылө.

Менам весиг серамөй петіс. Кутшөм нө койт вермас лоны керка дорын? Дед быттө гортас локтіс, перйис мешөксьыс нянь да калбас, заводитіс ужнайтны.

Ывлаыс вочасөн рөмдіс. Ми пырим керкаө. Жугалөм өшинь пыр зэв бура кыліс юлөн сьылөмыс. Керка дорті лэбисны некымын утка. «Сю-сю-сю...»— өдйө ылыстчисны налөн борд шыясыс. Көнкө неылын чукөстіс истан: «тюр-ли... тюр-ли...» И сійө жө здукас мөд лэбач вочавидзис: «Лок татчө... лок татчө...»

Дырөн дзикөдз пемдіс. Сьөд эшкынөн шебрасис муыс. Мишө дед нюжөдчис джоджө, пуктіс мешөксө юрлөс пыдди да регыдик мысти кутіс нин шкоргыны-узыны. Менам унмөй оз лок. Пукалі да кывзі төлыслысь надзөникөн пошиктөмсө. Көнкө горөдліс войся сюзь, сэсся бөр ланьтіс.

Вөрьыс көть дзик орчча, пыр на эз веритсьы, мый тані вермас лоны койт.

Дед садьмис асьявылыс. Чиркнитліс истөг, видзөдліс часі вылө, и сөмын сы бөрын тувкнитіс бөкө.

— Чеччы, молодец, тарьяс регыд чукөртчасны.

— Катша да ракаясысь кындзи, өдвакө кодкө керка дорө локтас,— вочавидзи ме, но век жө муні старик бөрся.

Потшөс бокын, көні помасис муыс да заводитчис вөр, муртса тыдаліс лыс лапгьясөн вевттөм неыджыд чом. Ми пырим сэтчө. Тані вөлі шоньд и небыд. Заводитлі варовитны дедкөд, но сійө өлөдіс, тшөктіс пукавны чөв.

Вочасөн менө личкис унмөй. Дыр-ө узи, ог помнит. Кор восьті

сингьясөс, чомйö писькөдчис нин лөз югөр. Дед пукаліс пидзөс
вылас лэччысьомөн да ичөтик розьöd видзөдіс ывлаö.

— Ракаясөс али мый лыддян?— заводитлі шмонитны дед вы-
лын, но сійö жö здукас кылісны төдса гөлөсьяс.

— Ур-ур-уру-ур...

«Таргьяс»,— долыда ёкнитіс сьөлөмөй. Воши унзільöй. Пукси
дедкөд орччөн, видзөдлі гөгөр. Радöйла муртса эг горөд: шалаш-
сянь воськов кызь сайын котралісны сьöd таргьяс. Шевгөдөмаөсь
бордгьяснысö, паськөдөмаөсь бөжгьяссö, уськөдчыласны öта-мөд
вылас, зурөдасны морөснаныс, челядгьяс моз ворсөны-гажөдчөны.

«Чуфыш... чуфыш...»— ылөдз юргисны петугьяслөн гөлөсьяс.
А дед сингьяссö эз вештыв на вылысь, пищальсö весиг абу бось-
тöма киас.

Чомсянь зэв матын котөргісны кык тар. Ме көсий нин лый-
ны, но старик вашнитіс пельö:

— Эн тэрмась, любуйтчы пөтгөдзыд.

Вот недыр кежлө лангыштліс, но здук мысти бөр нин өдзис
важсьыс ёнджыка. Ми пукалім öта-мөд бердö топөдчөмөн да
видзөдім койт ылö. Лои нин дзык югюд, а ми весиг öти тар эгö
луйö. Сідзи и бөр лэччим гортö. А сійö койтыс öні на менам син
водзын сулалö.

Войбыд чуксасис көч

Поводгьяс көдзыд на, а төдчө нин тулыслөн матыстчөмыс.

Сійö локтö надзөникөн, посньыдик воськовгьясөн, жөлөбгьяс
дорын öшалысь ёсь йинёньясөн.

Вөрын лымйыс коскөдзыд, лыжитөг да лямпатөг некытчө он
тувччы. Пукгьяс вой, көдзыдыс злөдас асьыс став вынгьяссö,
камгас-дорас вазьом лымсö, ён пос вөчас. Не сөмын подөн, вөлөн
позьö гөнитны чарөм кузя.

Сэзьдас пыдöstом енэжыс. Некон абу кымор чир. Сэки ко-
дзувьяслы праздник. Войбыд югдодасны узьысь пармаос, лым
улö дзебсьом юясос, видзьясос да расьясос. Тöлысь кö мыччас
асьыс кöдзыд кымөссö — лунын кодь югьд, прöшви кыны позьö.

Оз куйлыссы татшом войяснас кочлы. Мый коть и пасьыд
небыд да шоньд, кöдзыдыс тай вöтлö. Да и югьд войяснад кок-
ныдджык нурьясьны: он зурась, он крукась.

Ворса туйыс, кьгчö талун коч петис сёян корсьны, дзикöдз
кушмöма. Тövбыд татi трактор кыскалис вөр тыра додьяс, лымсö
личкис ёсь пиньяса сьокьд гусеницаяснас. Консюрö муыс нин
тыдалö.

Любö лои кочлы. Сидзкö, тулысыс ныр улын. Он и тöдлы —
исковтас лымийыс, вельмасны шорьяс, лун и вой кутасны сьыв-
ны, кочос гажодны. Сэсся öд позьö и паськөмтö вежны, а то
ылöдз кутан тыдавын еджьд пасьнад.

Кывзысьштитис вөрса олысь. Гөгөр шы ни төв. Некутшом зверь
ни морт матигөгöрын абу. Повны некодысь, оз ков пышйыны лов
тыртöдзыд. Дерт, пышгьялөм да дзебьясьом кузяьд эм ьджьд
сям.

Кыскыштитис ичотик нырнас кöдзыд сынөдсö, кылис тулыслысь
кöрсö. Коть и полысь, а ныриса, ветымын воськов сайысь кылас
мыйон öвтö. Ылөдз адзöны и синьясыс. Коть и кöсöйон ьдж-
дöдлöны, бокусь и водзысь адзö.

Коч сувтис бөр кокьяс вылас, пельыс радьсла лои ещö на
кузьджык. Ичотик сьөлöмыс тпкö, тöлысыс шондiон кажитчö.
Сэсся удал зон моз зымкнитис кокнас, чеччыштитис вывлань. И
мөдiс йоктыны!

Коч йөктö, йөктö,

Еджьд табья кока...

Кор мудзис, сувтис сьодасьом туй шөрö, вом тырнас горөдiс:
«Эй, чойяс, вокьяс, тулыс матыетчö!» Бытгьö кöсийс садьмöдны

вөрса став олысьяссö — лым пиö репöм съöла-тарьясöс, пу горсь-
асын узылысь урьясöс да туланьясöс, байдөгöс и чукчиöс, ошкöс
и ручöс. Кöни кодi эм.

— Чечöй, тулыс, мися, матыстчö. Гажа тулыс! Тайö ме вись-
тала, медся тöлка зверь, кöчилюй-чойилюй.

И бара мöдiс дöзмöдны шойччысь ягьяссö. «То-ло-ло... То-
ло-ло... То-ло-ло...» Видзöдлас югьялысь кодзувьяс вылö, не-
рыштас ылысса тöлысьöс и чуксасыны кутас ешö на гораджыка.

«То-ло-ло... То-ло-ло...» Кöчлөн гөлöсыс лөнъ войнас вель
ылöдз кылö.

Ставныс, тыдалö, узыöны. Сöмын öтнас сийö горзiс-чуксасис
гөлöс быртöдзыс. Тöдöмысь, окота öдийöджык юксыны аслас
радлунөн.

И друг, көнкö зэв ылын, кöчлөн сюсь пельясыс кылисны воча
кыв. Сэсся чукöстчис мöд... коймöд...

Öни нин эз öтнас, а став матiгөгöрса кöчьяс горзiсны тулыс
матыстчöм йылысь.

Налысь радлунсö некод эз вермы мырддыны. Немтор он вöч.
Гашкö, тулысыс буретш кöч кок туйöдыс и локтö.

Зарни ар

Сентябрь. Шондi кöть абу нин гожеся кодъ мелi, но ывлаын
век на шоньд. Мыйта вьлиторсö позьö адзыны арся луньясö
миян паськыд пармаысь! Восьлалан небыдик нитш вывтi, азыма
лолалан вөрса пötöс сынöднас. Син водзад вежласьöны öти бöрся
мöд серпасьяс: то мыччысьлас вугралысь паськыд яг, то найöс
вежасны том ныв кодъ стройнöй пожöмьяс. Найö сулалöны öта-
мöдныскöд торийөн, тшапöсь, öткодьöсь. Шочиника паньдасьлас
багатыр кодъ ён ниа, сийö тыдалö медся ылöдз.

Кызд расьяс заводитöны нин вижöдны. Пöлыштлö кокны-

дик төвру, и пыр жё пуяс бердысь торйодчоны косьмём корьяс: бергальштасны сынодас да бобувьяс моз надзёникён пуксялёны вазьём му вылө.

Асывьясые лөньюсь, ыркыдось. Кизьёриник ру дышникпырысь лайкъялө шор весьтын. Пуяс сулалёны чёла, быттьö полёны торкны пуксьём лёнылунсö.

Надзёник восьлалан ылөдз нюждөчём прөсек кузя. Көть арнас ёна нин вотчисны, вотосьяс паныдасылёны зэв на уна. Гырысь чөд тусьяс личкөмаось корьяссö. Босьтан китыр чөд, пуктан вомад, ок чөскыд! Дум вылад усьлө мамыд, кодi уна во сайын первойысь чөсмөдлiс тэнö озйөн либö öмидзөн. Ылiсянь адзан лысваён мыссьём пув розьяс. Со и паськыд шапкаа гөрд гоб, сiдзи и вöзйысьö пестерö либö наберушкаö. Путникьяс, ягсерьяс, ельдөгьяс саймовтчөмаось нитш пöветö, корьяс улö. Но дзесбян öмöй мортлөн сюсь синьясысь?

Водз садьмёны вöрса олысьяс. Шондi петигөн мыр вылын завтракитö тшакөн да кольён пельк ур. Ю дорö лэччылö юны йöра да нитш вылө кольö мөслөн кодь кок туйсö.

Корсюрö прөсек бокысь кыпөдчывлө дозмөр. Ён бордьяснас швачөдчигтырйи сийö лэбзьö пуяс костөд. Кылан сьöлалысь чипсасьöмсö, сувтан пу улö, дыр кывзысян. Сентябрын сьöла позтырьяс заводитöны нин разөдчыны мам дiнсьыс: быдмөмаось, сөвмөмаось да быдөн нин вермёны овны ас кежас.

Ён нырнас кос кондаö таркөдö сьод сизь, быттьö поткөдлö пес. Кылас мортлысь кок шысö, ланьтыштлас öти здук кежлö, сэсся бара заводитас клёнгыны.

— А-а-а... А-у-у... — парма пасьтала юрöбтасны вотчысьяслөн гөлөсьяс. И налы пыр жö вочавидзасны мукөдьяс.

Шочиника грывөбтыглас лыйём шы. Вöралыслөн ташём луньясад оз пукавсьы гортас.

Енэждө тэрмасьёмөн шывгöны орьясьём кымөрьяс. Мукөддырйи брызнитлас көдзыд зэр, а сэсся бөр мыччыяс дзесьылём шондi.

Дыр видзодан дзодзөгъяс лэбзьём бөрся. Сингъяснад колльодан найос сэтчөдз, кытчөдз оз вошны. Съолөм вылад весиг лолө гажтөмкодъ, быттьө лэбачьяс прөщайтчөны тэкөд нэм кежлө.

Оз овны весьшөрө тайө каднас зверьяс: заптөны төв кежлө көрым, чукөртөны гос, лөсьөдөны шоньд позьяс, көні ковмас дзебсясьны уна төлысь чөж көдзыдьясьсы, турөбьясьсы. Вежөны зверьяс и гөннысө. Паськөм налы колө гожея серти шоньд-джык.

Арся вöрын

Шойччан лунө батыс Сергейос чуксалис водз.

— Чеччы, пиук, вөрө петалам вөлөгатор корсьны.

Небыд вольпась вылын көть зэв на лөсьыд куйлыштны, но Сергей пыр жө чеччис. Кодлы нө абу окота кайлыны парма-ягө, чөсмасьыштны воөм пувйөн, кывзыштны ылөдз нюжөдчөм дзор пармалысь аслыснога пошкөм-варовитөмсө!

Сергей көмтөгьис петалис ывлаө. Асылыс празник кодъ кыпыд. Пыдөстөм енэжысь он адзы ни өти кымөр чир, кодкө быттьө мыськөма небесасө ставнас. Доналөм шар кодъ шондө руньгө аслас туйөд, гажөдө водз чеччысьясөс.

Сөйыштөм-юыштөм бөрын ая-пия босьтисны көрзинаяс, пестерө тэчисны сөянтор, батыс перийс шкап костсьыс пищаль — мөдөдчисны туйө.

Муяс да сөнгъяс вуджөм бөрын вöрыс пыр и мыччысис. Эжмыштөм векныдик туй пөлөн тыдалисны гажа нöрысьяс. Ягсө вевттьөма аслас еджыд тошкөн яла чукөр. Восьлалан татшөм местаөдыс — кок улад нитшкыс кышакылө. Пуяс вылысь дугдывтөг гылалөны косьмөм корьяс. Дыр найө бергалөны сынөдас, быттьө думайтөны, кытчөдзык налы пуксьыны. Көнсюрө туйсө дзикөдз нин вевттьөмаөсь корьясьсы, аслыспөлөс вольөс артмөма

наысь. Сюрас ыджыдджык пув роз — Сергей пыр и копыртчылас сы дінö, вöсныдык чуньяснас шарснитас вотöссö, шыбитас во-мас.

Вуджисны öти шор, недыр мысти паныдасис сэтшöм жö век-ныдык мöд шор. Пелысьыс мыйта таво! Розъясыс пуыслысь вожъяссö весиг личкöмаöсь. Вотчыны кө, öдйö эськö көрзинаыд тырас. Пелысь пуяс мукöдлаас сэтшöм мичаöсь, кодкö быттьö найöс баситöма. Ылöдз татшöм пуясыс тыдалöны.

Восьлалö Сергей батыс бöрся да нимкодясьö вөр-ваыслөн мичлунөн. Кыр йылö кайыштöм бöрын веськалісны пувъя мес-таö.

— Тані вотчышт, а ме кытшовта веськыдыв, оз-ö сьöлаяс сәні жыкруйтны.

Сергейлы көть окота видзöдлыны, кызди батыс ас вöчöм чипсанөн кутас ас дінас корны вöрса пöткаясöс, но быть лои кольчыны.

Батыс пырыштіс бокöджык и мыйкö дыра мысти кутіс нин чукавны сьöлаясöс: «Ти-ти-ти-у-у».

Сергей заводитіс вотчыны. Вöрыс тані шоч, местаыс кос да мича. Эз на удит тупкысьны көрзина пыдöсыс, кызди пöрöм пу бокаысь звиркнитіс повзьöм көч и заводитіс тривксöдны-пышійы-ны. Ок, кутшöм тэрыбөсь сылөн кокъясыс, медся öдйö котра-лысьясöс здукөн коляс. Көч дзикöдз воши зонка синъяс улысь, но Сергей век на сулаліс да нюмъяліс. Ловъя көчтö öд сійö дзик на первойысь адзыліс. «Другьяслы кө висьтала, колөкө, оз и веритны».

Сергей корсюрö чошнитлас пельсö, думнас виччысьö, вот-вот кылас шковгöм-лыйöм шы. Батыс öд сылөн лёка мастер вöрав-ныд. Арся лунъясад быд вöрö петалігөн сьöлаясöс либö тарьясöс гортас вайывлө. Но лыйöм шы сідзи и эз кыв. Недыр мысти сійö бөр нин локтіс пиыс дінö.

— Ой, батьö, кодöс ме адзылі. Сё збыль... Со эсійö пöрöм пу бокас көч, вөлöм, шойчö. Дзик дінысь чеччыштіс, повзьöдіс весиг.

— Көчильёйысь кө повзин, порсь сералас.

— Ме өд муртса повзыштї. Сэтшөм виччысьтөг кыпөдчис. Эн адзысь сёлаястө?

— Кыпөдї өти позтыр, пышйисны, мамыс нуөдїс кытчөкө, быгтбө му пырыс вошины. Тэ, пиук, зіля вотчан,— ошкыштїс Сергейөс батыс.— Молодеч!

Өнї Сергей быд пөрөм пу дорө матыстчыліс надзөникөн, думнас виччысис, мый бара сэтысь кыпөдчас тэрыб көч. Но көчильёйөс сїдзи и мөд пөрийө эз удайтчы адзывны. Төдны, эськө, көнї найө куйлөны, кузь пельяс!

Зато рыгтявылыс Сергей адзыліс вөрса медьен зверөс. Лои тайө тадзи. Гортас бөрсө лэччигөн Сергейлы батыс индїс ордым да Човью дорөдз тшөктїс мунны сэтї. Ачыс мөдөдчис вөр пырыс.

— Юөдзыс тасянь зэв матын, сөмын некытчө ордымсьыс эн кеж. Пос дорас воан да бипур вөч, чай кутам юны,— велөдїс сійөс батыс.— Ме кытшовта нөрыс пөлөныс, гашкө, ельдөгьяс сюрасны.

Сергей восьлалө ордым кузя, оз тэрмась, мудзөма нин лунтыртө вотчигөн. Батыскөд янсалөм бөрын сө воськов удитис муртса вөчны — мыччысис неыджыд куш места. Көнкө неылын вөрзисны бадь кустьяс, сэсся мыччысьліс кутшөмкө съөд вуджөр. «Кодлөнкө понйыс ризьялө, колөкө, көчөс вөйсөдлө?» Эз на удит детинка пуктыны көрзинкасө муө, кызди сысянь зэв матїтї котөртис ош. Тшөгөма, ыджыд да пельк. Зверь весиг эз и видзөдлы пу бокө йөжгыльтчөм детина вылө, кустьяс вомөн чеччалїс-пышйис водзө.

Сергейлөн ыркмунлі сёлөмыс, мөдїс котөртны ордым кузя. Көсийө горөдны батысө, да гөлөсыс повзбөмысла сибдөма. Сайкаліс сөмын сэк, кор мыччысисны юбокса видзьяс да зорөдьяс.

— Батбө, честнөй пионерскөй, ошкөс адзылі!— ылісянь на уськөдчис детинка батыслы паныд, кор сійө мыччысис вөрысь.

— Верита, пиук, ме и ачым адзылі кок туйсө, дзик на өнї тапкасыөма туй кузяыс. Ёна, көнкө, повзин?

— Менö сійö эз и адзыв. Пышйис, со мый ыджа, — кинас петкөдліс Сергей. — А кыдзи котөртіс, кустьяс вомөн төвзис сөмын. Повзи жö эськө да...

Бипур дорын ая-пия дыр шойчисны, юисны чай. Сергей оз-оз да кыйкнитлывлас син бөжнас ордым вылө.

Арся вөр надзөникөн мойдіс аслас мичлун да кыпыдлун йылысь помасьлытөм мойд.

Медводдза лым

Арыс мыйкө дыра чөв оліс. Вөлі шань да мича. Сетіс кад йөзлы идравны муяс вылысь став урожай, лэдзис чукөртны тшак да вотөсьяс. Петкөдліс асьыс мичлунсө вөр-ва радейтысьяслы.

Сэссия поводьяис вочасөн лөкмис. То луньясыс көдзыдөсь, то вежон чөж помывв зэрас. Вына төв корья пуяс вылысь чашйис став мичлунсө. Ойдісны юяс да шорьяс. Көдзыдыс вөтліс шоньд муясө лэбачьясөс, нярзөдіс ывлаын быдмысь быд сикас дзоридзьясөс.

«Өні позьö и шойччыштны, — думайтө ар. — Эбөсөй дзикөдз быри».

А төв тайөс и виччисис. Окота сылы асьыс вынсө да мичлунсө петкөдлыны. Муртса мудзөм ар лөньыштіс, кунис син пөвсө, төв мөдөдіс зумыш кымөрьяслы юөр: «Войнас заводитам уджавны. Тырмымөн дасьтөй лым. Арөс колө повзөдны».

Сьодасьөм му вылө кымөрьяс войбыд коялісны лым. Керка вевтьяс, лыска пуяс, москияс, муяс да видзьяс лоины еджыдөсь.

Төвлы рад, ыджыд гөлөсөн горзө кымөрьяслы: «Ещө содтыштөй, мед гөгөр вөлі еджыд да сөстөм. И юяслысь вомнысө тупкөй!»

Кынмыны кутіс шойччыны водөм ар. Восьтіс син пөвсө. Скөрмис төв вылө, кутіс кевмысьны шонділы: «Муса шондіөй, никө вои, еджыд тошка төв менө зырө. Мездыв на, сьөлөмшөр».

Шонділы жаль на лои арыс. Писькөдчис кымөрҗяс пөвстөд, му вылө кутіс коявны ассыс югөрҗяссө. Медводдзасыс усылөм лым час-мөдөн и бөр сылі.

И бара пуксис төв

Со бара пуксис төв.

Көч гөн кодь небыдик лымҗя эшкын шебралөма кын мусө. Тшөтш и пуяс вежөмаөсь паськөмсө, ус-тошныс дзормөма. Да и сынөдыс мөд пөлөс, сөстөмджык. Гөгөр чөв-лөнъ. Позьө чайтны, мый дзебсьөмаөсь став вөрса олысьясыс.

Сөмын эн тәрмась тадзи думайтны. Муртса на удитан вешйыны вөр керка дорысь, көнкө матын шыасяс гөрд морөса жонь. И пыста садьмөма, лэбалө пуысь пуө, радлө.

Лым вылысь лыддян медводдза кок туйяс. Пөрөм пипу дорө удитөма нин волыны көч. Туй пөлөн котралөма сьөла, өктөма пув тусьяс, кодьяс абу на удитөмаөсь вошны лым улө.

Уна пөлөс кок туйяс адзылан ягысь: йөралысь, туланлысь, ручлысь, сьөдбөжлысь. Гашкө, эськө зверьяс оз көсийыны петкөдлыны коді кыті муніс, но быть лоө. Лымйыс тадзи тшөктө вөчны.

Лым өдийө содө. Войяснас вель частө шковөдчө көдзыд.

Ур рудөдөма, сөмын кынөм улыс еджыд. Көдзыд лунҗясө да бушковҗяс дырйи сийө лунтыр куйлө аслас позйын. Ывлаын кызь градус көдзыд, а урлөн патераас лов шы оз төдчы. Ветлан розьсө тупкөма кос нитшкөн, весиг төв оз веськав.

Тулан — войся зверь. «Лунын узьө, пемыднас кыйсьө», — шуөны сы йылысь вөралысьяс. Тайө зверыс көть и абу ыджыд, но пельк да сюсь. Войнас сийө частө уськөдчывлө узысь урҗяс вылө, куталө пөткаясөс, шырҗясөс.

Войын жө кыйсьө сан — мудер да ён зверь. Сийө частө гу-

сявлө вөралысьяслысь капкангъясö да петляясö шедöм зверь-пöткаöс, но ачыс сэтчö веськавлö зэв шоча.

Миян вөръясын медся ыджыд олысь — йöра. Тöлын сийö сёйö бадь да пипу, пельсы да сэтöр. Любитö и том пожöм йывъяс. Ай йöралөн төвнас усö сюрис, а водз тулыснас сийö бөр заводитö быдмыны.

Ош узьö гуын. Пасьыс кöть сылөн и шоньд, а тöлын ывла вылын оз ов. Джуджыд лым вöсна сылы сьöкыд корсьны сёян. Гуын куйлигөн сийö этша видзö вынсö. Гожöмын да арын чукöртöм госыс узигас тырмö тулысöдз.

Сьöкыд корсьны сёян и кöингъяслы. Та вöсна налы лоö кыйöдчыны сиктгъяс дорын. То кутасны понйöс, то гидысь либö картаысь джагöдасны ыжöс. Уна лёктор вöчöны найö йöзлы.

Сьöдбöж да кöч еджыд пасяöсь. Пукеясны лым вылö, он и казав. Зато ылісянь аддзан гöрд ручöс. Гашкö, окота лоны казавтöмөн, да кызди тайöс вöчан? Öд төв и гожöм паськöмыс оз вежсьыв. Мыйөн чужис, сийөн и кулö.

Төвнас сьöкыда овсьö пöткаяслы. Вотöсьяс саймовтчöны лым улö, быть лоö сёйны мый сюрас: лыс йыв, пу кор, гар. Узьлöны пöткаяс лым пытшкын. Джуджыд лым видзö найöс кынмöмысь.

Төвся луно

Лымийөн вевтгъысьсöм видз вылын сулаліс веськыд кыз. Пулөн вожъясыс еждöдöмаöсь, бытгö пудритчöмаöсь, вöччöмаöсь праздник кежлö.

Шуйгаладорсянь, кöни чöла вуграліс козъя яг, тыдовтчисны таргъяс. Найö лэбисны уліті, тэрмасьтöг, посьныдик чукöръясөн. Кор воисны öткөн сулалысь кыз весьтö, вöчисны ыджыд кытш, сэсся пуксялісны пу вожъяс вылö.

Коля веськөдіс бинокльсө пу вылө. И син водзас пыр жө мыччысисны съод да руд пөткаяс. Найө мыйкө дыра гоийөдлісны юрнысө, видзөдісны гөгөр, сәсся зіля заводитісны нетшкыны кыздыльсь гыөртөм гарьясө.

Кыздыльсь пукалісны өкмыс тар. Детина ставнысө найөс адзис. Бинокльын найө кажитчисны матынөсь, гырысьөсь. «Эк, пицаль кө эськө вөлі, кутшөм эм Степан дядьлөн». А тарьяс сөйисны и сөйисны, тыдалө, эз казавны детинаөс. Коля пөрччис лямпасө, юждыштис кок увсьыс лымсө, саймовтчис лякыдик коз сайө и бара заводитис видзөдны тарьяс бөрся.

Тадзи сийө сулаліс вель дыр. Нем виччысьтөг мөдіс усьны сук лым, кыпөдчис төв, ставыс гудыртчис, шызис. И сийө жө здукас кыздыльсь кыпөдчисны тарьяс. Найө лэбисны вөр ді дорөдз, и өти-мөд бөрся суналісны джуджыд лым пиө.

Вермис өмөй Коля мунны гортас тарьяс дорө матыстчывтөг? И лямпасө сийө веськөдіс вөр ділань.

Еджыд лым выльсь ылісянь тыдовтчисны шапка пасьта розьяс. Коля руч моз кыссис сылань. Сылөн сьөлөмыс тіпкис сэтшөм өна, быттө көсйис чеччыштны морөс пытшкөссьыс.

«Дарөм пөткаяс, кужөны тай, майбыр, дзэбсьыны турөбысь. И кузь төвся войяссө найө коллялөны лым пытшкын. Мыйла нө оз кынмыны?» Коля ещө на көсйис матыстчыны, но эз удайтчы. Лым пиысь ыджыд шумөн кыпөдчисны тарьяс да лэбисны-вошины шувгысь вөр пытшкө.

Детина сулаліс да видзөдіс лым вылө. Но сэтысь некод нин эз лэбзы. Казяліс Коля и сэтшөмтор, мый лым вылас өні тыдаліс эз өкмыс розь, а кык сы мында. Сідзкө, тарьяс вермөны бура ветлыны лым пытшкөдыс. Да и сюсь пеляөсь, кылөны мортыдыльсь матыстчөмсө. Көсйис видзөдлыны тарьяслысь патерасө да эз вермы. Тарыс лапаяснас гудйысьө-кодйысьө бокыв — пыран розьыс тупкысьсө. Лым пиын пөткалы шоньд.

Кор трачкөдчө кӱдзыд

Дасӱд лун нин сулалисны кӱдзыдыяс.

Енӱжыс быттыӱ скӱрмӱма му вылын олысыяс вылӱ: кымӱр чир некӱн абу. Сӱни кӱтъ важ моз тыдалӱ шондӱ, но некодӱс оз шонты, виччысыӱ ассыс кадсӱ. Тулыс кежлӱ, колӱкӱ, вынсӱ чукӱртӱ-чӱжӱ.

А спорт кузя мастер Ардальонӱс кӱдзыдыд оз падмӱд. Быд асыв, кор лун и вой тӱчкӱдчыс будильниклӱн стрелкаыс кутас матыстчыны ӱкмыс часӱ, сӱйӱ пасыталас лыжнӱй костюм, пуксыс автобусӱ и мӱдӱдчас кар сайӱ. Сӱсся сюяс кокас лыжи, кодӱ нуис нин сӱйӱс матӱ тысяча километр, пырас вӱрӱ и пыр жӱ мӱдас тӱвзыны векныдык лыжня кузя, кытӱ вель унаыс нин ветлис.

Кӱдзыд лунгыясыс сылы весиг кивыв. Лыжня нӱӱти абу тырӱма лымйӱн, быттыӱ он лым вывтӱ исковт, а котӱртан джодж кузя.

Быд гуран да чукуыль тӱдса танӱ лыжниклы. Ветлас ордысысны аслас командакӱд ылӱ карӱ, воас гортас некымын лун кежлӱ шойччыны. Но шойччӱм пыдди мӱд асывнас бара нин сувтӱма лыжи вылӱ.

— Пиук, эн на ӱмӱй пӱттӱдзыд котрав, бара тӱнӱ морыс кытчӱкӱ кыскӱ?— заводитлис шуасыны мамыс.

— Ми воклы котравтӱг да иславтӱг оз позь: кок сӱнгыясыным личалӱ.

Шлывгӱ-исковтӱ Ардальон вӱрса векныдык ордымӱд. Чужӱмыс гыӱртӱма, вомсыс ру пуркӱйӱ, но кӱдзыдсӱ оз кыв. Бур, мый абу тӱла; кӱдзыдыс эсыкӱ чышкалас чужӱмтӱ. Гыӱртӱмаӱс козьяс и пожӱмьяс, чӱла сулалӱны еджыд исергаяса кыдзыяс.

Виччысытӱг лыжникӱс суис неминуча: шуйга коксыс мынӱ креплениеыс. ӱни сӱйӱ кажитчис шофӱрӱн, кодлӱн вӱлӱкын жу-галӱ машина. Ардальон эз шӱйӱвош, эз ӱшӱд юрсӱ, кежис лыжняыс бокӱджык, кӱни сулалис коз, сӱсся перийис зепсыс перочиннӱй пурт и босытчис ноксыны.

Эз на коль и кызь минут, лыжи лои дась. Сувт да төвзыи водзё. Зон мыджсис пу бердё. И сэки коз пу вывсынь кыліс аслысыяма шы, кодкё быттё сәні семечки киллис. «Ур али мый?»— чатрасис Ардальон да синъяснас кыйкнитіс пу вожъяс костод. Сән некод эз тыдав. Пу вывсынь лым вылө уси зөр шыдөс ыжда некымын кыйдыс. Том морт өтиөс пуктіс ки пыдөс вылас да мөдіс видзөдны. «Коз кольлөн кыйдыс тай». Козыйс коялө ас гөгөрыс кыйдыссө, төлыс разодас найөс гөгөр, кытчөдз выныс судзяс, и некымын во мысти тайө кыйдысыясыс чужасны посныдик кага кодь козъяс. Коз со көдзны нин заводитөма, көть тулысөдзис вель на ылын.

Буретш сэки лыжниклы син улас уси пу гөгөр гылалөм өг. Тані вөліны и косьмөм вожъяс, и лыс емъяс. «Сідзкө, и козийд абу пыр өти паськөма, вочасөн выльмөдө асьсө. Со тай шыбитөма ас вывсьыс өгсө».

Ардальон көсийс нин кокас суйны лыжисө, но бара на адзис виччысытөмтор: орчча козийө пуксис уркай, сәсся дзик пыр воши мач кодь гөгрөс шар пыдйө, кодй өшаліс пу вож костын. Пыраліс здук кежлө сэтчө и бөр лэбзис. «Поз өмөй сәні сылөн? Оз пов татшөм көдзыднас быдтысыны!» Поз, тыдалө, и эм. Уркай бара локтіс, төдөмысь, пияныслы сёян вайис. Лыжник эз на удит нимкодясыны көдзыдысь повтөм гөрба ныра лэбачөн, кызди дзик матын ён нырнас косьмөм пуө кутіс клёнгыны сизь. Төдөмысь, сёян корсис. Лөнь пармаын ылөдз кыліс сылөн уджалөмыс, быттё кодкө барабан ылын ворсіс.

Том мортлы вөлі долыд сьөлөм вылас. Кызь минут и шойччис дзор коз дорын, а кутшөм унатор адзыліс! Вөлөмкө, и трачкөдчысь көдзыдыс дырйи парма оз узь, а олө аслас быд лунъя олөмөн.

А вот ми, ёртөй, унаысь тайөс ог казавлөй.

Нидзёс ді

Тайё гажа да ыджыд дісё төдөны Сыктывкарын, Эжваын, Улыс Човйын и Емваль посёлокын олысыяс. Уна йёз волевлөны татчө гожеся кадö да арнас.

Дісё шуйгавывсяньыс асыкөн моз кутö Сьöрт полой. Вескыдывывсяньыс тупкө сылысь туйсö Эжва ю. Полойыс да юыс быттö скöрмөмаөсь öта-мөд вылас и кыкнанныс мөдöдчөмаөсь асланыс туйöд. Тадзи визувтöны километр нель-вит, сэсся бөр öтлаасьöны ді помас и оз нин торйöдчывны. Тыдалö, гажтөм торйöнтö визувтны.

Дыс көть öти, а быд пельöслөн аслас ним, аслас мичлун: Рочьяг, Нэр, Курьядор, Кузьвидз, Коколока, Пöтьöрай да уна мукöд мича нимьяс сетавлөмаөсь Слөбöдаса войтыр, кодьяс, гашкө, сё во чөж пуктылісны тайö ді вывсьыс турун, вотлісны тшак да вотös, кыйлісны чери и зверь-пöтка.

Рочьягын быдмöны шылыд кока тшак пожөмьяс, кыдзяс, ловпуяс. Арнас тайö медся тшака местаяс. Торйөн нин уна вотлöны дона гоб, ягсер, весиг ельдög петавлö. Мыйла тайö местаыслы сетлөмаөсь Рочьяг ним, ме öнөдз ог төд. Оз вермыны висьтавны и олөма войтыр, кодьяс бура төдöны тайö ягсö.

Нэр нималö ёнджыкасö кос местаясөн, кодьясöс вевттöма еджыд яла. Видзяс бокин, кузь веретя вылын, коркө, вель уна во сайын нин, вöліны катыдпомса да веждінса крестьяналөн мөс видзан гидьяс. Мыйөн пуктыссьыліс видзяс вылысь турун, ассыныс мөсьяссö найö пыр жö вуджөдлісны тайö ді вылас. Мөсьяслы некытчö пышйыны: найöс гөгөр кытшалö ва. Йирсясны пөттөдзыс туруна ягьясын, видзяс вылын, а рытнас локтöны узыны асланыс гидьясö, көні найöс виччысьöны нин көзьяйкаысыс, медым лысьтыны мөсьяссö, а йөвсö гортаныс нуны.

Курья дорын видзясыс медся шылыдöсь да паськыдöсь.

Посныдик гөпгяс пөлөн быдмөны гырысь чукөрьясөн съод сэтөр кустьяс, пельсь да льом, лежнөг и корья пуяс.

Нидзөс ді озыр и гырысь да посни тыясөн. Гожомгьяснас уна утка котыр быдтысьö тані. И зверьяслы муса тайö гажа діыс. Көчьясөс, урьясөс позьö адзвыны ділөн быд пельөсысь. И мойяс татчөс öти ыджыд тыö овмөдчисны, кодьясөс вайисны рөдмөдөм могысь. Тыясын эм и уна чери: сир, ёкыш, гыч, кельчи, сын. Некодөс оз öтдорт ылөдз нюжөдчөм діыс, быдөнлы мыйкө да мыйкө козыналө.

Төвся луньясö видз гриваяс вылын сулалысь кызьяс вылысь тшөкыда позьö адзвыны тарьясөс, кодьяс юсайса вөрьяссянь лэбзылөны татчө чөсмасьны.

Нидзөс ді! Кутшөм тэ төдса да муса меным. Эз на вөв и дас арөс, кор медводзысь вайөдіс менө татчө мамө. Видз миян сәні вөлі. Луныс сулаліс мича, гөгөр оняліс жарөн. Сьорт полои вуджөм бөрын ми чеччим пыжысь, босьтім куран-косаяс да тэрмасьөмөн мөдөдчим векныдик туй кузя. Миянкөд сэтчө мунісны и дядьным да чойй.

Ме эськө тайö местасö, көні вөлі миян видзным, важөн вунөді. Мыйта өд сәсянь коли кадыс. Но видз бокин быдмысь ыджыд пожөмөс вунөдны оз позь. Быд пөрийө, кор ми воывлім тайö видз вылас, паськөмнымөс да сәян-юаннымөс өшөдлывлім кыз пожөм увйө, кытчө эз веськавны шонді югөрьяс. Лун шөр бөрын тайö пу бокас жö нурьясьывлім.

Мича сэк кажитчис меным тайö öтка пожөмыс аслас ыжда-лунөн да кызталунөн. Пожөмлөн кыз кокыс югьяліс шонді югөрьяс улын. Вожьясыс гөгөрбок шевгөдчөмаөсь. Кыпөдчас кө төв, пу вылын өшалысь бумага кодь вөсныдик кильясыс пыр и кутасны ворсөдчыны.

Кызкө төвся асылө дядь мөдөдчис тайö ді вылас турунла. Ме тшөтш куті вөзйысьны. Школаын сійö лунас эз велөдны. Ывлаын вөлі кодзыд, но лөнь. Вөвлөн подкова кокьяс улын дзуртіс южмөм лым. Ми дядькөд пукалім доддын, шоньд тулугьяс пиын.

Вөвлөн вом дорас ошалісны ичотик йинёнъяс, нырсье пурк-
йис ру.

Курья дорө вотөдз на чукөрөн сулалысь кыдзьяс вылысь ме
казялі тарьясөс. Найö кокалісны пуяс вылысь кын гарсө. Кор
вөвным дзик нин матыстчис тарьяс пируйтанинө, пөткаяс эз и
лэбзыны, копыртисны юрьяснысө да мөдісны видзөдны надзө-
никөн рөдтысь вөв да доддын пукалысьяс вылө.

— Вот эськө пищаль кө вөлі...

— Мөдысь эськө локтін татчө да немтор вылө лои любуйтчы-
ныд,— вочавидзис дядьбөй да вөвсө мөдіс вөтлыны тэрыбджыка.

Ылысянь на ме казялі ассым муса пожөмөс. Кынмөма, гы-
өртөма, вожьяс вылас исергаяс ошалөны. Пу бокас, еджыд лым
вылын, тыдалісны пожөм кольяс. Төдөмысь, лэбачьяс либө урь-
яс лэдзисны найөс.

Дядь разис зорөдысь потшөссө, заводитис додбө тэчны турун,
кодөс ми чукөртім татчө гожөмнас. Турун дінысь өвтис аслысья-
ма чөскыд дук.

Зорөдсянь неылын тыдаліс пельеь пу. Вотөсьясые пыр на
ошалісны сәні. Ме соби лым питі, нюжөдчи да мөді нетшкыны
пельеь розьяс. Ачым пельеьсө вель уна сөйи да чой-воклы на
гортө вайи.

Кор мян сиктын котыртчис колхоз, Нидзөс діса видзьяс и
тыяс ставнас вуджисны өтувья овмөслы. Ми, челядь котыр, торья
нин зонпоснияс, быд гожөм отсасим колхозникьяслы — юр
кыскалім, куртім. Гажа кад тайө вөлі. Шоча и ветлывлім гортө.
Узьлім веськыда видзьяс вылын воньясын. Купайтчылім, чери
кыйны кад адззылім, сывлім школаын на велөдөм сылан-
кывьяс.

Великөй Отечественнөй война воясө ме уна во чөж эг волы
тайө төдса ді вылас. Дыр кад и эг адззыв ассым радейтана
пожөмөс. Но дум вылө усьліны найö тшөкыда, оз тай юр вежөр-
сьыд вушійыны төдса местаясыд.

Гортө бергөдчөм бөрын бара мөді адззысьлыны Нидзөс дікөд.

Эг чайт нин адзыны ассым пожомос. Коді тодас, мый вермис лоны ськод. Колөкө, вына төв породис, а гашкө, и пес вылө пилитисны да важон пачын ломтисны.

Но тодса пожом важ моз тшапа сулалис аслас местаын. Лоо-ма ещө на кызджык да джуджыдджык, сөмын откымын вожьяс чегьясьомаось. Кадыд тай ассые уджсө уджалө: пожомыс аслас сьокыд тушанас неуна пöлыньтчыштöма веськыдвылө.

Пукси веж луд вылө, көні сярвидзисны уна рöма дзоридзьяс, пункті юрөс пожом бердас, кывзышти сылысь пошиктөмсө, төлыскөд вашкөдчөмсө, лэбачьяслысь да чиркьяслысь сьылөмсө. И пыр жө дум вылө усины челядьдырся воясöй. Быттö выльысь кыла мамöлысь небыдик гөлөссö: «Панясь, Иванушко, панясь... Турун лөдзьястө од сөйтöгыд он вермы чукортны».

Пожомсянь неылын адзи и пельысь пусö. Сийö паськалöма, ыдждöма. Розьяс вылас бара öшалисны польдчөм вотöсьяс.

Век, кор ме воylvла тайö дi вылас, кутшöма көть ог мудз, кежавла аслам важся төдсаяс динö. Улө-улө копыртчыла пожомлы, и сьолөм вылын пыр жө лоö кыпыд.

Гожся лунгьясö дивывса видзьяс вылын бара кылöны уна лыда гөлөсьяс, машинаяслөн таргöмыс. Тайö көрым заптысьяс мырсьöны-уджалöны. И шойчысьяс, вөр-ва радейтысьяс, важ моз татчө воylvлöны.

Уна йөзөс нин адзылис аслас кузь нэмөн пöрысь пожом, уна пөлөс сыланкыв кывлис лэбачьяслысь. Гашкө, та дыра сулалигас мудзис нин. Эз од этшаысь кынмыв и көтасьлы. Но мөдысь либө коймөдысь дi вылө волигон ог кө адзы сийөс, сьолөм доймымөн лоö жаль.

Еджыд каньяс

Тайо лои Великой Отечественной война помасьом бöрын. Война воясö сьöкыд туйяс восьлалөм бöрын лоис и миян улича вылын праздник: вөрөгөс лои пасьвартöма. Ми, вöвлөм салдатыяс да офицерыяс, бергөдчим гортö. Тайо вöли ыджыдысь-ыджыд радлун.

Öнi на эг вунөд, кыдзи вежон мысти, гортö воөм бöрын, мөдөдчи вөрö, медым пөттөдз нимкодясьны төдса пармаөн, выльысь кывзыны шорьяслысь сьылөм-гажөдчөмсö, лэбачьяслысь мыла гөлөсьяснысö, кодясысь ёна быри гажöй.

Восьлалi пищальөн матö кызь километр. Гортö вöли бергөдчыны сёрнин. Кежи Човью бокö, көнi войнаөдз сулалiс важник куим керка. Öнi сэнi тыдалiс сөмын öти, мукөдыяссö, тыдалö, пес вылö лэчөдлөмаөсь. Нейджыд жырийын ломзис би. Ме зильджыка мөдi восьлавны керкалань.

— Вөралысь, буракö? Личөдчы, шойччы, — шыасис ме дорö олөма мужичöй. — Лун-лун ола öтнам, некодкөд весиг варовитыштны.

Недыр мысти төдмалi, мый олөма мужичöй видзö танi колхозлысь куканьяс. Шуöны сийөс Федот Петровичөн.

Яра ломтысис көрт пач, көнi жваркйис-пуис чай. Мудзөмла коть локтiс унмöй, но вой шөрөдз пукалим Петровичкөд. Уна пөлөс сёрни панлим да помавлiм. Медбöрын, Федот дядь лөсьөдiс меным вольпась да корис шойччыны:

— Вод, мудзин өд. Аски ме тэныд петкөдла вөрса юсьөс. Быд вой вольвлө татчö, лөскын труба дорын узылө, а мыйөн югдыштас, бөр вөрö пышйö.

— Мыйсяма юсь?

Старик читкыртлiс синьяссö, мыйлакö дыр вашгьялiс да тяпкөдiс вомнас, быттьö юмов кампет нёнялiс.

— Еджыд кань татчö вольвлө. Юсь кодь мича, көч кодь тэ-

рыб. Важон көсья кутны сийөс, да он тай босьт. Дзикөдз, бу-
ракө, йөзсьыс өтдортчөма. Вөрсьыс волас, бөр сэтчө и пышйө.

Петрович чуксаліс менө, кор ывлаын вөлі югдө нин. Тшөктіс
кепысысьны, сой вылө пунктіс эшкын, сәсся нуөдіс мудөд вылас,
көні, сы висьталөм серти, быд вой узылө еджыд кань.

— Мый мем колө вөчны, Петрович?

— Аддзан кө каньсө, эшкыннас тупкы. Кутны кыдзкө колө.
Ой өд мича, нач картинавывса кодь. Ме сьөрысь босьті пөнар,
тэныд кута югдөдны.

Надзөникөн кышөдчим векньыдик поскөд, коді катөдіс лөскө.
Эг на удитөй воны пач труба дорө, кыдзи сэтсьыс чепөсийс еджыд
кань да мөдіс чеччавны өтарө-мөдарө. Сингыасыс өзийөны, гөныс
сувтөма, полан и сы дорө матыстчыны: чужөмтө гыжъялас!

— Кут, кут!— горза ме Петровичлы.

— Эшкыннад вевтгы!— сетө сийө меным индөд.

Еджыд кань бытгыө гөгөрвоис миянлысь мөвпгыяснымөс, чеч-
чыштіс жугалөм өшинь пыр муас и мөдіс пышйыны вөрлань.

— Бара эг вермөй кутны,— сьөкыда ышловзис Петрович.—
Регыд ме куканьясөс лэччөда колхозө, төв пуксяс, тайө керка
пачсө некод оз кут ломтыны. Кыдзи нө каньыс кутас овны? Ме
эськө гортө сийөс лэччөді, йөлөн куті юктавны, чериөн да яйөн
вердны.

Ме сулалі жугалөм өшинь дорын да видзөді өдийө ылыстчысь
еджыд кань бөрся, кодлөн абу ни көзяин, ни горт. Кутшөм тэры-
ба сийө котөртө, кутшөм өна радейтө вөлясө!

Та бөрын ме уна во на вөралі тайө местаясас, тшөкыда ке-
жавлывлі Човью бокө, көні оліс да дзебсясис юсь кодь еджыд
кань. Но вөрса олысьсөс некор нин сәсся эг аддзыв.

* * *

Во куим сайын гөтырөй вайис суседгалысь ичөтик каньпи.
Сийө юсь кодь жө еджыд. Бөжыс мукөд каньпиян серти кыз.
Пельяс костас ичөтик сьөд пас.

Выль олысь өдйö заводитис быдмыны, лун-лун дурö да ворсö, то бöжсö ассыс нетшкö, то вöтлысьö вуджörьяс бöрся. Нимтiм ми сийöс Мичаөн. Гортсаяс быдөн радейтöны каньöс. Сы ныр улысь оз быравлы йöв, чери да яй.

Мича кужö гажöдны найöс, кодкöд олö, кодъяс сы вöсна тöждысьöны, вердöны-юкталöны. Заводитас кö сёрнитны телевизор, сийö сэн нин. Аддзас кö зеркалö пыр асьсö, мöдас скöравны, буракö, чайтö, мый сэнi мöд кань, кодöс колö дзик пыр вöтлыны. Радейтö видзöдны и ва видзан дозийö, сэтись бара жö аддзö тöдтöм каньöс, кöть и ваас тыдалö аслае вуджörьыс.

Мича өдйö быдмис. Öнi аслае нин пи эм, кодöс нимтiм Гошаөн. Сийö дзик мамыс кодь, сэтшöм жö еджыд да мича.

Мамыд тай — быдөн мам. Мича водз асывсянь рыгтöдзыс синьяссö оз вештыв вильыш пи вывсьыс, видзö сийöс усьöмысь, ас кадö вердö морöс йöвнас. Мырдьян кö сийöс öнi мамыс дiнысь, мындöм шогыс лоас Мичалы. Мед сiдзкö олöны öтлаын, öти семьяын, став муслунсö сетöны öта-мöдныслы мам да пи.

Гоша мамыс моз жö радейтö котравны, дурны. Гардероб пытшкö дзебсьылас, пöрöдас мыйкö пызан вылысь.

Радейтö и пукавны телевизор дорын, торья нин сэк, кор петкöдлöны хоккей. Пуктас юрсö экран бердö, синьяснае вöтлысьö өдйö котралысь ворсысьяс бöрся. Весиг заводитлас кутны өдйö тюрьысь шайбасö, но тайöс вöчны некыз оз вермы. Ворсысьяс пиысь усьö кö кодкö йи вылö, Гоша синьяссö весиг куньлас: жаль, тыдалö.

Асланым каньяе вылö видзöдiгөн кымынысь нин дум вылö усьлiс Човью бокын сулалысь важиник керка, кöнi олiс да дзебсясис Мича да Гоша кодь жö еджыд кань. Жаль, мый ми Петровичкöд уна во сайын эгö вермöй отсавны сылы. Повзис миянысь, бөр пышйис вөрö, кöнi, дерт, ковмис пыкны сылы уна тшыглун, кынмавны и дзебсясьны зверьясысь лун и вой. Öнi, тöдöмысь, сийö важөн нин абу ловья, но сы йылысь казтылöмъясые колины миян сьölöмъясö.

Лэбачьяслөн столөвöй

Төв кежлө быд во өшинь улө ме сувтöда ичөтик пызан. Тайö лэбачьяслы столөвöй. Найö обедайтöны, пажнайтöны сэни, а дон оз мынтыны. Лөсьыд — нинөм он шу. Гашкө, сы вöсна и векны-дик пызан гөгöрысь пыр поэь аддзывны гөстьясөс. Найö чирзöны, чеччалöны, весиг корсюрö косьö волöны.

Татысь поэь адзыны и гөрд морöса жоньöс, и мудер пыш-кайöс, и ичөтик пыстаöс.

Көть пызан вылысь и оз бырав сёян, а лэбачьяс век жö старайтчöны запгысьны. Сёясны-сёясны пөттöдзыс, сэсся дзэбасны вомкөтшас зөр тусь либö нянь крöшки и нуасны сийöс асланыс гуся йөртöдö, мöдысь кежлө. Запаснад öд гажаджык, таысь найöс видны оз поэь.

А вот пышкай торъя нин горш да мудер. Ачыс кө сийö пөт, мукöдгьяс вöсна оз тöждысь. Аддзас пызан вылысь пыстаöс, лэптас гөнсö, кутас эршасьны, горзыны: «Чик-чирик... чик-чирик... Мун татысь... мун татысь...» Он көсийы, да лоö мунны, быд крöшки вöсна öд он кут пинясьны да косясьны.

Öтчыд ме аддзылі татшөмтор.

Бушкала вой бöрын лэбачьяслөн столөвöй тыри лым улö. Асывнас сэтчö нурьясьны медводз жбыркнитис-лэбис төдса пыш-кай. Сийö пуксис пызан вылө, видзöдліс гөгөр, а сэни, лымйысь кындзи, немтор абу. Шөгөдіс пышкайöс. Мый вöчны? Оз ачыс кут весавны лымсö, кокыс вермас кынмыны. Котралыштис-котралыштис, сэсся лэбзис потшöс вылө да кутис кыйöдчыны.

Недыр мысти пызан вылө пуксис пыста. Сийö эз повзы пыш-кай моз, нырнас да кокъяснас заводитис шыблавны лымсö. Мый көть и ичөтик, а зиль, öти здукөн кодйис гуран. Пышкай пукалö да гусьöникөн сералö: «Уджав, чойö, уджав...»

Со и лым улысь тыдовтчисны медводдза зөр тусьяс. Öни поэь нурьясьыштны. Кокыштис гоз-мöдысь, а пышкай сэни нин.

— Нөрөвитыштлы, чойо, ме первой кынөмөс тырта.

Пыста эськө заводитліс жө видчыны, колі пө тшөтш отсасьны, но кывзас өмөй пышкай. Сідзи и вөтліс чойсө.

Мем жаль лои ичөтик зіль пыстаыс.

Тöлын уткаяс

Лунвывса шоньд муясысь волысь став лэбачьяс, кодьяс быдтысьöны Коми муын, арнас бөр мунöны татысь.

Посни лэбачьяс, истаньяс, уна пөлөс уткаяс сентябрь помыннин эновтöны войвыв. На бөрся лунвылө заводитöны лэбны суючöжьяс, дзодзөгьяс, турияс, юсыас. Медсёрөн мунöны съод уткаяс.

Мукөддырйи найөс аддзан на лым усьөм бöрын. Сук гöныс да госныс видзöны найөс кынмöмысь.

Шочиника овльылө и сідз, мый ранигчөм либө асланыс кельбöбьясысь торьялөм уткаяс кольччöны весиг төвйыны.

Кызкө март төлысь заводитчигөн аслам синьясөн удайтчыліс аддзывны Койтыгысь съод уткаясөс.

Вөлі көдзыд асыв. Посныдик кымөрьяс костөд мыччысис бледник шонді. Чукөрөн-чукөрөн сулалісны еджыд кудриа кызьяс, йөжгыльтчөмаось, оз весиг вөрзыштны.

Восьлалі ты пөлөн, көсийи вуграсыштны йи пыр, кыйны ёкышгьясөс. Неылын тыдаліс восьсаин, коді и төвнас некор оз кынмыв: тыдалө, ключ петө. Тшын кодь ру пуркөдіс-петіс сатысь да дышиника руныгис лымыён вевттысьсөм берег пөлөн.

Эг на удит вöчны воськов кызь, восьса рыысь кыпөдчисны уткаяс да өдийө вошины бадь кустьяс сайө. Найө вөліны куимөн. Первойсө весиг эг көсийи веритны: «Уткаяс? Тöлын?»

Кызди нө найө вермисны терпитны нелямын градуса көдзыдыяс? Коді видзис найөс бушковьясысь? Көні дэбсясисны кузь

войснас? Мый сёйсны, кор став юяс да тыяс дзесбсьомаёсь кыз йи улө?

Недыр мысти паныдаси колхозникъяскөд, кодьяс локтисны турунла. Кор висьталі налы уткаяс йылысь, то найö нёти эз дивуйтчыны. Налысь ме төдмалі, мый уткаяс тыас олөмаёсь төвбыд. Первойсö найö вөлөмаёсь нельөн, но кутшөмкө лёк мортлөн лыбөма кыяс өтиөс на пыись лыины.

А видзны эськө колі. Öд кутшөм уна сьөкыдлунъяс ковмис терпитны уткаяслы кузь, көдзыд төлын.

Колхозникъяс висьталісны и сы йылысь, мый уткаяс унджык кадсö олөны турун зорөдьясын, дзесбсьоны лым пытшкын. Сөмын регыдик кежлө петавлөны сёйны восьса рьясö.

Дыр пукалі берег дорын. Окота вөлі выльысь видзөдлыны повтөм лэбачьяс вылө, но найö сідзи и эз петкөдчывны.

Сир

Миян юясын да тыясын олө медся горш чери — сир. Нэм чөжнас сійö бырөдө уна пуд чери. Сир сяммө кутавны и уткапьянөс, оз өткажитчы чөсмаьсны весиг аслас посньыдджык чойвокөн. Коді слабджык, надзымджык — өдйö вермас веськавны сирлөн лэчыд пиньяс улө. Мукөддырйи заводитан керны, — пытшкөсас сылөн кык-куим чери.

Аслас горшлун вөсна сир быдмө зэв өдйö. Кык-куим килограмма сын да ёді кө шедлывлө шоча, сир веськавлө пызан кузя.

Тулысын сійö кульмө водз. Муртса на мөдөдчас йи, а сир пырө нин курьясö да посни юясö, медым лэдзны пөксö важ турунъяс да бадь кустьяс вылө.

Эжва да Сыктыв юясын июнь төлысь шөрсянь сир заводитө босьтны кысан, кодөс чери кыйысь кыскалө пыжөн ветлгөн.

Интереснө кыйны тайö горш черисö и спиннингөн. Мукөд-

дырйи час-мөдөн позьö кыйны некымын душ. Ёнджыка сийö босьтö шондi лэччандор либö водз асывнас. Корсюрö, торья нин гудыр да лөнъ поводдя дырйи, бура шедö и луннас.

Тыясысь, курьяясысь сир позьö кыйны жерлицаясөн да öткагырысь вугырьясөн, кодьясöс бурджык шыбитны берегсянь, кузь шатингьяс йылысь. Сам пыддиыс позьö самавны ловья чериясöс, йиторьяс, лягушаясöс. Черияс пиысь сир ёна радейтö пöддязьясöс, яя мыкьясöс, гуринаясöс, кельчиясöс, йöршгьясöс, ляпапаянöс.

Слöбöда рейдса чери кыйысыя, торья нин челядь, сирьясöс кыйöны и шатинөн. Вöчöны тайöс сiдз: жилка помö кöрталöны вöсньыдик сутуга, кытчö и йитöны вугырöс. Сам пыдди пысалöны ловья нигыль, кодöс позьö корсыны ю берегдорса вутшгьяс улысь. Чери кыйысь босьтö шатинсö кияс и надзöникөн ветлöдлö берег пöлөн, нигылысь жö веглясьö ва веркöсас. Чöскыд сам казялём бöрын сир ньылыштö сийöс и пысасьö вугырас. Дерт, тадзи кыйсигөн ёнджыкасö шедöны песни сирьяс. Но налөн жö яйыс меда чöскыд.

Кодi кöсийö кыйны гырысьджык сир да венласыштны выньяснас тайö ён черияскöд, бурджык вöдитчыны спиннингөн либö жерлицаясөн.

Водз асыв. Шондi койö асьыс югöрьясöс видзьяс вылö. Тэ пукалан ты дорын да сюся видзöдан гөгөр. Чужöмтö гильöдö небыдик тöv, син водзад — мича серпасьяс. Лэбачьяслөн дугдывтём сылёмыс, цветгьяслөн уна рёмгьясөн дзоридзалёмыс — ставыс радуйтö тэнö.

Дыр на, колöкö, нимкодясин ывлавывса мичлуннас, но со берег пöлөн сутшкалём шатингьяс пиысь öтиыс друг дрөгнитис, копыртчылис ва бердöдз. Котöртан сэтчö. Пыр жö гөгөрвоан: кутчысьöма чери.

Зiлян кыскыны сийöс береглянь, а сир оз лок. Кöсьян кодöскö чукöстны отсöг вылö, но яндзим, серавны кутасны: со пö черикöд матö воис. А ачыл гусьöникөн шöпкöдан: «Мед кöть оз жö мын».

Медбõрын, сир мудзõ. Сийõ оз нин водзсась, локтõ сэтчõ, кытчõ кыскан.

И со, турун пõвстын, пеласьõ гундыр кодь ьджыд хищник, паськõдлõ вомсõ, кучкалõ бõжнас. Тэ кутан сийõс кыкнан кинад, полан — пышгьяс бõр.

Дыр кутан казтывны, кор тэнад шуд вылõ кутчыяс татшõм ьджыд сир.

Кыз

Õшинь улын быдмис кыз. Быдмис дыр. Весиг ачыс Õксинь пõч вунõдис, кор садитлис еджыд кока пусõ. Унаысь волис тулыс да ар, сотлис шондi да усылы лым. Кыз сõвмис-нюжалис, а Õксинь — пõрысьмис. Пõчлõн кос чужõм вылас содисны чуқырьяс, а быдтасыслõн петисны пыр унджык и унджык выль вожгьяс.

Пашкыр мича пу! Тулысын сийõ вежõдас, кудритчас, арнас жõ пу дорысь бобувгьяс моз лэбзясны вижõдõм-косьмõм коргьяс.

Õксинь радейтис аслас киясõн садитõм пусõ. Гажа тувсов рыггьясõ частõ петавлис сы дорõ. Пукгьяс ляпкыдик джек вылõ, шойчõдыштас мудзõм лысьõмсõ, казтыштас ныв-пиянсõ, кодгьяс лэбачгьяс моз разõдчисны чужан позйгьяс.

Дивгья õни пõчлы шойччыны: челядыс быдмисны, почталгьян быд тõлысь гортõдзыс вайõ пенсия. Кургõ-олõ, пõt и шуда. Да и посёлкса том йõз радейтõны гажõдчыны кыз улын. Мукõддырйи вой шõрõдз пукаласны, сыласны. Пõрысь морт оз дõзмы, ачыс коркõ вõли том.

Со и талун пõч петис шойччыны. Эз на удит матыстчыны пу дорõдз, кынмис места вылас. Кызлысь чорыд кучиксõ кодкõ вундалõма, розбõдлõма, пу сьõмõсысь шорõн визувтõ синва. Пõч уськõдчис, рана вылас пуктис ичõтик кисõ, сьõлõмыс тыри ьджыд скõрлунõн.

Бөрдіс кызд, бөрдіс Өксинь. Вөсньыдик сой вылас войталісны сөдз синва войгыяс. Эз, нинөмөн эз вермы отсавны пөч доймөм пулы. Сійө весиг эз төд пакөститчысь мортсө, коді өти лунөн вөчис кык дой: чөла сулалысь кыздылы да пөрысь Өксинь сьөлөмлы.

Көть ичөт, а зверь

Вөрса туйөд, кодөс гөгөрбок кытшалөмаөсь тусяпуяс, вөсньыдик бадьяс, вөсылаліс геолог. Мышкас изьяс тыра сьөкыд ноп.

Помасис васөд места. Геолог өні вөсылаліс неыджыд кыр паныд, көні вөрыс вөлі вывті гежөд. Тані быдмисны сөмын пөжөмгыяс — войвывса вөр-васө гажөдысь пуяс.

Морт друг сувтіс. Сысянь вөськов вит сайын, пөрөм пөжөм улысь, мыччысис ичөтик зверь. «Визяорда», — думыштіс том морт.

Визяорда казяліс мортөс да дзөбсьөм пыдди кутіс видзөдны геолог вылө. Ачыс ичөтик-ичөтик, туша кузяыс — чукульбөсь-мукульбөсь вит визь. Бөжыс вөсньыдик, дженьыдик. Кутан кө сійөс, ки пыдөс вылад төрас, сэтшөм сійө жебиник.

Геологлөн мудз чужөм вылас мыччысис нюм. Муртса вештыштіс нййтөсь сапөгсө водзлань — визяорда тэрыба чипөстіс да пуля моз воши вужля улө. Недыр мысти вужля мөдар боксянь бара мыччысис. Первой тыдовтчисны сьлөн пельясыс, сэсся воөм льөм тусь кодь сингыясыс. Геолог эз на удит вөчны өти вөськов — визяорда бара тьовкнитіс-воши.

Том морт шыбитіс мышьыс изьяс тыра нопсө. Ачыс синьяссө эз вештыв пөрөм пу дорысь. Вөрса олысьөс эз ковмы дыр виччысьны, бара мыччис ичөтик чужөмсө, дженьыдик кокъяссө, бытгыө көсйис ошйысьны: «Со ме кутшөм, любуйтчы, мындөм колө, а кутны эн и думайт — он су, өти здукөн пышгыя».

Сідзи и эм. Муртса геолог шутөвтіс, визяорда бытгыө сійөс и виччысис. Чургөдіс бөжсө, чеччыштіс водзлань, сэсся тюрөдіс-

пышйис тілля пуяс пытшкө. Дарөм медся ичөт зверь, а вөлөмкө, тэрыб да сюсь.

— Ак, зимогор, пышйин. Часлы, видзөдла, мый вөчин вужля улас,— том морт матыстчис пу дорө, кытысь сөмын на пышйис визяорда.

Вужля улын вөлі кык ыджыд розь. Шуйгаладорас — сөян видзан кум. Мыйсө сөмын сэтчө абу кыскалөма: пуяслысь да турунъяслысь көйдысьяссө, весиг ид да зөр тусьяс! И ставсө тэчөма торйөн. Гашкө, шапка тыр запас төв кежлө чукөртөма. Мөд розяс визяордалөн узыланіныс. Сэні вөліны кос турун да быд сикас пу корьяс. Мыйөн көдздөдас да кынмас муыс, сійө дыр кежлө водас шойччыны. И сөмын водз тулыснас, кор нин шондыс кутас прамөя пөжны, первойысь петас позсьыс.

Заводитіс нин рөмдыны, а геолог дыр на сулаліс пөрөм пу дорын, гашкө, думнас выльысь көсийс адзывны ичөтик удал зверөс.

Көлач бөжа Реке

Казьтылөм

Уна во чөж ме мөвпалі пон лөсьөдөм йылысь. Арнас муна вөлі вөравны, кыла кутшөмкө понлысь пармаын увтчөмсө, и сьөлөмөй ёкнитас.

Карын олігөн, дерт, понйөс видзны абу кокни: сылы торья оланін колө, и дом йылын ковмас видзны, но век жө нель кока другөс быдтөм кузя думьясөй пыр бергалісны юрын.

Торья нин ме көсий быдтыны лайкаөс. Коми вөралысьяслөн тайө сувтса пеля, көлачөн гартыштчөм бөжа понйыс пыр вөлі да лоас бур отсасьясьөн. Лайка понйыд и ур да тулан увтө, тарьясөс да дозмөрьясөс корсьө, утка кыйигьясөн ёна отсасьө. Адзза вөлі ме татшөм понсө да дыр видзөда, любуйтча сьөн.

Век жö менам кöсйöмöй да думгьясöй збыльмисны. Отсаліс Удораысь матысса друг Юрий Константинович, кодöс пыр кута аттьöавны.

Сёрнитчöма сійö öти тöдса вöралыськөд да корöма кычипи, медым ыстыны эсся сійöс меным.

САМОЛЁТ ЛЭБÖ СЫКТЫВКАРÖ

Öти гожся лунö Косланса аэропортысь кыпöдчис самолёт да мöдiс лэбзыны Сыктывкарö. Öти пассажир пидзöс вылын тыдаліс кучик сумка. А сумкаас пукаліс аслыссяма «пассажир», ичöтик понпи. Юрий Константинович сійöс мөдöдöма аслас тöдсакөд меным, висьталöма, кыдзи аддзыны менсьым керкаöс тöдтöм карысь.

Юрий Константиновичлөн челядыс, кодгьяслы, дерт, жаль вöлі торйöдчыны вильыш понпикөд, сумкаас Рекслы тэчöмаöсь быд пöлöс гöснечсö: печенньö, кампет, еджыд нянь.

Рекс немтор эз тöд, кытчö сійöс лэбзöдö тайö паськыд бордгьяса лэбачыс. Пукаліс сумкаын юрсö мыгчöмөн да сюся кывзысис самолёт моторлөн жургöм шыö. Гашкö, дзескыд сумкаын пукавны эз во сьölöм вылас. Котраліс эськö öни öшинювса йöрын, веж луд вылын, а сы бöрся чилзигтыр вöтлысисны челядь да горзисны: «Рекс! Рекс! Эн пышгьяв. Миянлы тэкöд зэв окота ворсны».

Понпиöс вайысь том морт эськö заводитліс Рексöс гөститöдны челядьөн пуктöм гөснечөн, но сійö печенньö вылад эз и видзöдлы. Кутшöм нин сөйöм, кор тэнö тöдса сиктысь нуöны кутшöмкö вьль местаö.

Мый виччысьö сійöс вьль местаын? Кодкөд кутас овны-вывны?

А самолёт лэбзис пыр водзö. Лэбзис зумыш пармаяс вомөн, нюрьяс да эрдгьяс вывтi.

Рыгыс вөлі шоныд да лөнь. Гожся шонді дышиникпырысь вунгыртис аслас туйод. Веж коръясөн вевтгысьём пуяс вылын сылысны мыла гөлөса лэбачьяс. Пуяс дінысь өвтис чөскыд көр.

Локті ме удж вылысь. Эг на удит восьтыны веранда өдзөссө, паныд уськөдчис нылöй.

— Папа, папа, коді мян эм!— долыда юөртис меным Оля.

Восьті өдзөс и пыр жө аддзи джодж кузя варгылясьысь ичөтик кычиөс. Сійө казяліс менө да эрыштчыліс весиг, тыдалө, көсийс повзьөдны.

Гөтыр висьталіс, мыйөн да коді вайис тайө ичөтик гөстьөс.

— Молодеч, Юрий Константинович. Абу вунөдөма менө.

Ме копыртчи понни дорө, малышті сійөс небыдик гөнөдыс. Видзөдлі меліа ворсөдчысь синьяс вылас, и сьөлөм вылын лои нимкодь.

Кычилы чужөмсяньыс вөлі вежон куим. Чужөмыс да пельясыс сьөдөсь. Еджыд кокъясас тыдалөны рудов чутьяс. Ныр-вомыс ручлөн кодь ёсь. Тушаыс кыті еджыд, а кыті и сьөд, быттьө дөмасьяс пукталөмаөсь. Еджыд бөжыс то көлачөн крукыльтчылас, то бөр лэччылас увлань. Пөрөда сертиыс збыль вылө лайка пон, код йылысь ме важөн мөвпалі.

— Но, чолөм, друг! Кыдзи тэнад нимыд?— вылысь малышті ме гөстьөс.

— Рексөн сійөс шуөны,— вочавидзис нылöй.— Ой, кутшөма ме сійөс радейта. Ми ськөд быд лун гуляйтны кутам.

Рекс быттьө велалөма нин выль оланінө, котралө, нетшкө, мый пиньяс улас сюрө, джодж кузя гөгльөдлө резинөвөй мач. Тасьтгысь йөв лакыштас, бара мөдас ворсны. Челядь — челядь и эм.

Узис Рекс аслас вольпась вылын, кодөс ковмис вольсавны кухняө. Садьмыліс сійө керкаын медся водз и пыр жө сетліс та йылысь төдны увтчөмөн.

Тадзи заводитчис олөмыс карын ылі Кослан сиктысь воөм гөстьлөн.

Колины лунгъяс, вежонгъяс... Рекс быдмис өдйө. Асывнас да рытнас сийө пöшти быд лун гуляйтис мекөд ывлаын. Вель тшөкы-да сийөс петкөдльвлис гуляйтны и Оля. Рекс төдис нин ставнымөс, кодъяс олим тайө керкаас.

Быд пөрийө, кор гөтырөй петкөдлис сылы сөйны, дыр никля-сис сы гөгөр, висьталис ассыс радлунсө.

Гуляйтигъясөн Рекс медся ёна эз радейт каньясөс. Казялас кө каньөс, дась вөли сийөс лэптыны пу вылө либө вөтлыны, кытчөдз оз вош син водзсыс.

Кор Рекслы тырис куим төлысь, сийөс ме нуөди ветамбуляторияө. Колө вөли вөчны укол, медым эз висьмы чумкаөн.

Менам нель кока том другөй дом йылын котөртис орчөн. Амбулаторияө пыригөн мөдис исасьны, тыдалө, кылис лекарствоясыслысь дуксө.

Рексөс водтөдисны кузь пызан вылө. Ме сулалі сы динь да куті, медым эз пессы. Еджыд халата врач вөчис сылы укол. Пон весиг эз и ойөст, ме вылө видзөдис жугыля, бытгьө көсийс юавны: «Мый нө ті мекөд вөчад?»

Гортө бөр мунигөн бара гажмис, чеччаліс өтарө-мөдарө, менө тэрмөдліс.

Менам нылөй ичөт дырийыс ёна вөли полө укол вөчөмсьыд и пыр жө мөдис жалитны понйөс.

— Рексушка, көнкө, врачыд ёна дойдаліс? На, тэныд сакар вайи,— эз на удит нюжөдны кисө, а ичөтик сакар тор вөли нин Рекс вомын. Гуж-гаж вөчис — и абу. Ещө корө, меліа-меліа видзөдө том көзяйка вылө.

Рыгъяснас Рексөс ме велөді. Урокъясыс вөліны аслыссямабсь. Эг лыддысьны да гижны велөд, а кызди асьсө кутны ветлөдлігөн, вөралігөн. Дыр эз велав көзяинкөд орчөн дом йылын ветлөдлыны, пыр кытчөкө тэрмасис.

— Орчөн, Рекс! Орчөн!

Сэсса тайё тшөктөмас кутіс вочасөн велавны.

Өдйё сійё гөгөрвоис и мөд урок: мыйкё шыбита да, медым ваяс менам тшөктөм серти ме дінө. Дерт, ковмис и тайё урокнас вель ёна ноксыны.

Велалис Рекс и ваысь не повны. Бызгыяс-пырас гөптө, пөттөдзыс уялас. И вартчө зэв кокниа. Петас берегө, пыркнитас котасьом «паськөмсө» и бара мөдас ризъявны-котравны.

Тшак вотігыясөн ме сійёс босьтывлі сьорысь: мед төдмасьё вөр-ваыскөд. Кольё во-мөд, и сылы кыйсьыны ковмас. А сьөдз колё велөдчыны и велөдчыны.

Кор теплоходөн мөдөдчылім кутшөмкө выль местаө, Рекс сюся видзөдө гөгөр, гашкө, көсийө бурджыка төдмавны, кытчө сійёс нуёны. Ылалас кө вөрас, медым аддзыны гортө мунап туйсө. Мукөддырйи сійё лэптывлис водз лапаяссө теплоход палубавывса перилөас да дыр сулавліс тадзи.

Теплоход вылысь петны некор эз тэрмась. Виччысис, медым йөзсө водзджык лэдзны. Но кор мынтөдлі дом поводсө, сэки нин төв ныр моз мөдліс ризъявны. Водзлань котөртглас, пыралас вөрө, меным паныд волас. Аслыс любөыс! Ёна жө, буракө, муса сылы гажа ягыясы, вөр диясы, вөр-ваыслөн мичлуныс.

Лунтырнад мудзас сэтчөдз, гортө воам да, весиг оз сөй, сөмын ва юө.

ПАКӨСТИТЧАН КӨ, ВИДАСНЫ

Рекс воысь дырджык нин олө ме ордын.

Пуксис ар. Аслас мичлунөн, аслысьяма лунгыясөн. Бордйыв кыпөдчисны да сөвмисны тавося тарьяс, дозмөрьяс да сьөлаяс.

Татшөм лунгыясыс кыскөны ас дінас вөралысьясөс. Лунтыр восьлалан пищальөн ылөдз нюжөдчөм парма кузя, пөттөдзыд лолалан сөстөм сынөднас, чөсмасьыштан чөдйөн да пувйөн, и выныд быттё содас.

Тайо каднас ме буретш отпуск босытлывла. Таво кыйсиг-вöраліг-кежлö жö лöсьöдчи. Да и Рексöс колö ёнджыка вöдитны вöрын. Велöдтöгыд öд сыысь некутшöм тöлк оз ло. Кольöм во кö ичöt на вöлі, таво арнас арöсысь ыджыдджык нин.

Отпускö петан луно жö мөдöдчим вөрö. Вöлі водз асыв на. Сöмын шочиника карса уличаяс кузя журьялісны машинаяс.

Кор лэччи кильчö поскөд да сувті веранда дорö, Рекс гораа мөдіс утчыны. Жырийсы, кöні оліс сійö, вості öдзөссö. Рекс радысла пыр жö чепöсийс меным паныд, да водз лапаяссö пуктіс морöс вылö, сюся мөдіс гартчыны кок гөгөр, чеччавны. То дукыштас пельпом вылын öшалысь мешököс, то пицаль лөжаөс нюлыштас. Ачыс, көнкө, думайтö: талун ми, тыдалö, кыйсыны мунам, кöзяин эз прöста босыт тайö сьöд ствола пицальсö. Мыйön босыті дом повод, пон öвтыштіс бөжнас да водіс: на пö домав! Тöда, домавтөг он ну менö. Да и автобусад либö теплоходад оз лэдзны.

Тайö пöрийö вөрö ми мөдöдчим автобусөн. Рекс туй чөжыс пукаліс чöла, сюся видзöдіс автобусын пукалысыяс вылö, быд зыркнитөм бöрын кыпöдчыліс места вывсыс.

Воим Вьлыс Човйö. Автобусысь петөм бöрын ме мезді ассым нель кока другöс дом поводысь, и сійö пыр жö мөдіс котравны.

Эг на удитöй петны вөр кыскалан лежнөвка вылö, гөра бокын сулалысь гид дорын кутісны мый вынсыс горзыны чипаньяс, быттö лёк варыш на вылö уськөдчис.

Ме пыр жö гөгөрвои: Рекслөн тайö уджыс. Котöрті чипаньяс дорö и чуйми: понйöй на бөрся вөтлысьö. Эг на удит чирыштны, кыдзи сійö öти чипанöс тшапнитіс бөжөдыс. Но пикö воём чипан бордьяснас кучкаситыр вермис мынтöдчыны, сöмын пон воём колис ассыс бөж джынсö.

Мыйön горөді, Рекс пыр и дугдіс пакөститчөмысь да мөдіс котöртны водзö, быттö немтор эз и вöv. Вель дыр виді чипаньяс вылö усьласьöмысь. Öг тöд, төдчис-ö сылы тайö видöмыс, но та бöрын сэсся некор нин эз усьлась чипаньяс вылö.

Сійö луннас ещö на öтчыд ковмис видны ассыым другöс. Вöр керкаö вотöдз, нейджыд вөр дi бокысь, кылö, жбыркнитiс сьöла да пуксис матысса коз пу вылö. Ме пыр жö чургöдi пищальöс да лыйи. Муртса на пöтка уси, а понйöй кватитiс нин. Сетi команда:

— Рекс, оз позь! Öнi жö вай татчö!

Но пон эз кывзысь. Сьöласö топöдöма пиньяснас, öтарö-мöдарö котралö. Вель дыр ворсiс, эз кöсйи сетны босьтöмторсö — и ставыс. Сэсся, тыдалö, повзис менам видчöмысь, вайис сьöласö да пуктiс кок дорö. Ме пондi понйöс видны, ньöр чеги да мöдi грöзитчыны:

— Öнi жö бөр лэччы гортö! Оз ков меным кывзысьтöм понйыд!

Рекс куйлис мясянь неылын да тэрыба öвтчис бöжнас. Синьясыс жугыльöсь, прöща корöны.

Вöр керкаö вотöдз эг шыасылы сы дiнö. Рекс то матыстчылас ме дiнö, то кольччыштлас бөрö. Видзöдлас ме вылö, синьясö лэдзас увлань. Яндзим, буракö, эз öд прöста видны.

Медым бурöдны менö, пон быд ногыс кöсйис лоны мелiджыкөн. Узьмöдчим Паньö грездын, кöнi вель ыджыд видз помын сулалiс ичöтик вөр керка. Рекс кытшовтiс видз гөгөр, кöнi заводитчö вöрыс, вель частö сувтлывлiс и увтiс. Увтас, сэсся водзö котортас и бара мöдас увтчыны. Колökö, думсыс повзьöдлö зверьясöс, медым найö эз матыстчыны войнас вөр керка дорö да торкны уннымöс.

Ужнайтöм бöрын ме водi нар вылö, а Рекс нюжöдчис öдзöс дорö да пельяссö чошнитöмөн кывзысис войся шыясас.

КЫТІ МУНÖМА БУШКОВ

Некымын лун мысти ми Рекскöд бара мöдöдчим вöравны. Сыктывкарсянь Эжваöдз лэччим автобусөн. Сэсянь вöрыс зэв матын. Вуджан векныдик Емваль ю и пыр жö зурасян пармаö.

Мем бура тӧдса тайӧ местаясыс. Эжва посёлокын ме быдми да велӧдчи. Тшӧкыда котравлим ӧтарӧ-мӧдарӧ чукльӧдлысь Емваль ю пӧлӧн, матӧ вӧръясысь вотлим пув да тшак.

Вӧралӧгьясӧн пырджык жӧ ветлӧдлӧ тайӧ местаясӧдыс, кытӧн вӧлӧ тӧдса быд нюр и вӧрса ордым.

Векныдик туйӧд мӧдӧдчим Миронлань, кытчӧдз тасянь лӧӧ километр дас вит. Кор паськыд нюрӧдз коли верет кык, миянлысь туйнымӧс потшисны пӧрӧм пуяс. Кымын водзӧ писькӧдчим, пӧрӧм пуяс кутисны паныдасыны частӧджык. Кольӧм восянь ме эг вӧвлы тайӧ местаясас и эг тӧд сийӧс. Гӧгӧр тыдалисны крестӧн-крестӧн куйлысь кыз козъяс, пожӧмъяс, кодъясӧс вужнас не-тшыштӧма да шыбитӧма вына бушков. Медым не воштыны туйсӧ, частӧ ковмылис сьӧкыд мешӧкӧн да пишальӧн писькӧдчыны пуяс вомӧн, кытшовтны найӧс. А пӧрӧм пуяс вӧлӧ сэтшӧм уна, мый мунны водзӧ он вермы.

Дзикӧдз нин мудзи, быри вынӧй. Пуксы кӧть да татӧн и узь. Рече зэв кокниа чеччалӧс пуяс вомӧн, быттьӧ оз и тӧд мудзӧмсӧ. Волас ме дорӧ, нюлыштас киӧс, босьтас пиньяснас пальто пӧлаӧс да ас бӧрсяыс пондас кыскыны.

Матӧ кык час ми кыссим тайӧ мунны позьтӧм местаӧдыс. Со мый тӧлыд вермӧма вӧчны. Не понийӧ кӧ, колӧкӧ, эг и вермы петны сӧтысь. Аттьӧ Рексушкалы!

Кор мыгчысис нюр, пуксим шойчыны. Мешӧкысь кыски кык сакар тор да мыччи нӧль кока друглы.

— Аттьӧ, Рече. Петкӧдин кӧзяинтӧ «адысь».

Сийӧ видзӧдис ме вылӧ мелӧ синъяснас да пунктис юрсӧ пидзӧс вылӧ.

Тайӧ луннас Рече первойысь увтис дозмӧрӧс. Лыйны кӧть пӧткаӧс эз удайтчы, но сьӧлӧмсянь таысь ошки понийӧс.

Дозмӧр ӧн бордъяснас шенасигтыр важӧн нин воши сьӧд пармаӧ, а пон пыр на ризъялис круг бӧрся круг да корсис, кытчӧ дозмӧрыс пуксис. Ылӧдз, тыдалӧ, лӧбзьӧма: Рекслы мӧдысь сийӧс сӧдзи и эз удайтчы аддзыны.

Быд пöрийö, кор ми Рекскöд мөдöдчылím вөрö, понлы лоліс сэтшöм рад, гижны ни висьтавны тайöс он вермы. Никлясис, чеччаліс, нюліс менсьым киясöс. А сингьясыс мелі, видзöдöны гажаа, шоныда, быгтгö кöсйöны шуны: «Но и котральштам жö ми талун. Атгö, кöзьяин, он дышöдчы, бара мунан вөрö».

Дум вылö уси öти татшöм вөрö петалöм.

Вöлі сёр ар. Муыс вевтгысис гөн кодь небыдик лымйөн. Едждöдисны пушкыра козьяс. Ланьтисны вöрса ичöтик шоргьяс.

Рекскöд лунтыр ветлöдлім вөрöд. Кыпöдліс пуяс улысь кымынкö сьöлаöс, кодгьяс öктисны пув тусьяс, но лыйны сідзи некодöс эг и вермöй. И абу жаль: мед лэбалöны, гажöдöны миянлысь парманымöс. Зато шойччöгыс сюри пöтмөн. Эн кöть и лэччы вöрсьыс.

Пемдандорыс нин вель джуджыд козийсь понйöй увтис урöс. Небыд да мича гöна, сійö чеччыштис орччөн сулалысь джуджыд козийö, бöжсö сöмын адззылі. Сэсся пыр жö вошис пулөн сук вожьяс костö. Ме босьті киö чер, некымынысь кучки пуö, но ур эз и думайт петкöдчыны.

Сьöла чипсангьясöс, кодгьясöс вöлі кöрталöма көв йылö, öшöді пальто кизьö. Кор мөдöдчи гортö, чипсангьяссö кöсйи суйны пытшкöс зептö, но найö морöсын эз нин öшавны. Урыдкöд ноксигөн, тыдалö, усьöма кытчöккö. Корси вель дыр, но кытысь аддзан, кор гөгөр лым, коді тöдас, кор да кытчö найö усины.

— Рекс, чипсангьясöс вошти, корсь. Тэныд, гашкö, сюрас, — кевмыси ме понлы вöрысь туй вылö петöм бöрын. Другöй, тыдалö, гөгөрвоис, мыйысь шогея. Зэв öдийö котöртис ыджыд коздорö, гоз-мöдысь увгыштис, сэсся мөдіс исасьны.

Регыд сійö бөр бергöдчис. Вомас дженьыдик көв йылын öшаліс куим сьöла чипсан, кодгьясöс ме воштылі.

— Айда, Рекс! Но и молодец! — ошки ме другöс да сэн жö топыда кутыштлі. Дыр та бöрын дивуйтчи пон вылö. Быдтор гөгөрвоё, сöмын сёрнитны оз куж. А öд сылы муртса на арöсысь унджык.

Пуксис 1972 во. Быдса тӧлысь ми Рекскӧд эг ветлӧй вӧрӧ. Лымйыс лои вывтӧ джуджыд, понлы ветлӧдлыны зэв сьӧкыд.

Сэсса нем виччысьтӧг мем ковмис эновтны гортӧс да кык тӧлысь кежлӧ мунны велӧдчыны Москваӧ. Мунан лунӧ дыр пукалі друг дорын. Малалі сійӧс, унаысь топӧдлі морӧс бердӧ.

— Эн гажтӧмтчы, Рекс. Регыд бӧр аддзысям.

Пон быгтӧ гӧгӧрвоис менсьым висьталӧмсӧ, кытшкылясис кок гӧгӧр, видзӧдіс меліа-меліа.

Москваын олігӧн мем частӧ дум вылӧ усылывліс аслам нель кока другӧй. Гортсаяс письмӧын гижисны, мый и Рекс ёна гажтӧмтчӧ меысь, быд асыв омлялӧ, инас оз ӧшйы. И ме гажтӧмтчи сыысь. Аслад быдтасыд тай зэв дона. Эг ӧд этна километр восьлалӧй ськӧд парма-ягъясӧд кольӧм вося арын. Кытчӧ сӧмын эг волӧй, кымын вӧр керкаын удайтчывліс узлыны! Кутшӧм уна мича серпасъяс козьनावліс миянлы вӧр-ваыс.

Гортӧ вои февраль помын нин. Мыйӧн Рекс кыліс менсьым кок шыӧс, пыр и пондіс долыда увтчыны да чеччавны ӧдзӧсӧ. Мыйкӧ дыра мысти ми другкӧд гуляйтӧм нин моски кузя.

Кызкӧ «Юный натуралист» журналысь понъяслӧн преданность йылысь ме лыдди сьӧлӧмӧдз йиджыкысь висьт, кодӧ ӧні бара уси дум вылӧ.

«Быдты другӧс» — таdzi шусис тайӧ висьтыс.

Тайӧ лоӧма целиннӧй му вылын. Ӑти трактористӧс мӧдӧдӧмаӧсь уджавны ылі районӧ. Туйӧ петӧгӧн ассыыс Фитька нима понсӧ коліс сійӧ мамыс ордӧ. Но кутшӧм шемӧс босьтіс трактористӧс, кор места вылас воӧм бӧрын сэтысь аддзис и ассыыс понсӧ. Нель кока друг эз кӧсйы кольччыны кӧзяинсьыс и куим лун чӧж гусьӧникӧн вӧтчис тракторист бӧрся матӧ куимсӧ километр. Кӧзяин дорас воис мудз, тшыг, но помтӧм рад. Гортас понсӧ кӧзяин эз нин мӧдӧд. Фитька сыысь эз кольччыв ни ӧти воськов, вӧтлысис трактор бӧрсяыс, а войяснас увтчис, вӧтлаліс коинъясӧс.

Отчюд ёна гымаліг-чардалігөн чардби кучкис тракторё, и понлөн көзяиныс воштіс садьсё. Тёлка пон эз шойёвош, гөгөрвоис, мый көзяиныслы колё отсөг. Здукөн Фитька котёртліс полевой станё да аскёдыс трактор дорё вайёдіс йёзёс, кодьяс и мездісны көзяинсё.

Оз од прёста шуны: пон — мортлөн первой друг.

Коркё зэв нималысь роч путешественник Георгий Седов көсийс воёдчыны Войвыв полюсё, но экспедицияын сьёкыда висьмис да кувсис Рудольф ді вылын. Сылөн радейтана Фрам понйис, коді медся водзын кыскис дадыасё, друг ыръянитчис, эз мёд мунны. Фрам кольччис көзяин гу дорас да сәні и куліс тшыгла, кодзыдла. Пон ловъяывывсьыс гуаліс асьсё лымгья пустыняё.

Унатор позыё висьтавны тайё пемёсьяс йывсьыс. Понгьяс отсалісны путешественник Амундсенлы восьтыны Лунвыв полюс.

Белка да Стрелка нима лайкаясёс учёнойяс пуксьёдісны Мулөн искусственной спутникё да мёдөдлісны космосё.

Пограничникьяскөд понгьяс видзёны миян Рёдиналысь государственной границаяс, медым вөрөгьяс эз вермыны вуджны сәті. Понгьяс отсасьёны көр видзысьяслы ылі тундраын, видзёны көр стадаяс. Найё жё дөзбөритёны магазингьяс, складгьяс.

Вөралысьяслөн медся бур отсасьысьясыс бара жё понгьяс. Найё корсьёны пөткаясёс да зверьясёс, юөртёны көзяиныслы опасность йылысь. Понгьяс тэрыбёсь, сусьёсь, некод наысь оз вермы дзёбсьыны.

Татшөм мортыдлөн нель кока другыс.

ВЫСТАВКА ВЫЛЫН

Вөлі гожея лун. Ывлаын сэтшөм шоньд, быттьөкө ышмысь шонді ставсё көсийё косьтыны.

Реке талун вөвлытөм сөстөм. Асывнас на, гашкё, быдса час купайтчис ваннаын. Кор косьмис пасьыс, югьявны быдсөн кутіс.

Праздник вылө моз мөдөдчим карса шойччан паркө. Час мысти тани заводитчас вөралан понгьяслөн республиканскөй выставка. Медся бур понгьясыслы өшөдасны голяас медальяс, көзьяингьясыслы сетасны дипломгьяс, свидетельствояс.

Важнөя восьлалөны көзьяингьясыскөд орччөн көлач бөжа лайкаяс, шылгыд гөна гончөйяс, мукөд пөрөдаа понгьяс. Уналаын кылөны увтчөмгьяс, эргөмгьяс.

Выставка вылө вайөм быд понийөс видлалис ветеринар. Сэсся понгьясөс петкөдиси судьяяс водзө. Круг бөрся круг прөйдитисны найө площадка кузя. И йөзяс, кодгьяс вель унаөн чукөртчөмаөсь паркө, тшөтш жө бур судьяяс: кутшөмкө понгьясөс ошкөны, мукөдгьясөс колльөдөны сингьяснас веськодгыпырысь.

— Эк, меным кө эськө татшөм понсө! — ыджыд гөлөсөн варовитө аслас другкөд шырөм юра детина да сингьясө оз вештывчим сьөд лайка вылысь, кодлөн голяас өшалө медаль.

— А мем окота быдтыны сэтшөм понийөс, медым төвнас быд асьв менө школаө дадгьөн кыскалис, — ошйгьис детиналөн друггьис.

Детинкаяслысь сёрнисө кылис ськөд орччөн сулалысь оломө морт, мудера нюмгьөвтис да крапкөбтис:

— Ме кө эськө тэ местаын быдти сэтшөм пон, медым и тэ пыдди велөдчис тшөтш. Сидз али мый? Понийд өд абу чача, а быдтөны сийөс, медым пөльза вөли да ёнджыка кыйсис-вийсис. А то эмөсь понгьяс, нянь сөмын бырөдөны да йөз вылө усыласьөны.

Детинаяслы, буракө, эз во сьөлөм вылас оломө мортлөн шуасьөмыс, вешйисны бокөджык.

Тайө сёрнисө кывлөм бөрын меным мыйлакө дум вылө уси войनावывса вунөдлытөм серпас.

Вөли 1943 вося январь. Миян часть сулалис Нева ю дорын да видзис, медым фашистгьяс эз вермыны босьтны Ленинград.

А некымын лун мысти миян войкаяс вуджисны Нева ю да вөтлисны вөрөггьясөс вель ылө. Война — война и эм. Кор заводитчөны чорыд косяяс, унаөн пөгибнитөны, ранитчөны. Тадзи лои тайө косяс.

И сэки ранитчём командиргьяслы да красноармеецгьяслы отсөг вылө воисны лайка понгьяс. Кык-куим пон кыкисны пыж сяма морт төрмөн дадь.

Санитаргьяс пуктасны татшөм дадыас сьёкыда ранитчём мортөс, коді ачыс оз вермы мунны, и понгьяс нуоны сійөс некымын километр сайө полевөй госпитальө, көні врачгьяс пыр жө сетөны первой отсөг.

Фронт вылын мем удайтчывліс аддзывны и велөдөм понгьясөс, кодгьяслы коскас көртавлісны взрывчаткаяс да лэдзлісны фашистскөй танкгьяслы воча.

Татшөм понгьясыс смела уськөдчылісны вөрөглөн танкгьяс да автомашинаяс улө, взрывайтлісны найөс, и тшөтш асьныс кувлісны. Со кызди отсасисны найө Рөдина дорйигөн. Татшөм понгьясыслы эськө памятник колө сувтөдны.

Вөліны война вылын и сэтшөм төлка понгьяс, индалісны миян сапөргьяслы корсьны вөрөггьясөн пуктөм минаяс, видзисны военноі складгьяс, посьяс, туялісны да куталісны шпионгьясөс, кодгьясөс шыблавлісны самолётсянь миян му вылө.

...Выставка помасис сөрөн нин. Менсьым крукыля бөжа Рексөс донгьялісны комиссияса членгьяс «хорошо» оценкаөн, да ас кодь арлыда понгьяс пөвстын босьтіс мөдөд места.

Рекс, дерт, эз төд, кутшөм долыд вөлі меным тайө луннас. Сійө тэрмасис гортө, көні позгьяс пөттөдз сөйны, а сэсса куйлыштны гож сайын, кытчө оз инмы яр шонділөн югөргьясыс.

УР КЫЙИГӨН

Воис дыр виччысян кад, арся вөралөм. Öні нин пищала войтыртө прөст кадө гортад он кут. Быдөн старайтчөны петавны вөрө, төдмасьны арся кыпыд серпасгьяснас.

Урлөн төвся паськөм мичаысь-мича нин. Оз прөста небыд зарниөн шуны.

Зверь кыйысыяслөн оз прёста овны и понъясыс, отсасыёны кёзьяныслы, корсыёны дук сертиис пуяс вылө дзесьём урьясёс.

Ывлаыс абу нин гоҗся кодь: то зэрыштас, то кынмас, то лым мёдас сапкыны.

Быд шойччан лун ми Рекскөд коллялам пармаын, узылам вөр керкаын. Мудзтөдз собам төдса и төдтөм местаясөд. Воан гортад да сьорсыд ваян небыд ур куяс, вежон кежлө шойччөг, уна сикас казтылөм.

Пуксис нин ноябрь. Гораджык лоис ывлаыс. Корья пуяс важён энвотчисны асланыс мичлунён. Вёрыс вевттыысис еджыд шебрасён, лоис сөстөмджык, мичаджык.

Лымйён вевттыысьём муяс вылысь пыр частөджык аддзывлан зверьяслысь да пөткаяслысь кок туйясө. Дугдисны чипсасыны сьöлаяс, тарьяс кутчысьёны өтчукөрынджык. Пуксясны джуджыд кызды вылө, гоньялөны, тэрыба сөйёны гарсө. То өтиларысь, то мөдларысь кылан лайка понъяслысь гора гөлөссө, сөсся юковтас лыйём шы, быдсөн дрөгнитлас пармаыс.

Өти татшөм лунө аслам нель кока другкөд ми мөдөдчим Кокульё. Водз асывсянь сёр рытөдз пыр муним и муним. Сөмын сувтлывлім сэки, кор Рекс заводитлис увтны урөс.

Пемыдөн нин воим Човью дорын сулалысь төдса вөр керкаө. Ломти пач, кодөс зэв нин важён абу ломтылөмаөсь. Керкабокса ключысь, көни ваыс синва кодь югыд, вайи ва да пуи ужын. Чай юём бөрын пөдлалі пач труба да воді нар вылө шойччыны. Көть и вөлі жар, понийөй сэтчө жө кайис да водіс дзык орччөн. Гашкө, думнас видзны көсейис асьыс көзьяинсө?

Дыр-ө узи, ог төд. Садьми пон увтчөмысь. Увтыштас гозмөдысь, заводитас дөрөмөд нетшкыны.

— Мый тэкөд, Рекс? Садьмөдін узигкөсті.— Пукси нар вылө, и бергөдчис юрөй. Тайкө уся. «Кольмыссьөма»,— гөгөрвои. Лэччи да муртса верми кыссыны өдзөс дорөдз. Понийөй пыр жө тювкнитіс ывлаө.

Дыр пукалі восьса өдзёс дорын. Юрöй омöльджыкá мөдiс жувгыны.

Не понйöй кö, колökö, вөр керкаас и помасис олөмöй.

Кор Рече бөр локтiс, унаысь кутлi сийöс. Вөралан нопйысь кыски нель сакар тор, кодöс кольөдлi асыв кежлас чай юны, да мыгчи друглы.

— На, чöсмась. Тэ сэтшөм буртор вöчин.

А Рече пукалiс паныдөн да мелi синъяссö эз вештыв ме вылысь. Гөгөрвоö жö бур вöчөмтö.

Аскинас мөдөдчим гортö. Пемдытөдз колö вöли восьлавны кузь туй. Войнас усьöма лым. Пуяс вылö öшйöмаөсь кöч бöж кодь небыдик лым чукөръяс. Татшөм каднад торъя мича вöрыс. Кыпöдчылас төв, и лым чирьяс здукөн торйөдчасны пуяс дiнысь, тэрмасьтөг пуксяласны ас кодьныс жö еджыд лым вылö.

Рекс ризъялö, шойччөг оз төдлы. То шуйгавылö чепөсйылас, то ордым кузя котөртыштас. Исасьö, корсьö, төдö ассьыс уджеö. Паньö грезд прöйдитөм бөрын бара миянлысь туйнымöс потшис Човью, кодi удитöма нин вевтгысьны вöсньыдик ййөн.

Берег дорысь аддзи вель кузь бедь да йисö видлалiгмоз пондi вуджны векньыдик ю. Но йиыс вөлöма зэв на вöсни. Ковмис бөр петны берегö, а то паськөмтö котөдан да и ачыд купайтчан кöдзыд ва пын. Рече сэн жö бергалö. Беддьöс сэн жö шыбитi и мөдөдчи берег пөлөн, медым векньыдджыкинö вöчны ю вомөн вуджны пос.

Важся зорөд дорысь аддзи кык потш. Кыски найöс берег дорö да шыбитi ю вомöныс. Судзсис берегысь берегö. Öнi позяс и вуджны. Но рökыд вылö некытысь эз сюр бедь, а сытөг вильыд потшгяс вывтi вуджны оз позь.

— Рекушка, нолтö, бедьла котөртлы. Тэ өд төдан, кытчö ме коли сийöс.

Пон видзөдö, кывзö менсьым висьталөмöс. Сэсся тэрыба котөртiс сийö месталаньыс, кытi кöсйим первойсö вуджны.

Кутшöма бара шензи, кор аддзи Рексöс. Вомас сылөн вöли

менам берег дорö кольлём бедь. Кутöма пиньяснас шөрöдыс. Кашкö да вайö.

Пуктис бедьсö ноп дорö, быттö кöсийс висьтавны: «Öни верман вуджны. Со вайи корöмторсö».

ГОРТЫСЬ ПЫШЙЫЛÖМ

Сулалисны кöдзыд төвся лунгьяс. Öдйö содис лымийс. Вөрö öни сöмын лямпаөн либö лыжиөн веськалан.

Рекслы воис шойччан кад. Лун-лун олö аслас жырйын. Мукöддырий дыр увтчö. Гажтöмтчö, буракö, вöрысь. Но кызди мунап сэтчö, кор коскöдзыд лым.

Рыгьяснас Рексöс лэдзливлим гуляйтны. Пöттöдзыс котралас матигöгöрын, сэся чукöстан, да бөр локтас гортö. Водас аслас чомйö и асылöдз гөлöс оз сетлы, узьö.

А öтчюд пон эз лок гортö. Чуксалi гөлöс быртöдз, корси вель уналаысь, кывзыси понгьяслөн увтчöм шыö, но некысь эг адзы быдтасöс.

Тайö войнас тыр пöт узьöм эз и вöv. Кывзыси, оз-ö керка дорö матыстчы Рече да сет асьыс гөлöссö. Бара петалi ывлаö, чуксалi, — пон быттö вай вöйис.

Рече эз лок и мöд луннас. Шог да мат миянлы вöчис. Быдсяма мövпгьясыс юрö волисны:

— Гашкö, гусялис кодкö сийöс да дом йылын видзö?

— Оз вермы лоны. Лэдзас öмöй Рексушка бокövöй мортöс кутны асьсö? — бурöдö менö да нылöс гöтырöй.

— Колöкö, машина улö веськалi. Со кымын машина журьялö уличаяс кузя. Оз кö сюр, ме кута бöрдны, — майшасьö Оля.

— Локтас, локтас, некытчö оз вош. Бурлачитö, кöнкö, — такöдöны менö ёртгьяс удж вылын. — А жаль, вошö кö татшöм понйыд.

Куим лун чöж сулалис Рекслөн сёяныс аслас местаын. Некодлы сийöс сёйны. Кытысь ме сöмын эг корсь тайö каднас понйöс,

кымын улича вылө волі, уна керка дорө кежавлі, көні кывліс понъяслөн увтчөм.

А ывлаын трачкакыліс көдзыд. Челядьөс весиг эз велөдны школаын.

«Көні нө узылө сійө татшөм көдзыднас? Мый сөйө?»— думайта и шензя.

Реке пышійөмянь коймөд рыгнас, удж помасьөм бөрын, подөн мөдөдчи гортө.

Көть вөлі пемыд нин, сюся видзөді быд пон бөрся, коді мыччысыліс туй вылын. Мудзтөдз бара ветлөдді, веськөдчи гортлань, и сэки дзик виччысытөг көнкө неылын кыліс төдса увтыштөм.

«Тайө сійө, менам Рексушкай!»

Чукөсті вель гораа:

— Рекс! Рекс!

Ок, кутшөм тэрыба сійө матыстчис ме дорө! Никльөдліс бөжнас, морөсө чеччыштліс, гашкө, прөща көсийс корны дыр гуляйтөмсыс.

Ме эг вид сійөс. Том дырийид өд быдтор овывлө. Орччөн лэчим гортө. Сэсся дыр на пукалім Рекс оланінын. Ме гыжъялі сылысь пель костө, а сійө жуйвидзис. И сөяныс сылөн вөлі чөскыдысь-чөскыд. Со тай гортад кутшөм лөсыд.

Бурлачитөм бөрас Рекс лун-мөд чөв оліс. Гуляйтігад узьныс, тыдалө, некор вөлөма. Став узьтөм войяссө верстайтіс.

И бара миян быри шогным. Асывнас кыла Рекслысь гөлөссө, и сэтшөм долыд лоө сьөлөм вылын.

Мед көть и дыр ковмас виччысьны локтан арсө, кор выльысь позяс петны пармаө вөравны, но кутам виччысьны.

А төвся кадө бара и бара мөдам казътывны сійө шуда луньяссө, кодьясөс оз позь вунөдны ни меным, ни Рексушкалы.

* * *

Парма! Парма! Кызди нин тэ олан да вылан? Мый йылысь сыллан төвся кузь войясас? Кодөс дзедан аслад паськыд эшкын улын төвъясысь, турөбъясысь? Кодөс радуйтан аслад мичлунөн?

Бара нин со менам быри тэысь гажöй. Лыддя лунгъяс, ве-
жонгъяс, медым вылысь аддзысьлыны тэкöд. Окота пукуштны
кыз расгъясын, кывзыштны лэбачьяслысь дзольгöм-сьылöмсö,
юыштны вöрса юясысь сöстöм васö, вотöсысөн да тшакгъясөн
чöмасыштны.

Воас öд бара татшöм кадус. Ог öд весьшөрö виччысь.

Сидзкö, вылысь аддзысьлытöдз, муса Парма!

Мыйла көчлөн кык пөлөс паськөм

Школаысь локтöм бöрын кык друг Виктор да Митя пуксисны
рисуйтчыны.

— Мый нö рисуйтны?— юалис Виктор.

— Ракета, — вочавидзис другыс.

— Оз артмы. Ме видлі нин. Гашкö, көчöс рисуитам.

— Көчöс кө и көчöс.

Дыр рисуйтчисны. Сэсся заводитисны краситны; старайтчö-
ны, ассыныс уджнысö оз петкөдлыны öта-мөдныслы.

— Менам эштис. Со кутшöм мича лои, — ошйысис Митя.

— Менам абу жö тэысь мисьтөмджык.

— Вот и менам, — эз сетчы Митя.

— Эн ошйысь. Та кузгъята öмöй көчылдөн пельыс овлö.

— А тэнад көчылд синтöм, — дөзмөдис другсö Митя. — Синтöм
көч! Ха-ха-ха.

Дыр на, колөкö, зыксисны детинкаяс, но сэки буретш пырис
керкаö Викторлөн чойыс, Галина, кодi велөдчö учительницаö.

— Галя, менам öд көчыс мичаджык?— бумага листсö чойыслы
мыччис Виктор.

— И менсьым видзөдлы, — шыясис Митя.

Галя видзөдлас öти картина вылö, синсö вештылас мөд вы-
лас.

— Кыкнанныд бура рисуитӧмныдӧсь. Виктор, а мыйла тэ кӧчсӧ краситӧмыд еджыд краскаӧн? Ӧнӧ ӧд тулыс. Кӧчыд важӧн нин паськӧмсӧ вежис.

— Ещӧ ошйысин, — тувкнитӧ бокас другыслы Митя.

— Кӧчыд ӧд еджыд овлӧ. Ме и ачым музейысь аддзылі. Ветлам кӧть да видзӧдлам.

— Да, кӧч овлӧ и еджыд. Сӧмын тӧвнас. Еджыд паськӧмнад лым вылын сійӧс онджык казаяв, — водзӧ висьталӧс Галя. — А тулыснас, кор мӧдас сывны лымйыс, кӧчлӧн гӧныс вежсьӧ, лӧ руд. Тайӧ бара жӧ сы вӧсна, медым омӧльдзыка тыдалӧс йӧзлы, зверьяслы. Еджыд паськӧмнад эськӧ кутшӧм ылісянь казялісны сійӧс.

Тулыснад вежӧны ассыныс гӧнсӧ урьяс, сьӧдбӧжъяс да уна мукӧд зверьяс.

Емваль йылын

Татшӧм кос арсӧ, кутшӧм вӧлі 1959 воын, пӧрысь йӧз и то омӧля помнитӧны. Гожӧмбыд эз вӧвлы прамӧйджык зэр. Нурьяс, шорьяс — косьмисны унджыкыс.

Сыктывкар бердса да Эжва пӧлӧнса вӧрьясысь зэв гежӧдлаысь позис аддзывны пув да тшак. Весиг турипув эз артмы тайӧ арнас, шондӧлӧн пӧсь югӧрьясыс сотӧсны-косьтӧсны найӧс.

Ыджыд шор, кодӧ визувтӧ Тур дачасянь некымын километр асыввылӧ, дзикӧдз косьмис. Пӧткаяслы да зверьяслы тайӧ месаысь ковмис гожӧмнас вешйыны гырысьджык юяс дорӧ.

Тайӧ арнас аслам другкӧд меным удайтчис воыны 17-ӧд кварталӧ. Емваль ю йыв, кытчӧдз Слобӧда посӧлоксянь колӧ восьлавны куим час гӧгӧр, сӧдз жӧ вӧлі дугдӧма визувтны, сӧмын пызан кузя гӧпгьяс кольӧмаӧсь кытӧнсюрӧ.

Ылісянь на кылӧм каляяслысь гӧлӧсьяс. Найӧ вӧліны унаӧн.

Лэбалісны օтарօ-мօдарօ джынвыйօ косьмօм чукльօдлысь ю кузя да частօ уськօдчывлісны гօпгьяслань.

Во дас нин ме ветлօдла тайօ местаясօдыс, но каляясօс татысь аддзи первойысь. Мый кыскис найօс Емваль йылօ? օд Эжвасянь татчօдз этша вылօ дас кык километр, а матигօгօрын некутшօм ю ни ты абу.

Мыйօн матыстчим ю дорօ, казялім татшօмтор: быд посны-дик гօптысь, кодьясօс жар шонді абу на удитօма дзыкօдз косьтыны, вирдыштлісны пань кузя сирпиян да налимгьяс. Няйт гурангьясын тупляисны чери лыяс. Каляяс, тыдалօ, уна лун нин чօсмасьօмаօсь тані чօскыд яйօн.

Со вօлօм мыйла и воօмаօсь сьօд вօр шօрօ Эжва да Сыктыв юясса гօстыяс. Коли гօгօрвотօм օтитор: кызд каляяс тօдмалісны ю косьмօмсօ, коді юօртіс налы та йылысь?

Видз вылын

Сулалісны сэтшօм шоньд лунгьяс, кутшօмгьяс тшօкыда овлօны августын. Видзгьяс вылын сяргисны ытшкан машинаяс. Рытгья-вылыс кыптісны выль зорօдгьяс, гօгօр сярвидзисны турун юргьяс, на дінысь օвтіс чօскыд дукօн, кодօс позьօ кывны сօмын гожօмын, страда кадօ.

Мыльк вылын сулалісны кօрым заптысьяслօн кык палатка да куим вон. Удж помасьօм бօрын тані шойччисны ытшкысьяс, куртысьяс, чօвтысьяс, юр кыскалысьяс, кодьяс эз ветлыны вой кежае гортаныс. Нывбабаяс пиысь сиктօ эз ветлы сօмын օгаш тьօт, кодօс индісны пусыны да вердны-юктавны совхозса страдуйтысь войтырօс. Рад эськօ ветлае, да кадыс абу: колօ чеччыны шонді петгօдзыс на, узьысьяслы дасьтыны сօян, пузьօдны чай, медым быд морт удж вылօ муніс пօт кынօмօн да кыпыд мօвпгьясօн.

Өні со Өгаш тьот татчө коли дзик өтнас, ставөн разодчалісны видзьяс вылө, өбедөдз некод оз петкөдчыв. Пусьысь-вердчысьөс тайө каднас гажөдөны сөмын мыла гөлөса лэбачьяс. Сэтшөм кокни да лөсьыд лоө Өгаш тьотлы, кодлөн кык пыис сетісны олөмнысө томөн-бурөн вөрөгьяслы паныд тышын. Эз бергөдчы вир кисьтана война вылысь и верөсыс. Сылысь олөмсө ородіс враглөн пуля Берлин босьтігөн нин. Пев чунь моз өтнас олө аслас куслытөм шогөн, верөс да пиян йывсьыс казътылөмьяснас.

Өгаш тьот весаліс картупель, босьтіс кык тыртөм ведра да мөдөдчис вала Колип ты вылө, коді тасянь вөлі зэв матын. Эз на удит воны ва гумлаланінөдз, ты мөдар берегысь аддзис кузь кока йөраөс. Сійө эз вөв өтнас, а пыискөд. Нывбаба чуймис, саймовтчис бадь сайө да мөдіс видзөдны вөрса гөстьяс вылө.

Йөра эня-пия матыстчисны ты дорө, копыртчисны да юыштисны, өвтчыштисны юрьяснас дөзмөдчысь лөдзьясысь, сэсся надзөникөн пырисны ваас. «И ичөтыс тшөтш пырис, колөкө, вартчыныс на оз куж»,— майшасис сьөлөмыс Өгаш тьотлөн.

Кор йөрапилы ваыс лои мышкөдзыс, мамыс сувтіс сыкөд орччөн, мөдіс нювны голясө, юрсө... Тадзи найө и сулалісны.

«Лөдзьяс да номьяс ягсьыс вөтлөмаөсь. Ва пытшкын дзезсясьны лоө. Быд мам тай өткодъ, зільө видзны асьыс быдтассө»,— ас кежас сёрнитіс пусьысь-вердчысь, сэсся надзөникөн бергөдчис да ылыстчис ты дорысь. «Ваысла ю дорө лэччыла. Сэтчөдз көть абу матын, но уджалысьяс локтөдз пусьыны удита на».

Кор вайис васө, вылысь матыстчыліс тыбердса бадь дорө. Йөраяс пыр на сәні сулалісны.

Өбед удитіс дасьтыны ас кадө. Кружкаясө кисьталіс йөв, пызан вылө пукталіс тасьті-паньяс, шөраліс нянь. Кор ставыс вөлі дась, кутісны локтавны сөйысьяс. Пөсялөмаөсь, ещө на гожьялөмаөсь.

Өгаш тьот муніс локтысьяслы паныд да быдөнлы мөдіс кевмысьны:

— Мед некутшөм сералөмьяс да горзөмьяс эз кывны. И купайтчыны ты вылад он лысьтөй ветлыны!

— Мыйла нө нин оз позь купайтчыныс татшөм жарнас? Васаяс өмөй тыас овмөдчисны?— вензисны челядь.

— Абу васаяс, а йөраяс миян дорө локтөмаось. Öнi тыас ыр-көдчөны, лөдзьясысь дзебсясьöны. Кыкөнөсь. Пиыс сэтшөм мичаник. Локтөй ме бөрся, петкөдла...

Бөрся гөстьясөс видзөдпыны ветлисны ставөн. Öгаш тьöt сулаліс бадь дорын да поліс, мед эськө челядь оз горөдны либө сёрнитны.

Тайө луннас көрым заптысьяс сөйисны сэтшөм лөня. Весиг тракторист Петя Гилев, кодi пыр гажөдліс мудзөм войтырөс, киас эз босьтлы гудөксө.

Удж вылө быдөн разөдчисны зэв жө лөня.

Олялөн шондi

Маша Канева пукаліс восьсә өшинь дорын да тэрыба киллис семечки. Китырыс вөлі семечкиыс, но вочасөн коліс пыр этшаджык и этшаджык. Буретш сәки Маша керка весьтөд восьлаліс сылөн Оля пөдругаыс. Сийө Машакөд велөдчө öти классын, нельөдын.

— Машө, мый нө керкаын пукалан? Ветлам библиотекаө,— шыясис Оля.

— Дыш. Менам воддза книгаысыс на лыддытөмөсь. Төд, мый сөя?— Öшинь курич бокө кокъяссө öшөдіс Маша.

— Семечки тай киллян. Төді?

— Аха. Бабө быдса стөкан вайис карысь. Сөмын жариттөм, Пырав, и тэныд сета. А то этша нин коли.

— Вай кымынкө тусь либө,— дзик öшинь дорас матыстчис Оля да нюжөдіс кияссө.— Шыбит, кута.

— На, лөсьөд китө. Водзджык кө локтін, унджык сеті.— Маша тэрыба мөдіс шыблавны семечки тусьяс Олялы киас, сәсся недыр мысти вочавидзис.— Абу сәсся. Мый эг удит сөйны, ставсө сеті.

— Атгьö, Машук.

Оля гартыштис семечки тусьяссö носöвöй чышгьянö да суйис платгьö зептас.

— Гортад öмöй нуан?

— Да. Ме найöс град вылö пукта,— кылис Олялөн воча кыв.— Мед быдмасны сэтшöм жö мичаöсь, кызди найö кольöм во быд-мисны учительница град йöрын.

— Чайтан, быдмас? И менам колöма пуктыны.

— Колökö, бөр сета,— чургöдис кисö Оля.

— Мыйла? Оз ков. Сети да бөр ог жö босьт.

Сийö жö рытнас Оля босьтис киас кокан, небзöдис ичöтик гöгрöс град да Машаөн сетöм семечкисö пуктис радөн-радөн, öта-мöдеяньыс костөн. Сэссия киськалис градсö шоньд ваөн.

Колис тулыс, пуксис нин гожöм. Лунгьясыс лоины ещö на шоньдджыкöсь. Оля вель тшöкыда петавлö град йöрас, весалö посныдик быдмөггьяс гөгöрысь ёг, киськалö градсö. Корсюрö вунöдлас петавны град йöрас да повзяс быдөн, мед эськö эз жö кувны пуктасгьясыс. Но семечкияс вöлины винёвöсь, кöть надзöникөн, но кыпöдчисны вывлань.

«Öдийджык нин быдмöй, ме тьянöс со кызди лелькуйта»,— кевмысис вöсни кока подсолнухьяслы Оля да бара заводитис небзöдны ассыс градсö.

Зэрыштöм да шондöдыштöм бöрын. подсолнухьяс öдийö кутисны кыпöдчыны вывлань, кокгьясныс кызисны, лэдзисны шочиник паськыд коргьяс. Олялы любö. Унаысь нин волис пöдруга дорас и Маша.

— И мыйла ме тшöтш эг пукты подсолнухтö, öни эськö тэ моз жö нимкодяси.

А лунгьяс мунисны, гөнитисны öдийö котöртысь вöв моз. Кызкзкö водз асывнас Оля петис град йöрас да радысла муртса эз горöd. Подсолнухьяс вылын öшалисны тасьти кодь гөгрöс кытшгьяс. Некымын лун мысти подсолнухьяс заводитисны дзоридзавны мича кольквиж рёмөн. Оля нюжöдлас кисö вывлань да оз и судз, сы

джуджда быдмисны найö. Посныдик семечкиясысь со кутшöм багатыръяс кыпöдчисны. Весиг сиктса йöз, кор прöйдитлисны Оля керка дортi, быдöн бергöдчöмөн видзöдисны да нимкодясисны нывка быдмöгөн. А совхозса бригадир Антип дядь адзис Оляöс град йöрсыйс да дыр ошкис нывкаöс.

— Ай да, дзоля Олюк. Град йöрад тэнад, майбырлөн, аслад шондi эм. Абу öти, а дас.

Антип дядь мунöм бöрын Оля котöртiс туй вылö, сувтiс сийö жö местаас, кöни дзик на неважөн сулалiс бригадир, сэсса заводитiс видзöдны град йöрас. Подсолнухъяс и збыльыс вöлины шондi кодьюсь, гöгрöс юраöсь, тыдалöны ылöдз. «Вот эськö Маша кö талун на вылö видзöдлас. Кымын морт со любуйтчö мича быдмöгьяснас», — ас кежас сёрнитiс нывка.

Öдий и коли гожöмыс. Воис ар. Лунгьясыс лоины зумышöсь, вель тшöкыда зэрлывлiс. Олялөн град йöрас эз нин тыдав шондiыс. Подсолнухъяс вылын гöгрöс жырйын öни тыдалисны уна сё семечкияс. Лунысь-лун найö пондiсны сьöдöдны.

Сёр арын нин Оля быдмöгьяссö пыртiс гортас. Ыджыд тасьти тыр чукöрмис семечкияс. Машаöс, чой-воксö сийөн гöститöдис и, ачыс чöсмасис и. Эз весышөрö вош ичöтик нывкалөн уджыс.

Нянь

Аэропортын йöзыс уна. Öтияс пукалöны, мöдгьяс сулалöны. Гыöртöм öшиньясöд пискöдчö лöзоват югөр. Регыд дзикöдз югдас. Корсюрö кывльвлö моторьяслөн мурзöм шыыс. Ывлаын кöть трачкöдчö кöчийла, а танi шоньд, югыд, сöстöм.

Пассажирияс лыдын том йöз и олöмаяс, нывгьяс и пöчöяс. Ставныс кытчöкö мунöны, тэрмасьöны. Öтияс — войвылö, мöдгьяс — Емва да Удора вожгьясö, коймöдгьяс — Сыктылö либö Леткаö. Быдöнлөн аслас туй, аслас мог.

Пызан дорын, чемодан вылын, куткырвидзис Изосим дед, съод пая, съод тошка, визув синъяса, сирод мыр кодъ ен старик. Воліс гоститны каро, нывъяс ордас, и со мододчома гортас, Луза юбокса ичотик сикто. Дедкод орчон гиргоны-сералоны кык том морт. Восьтыласны ыджыд чемодансо, вундыштасны калбас тор, нянь тупосысь шорыштасны вонныдик шором, и бара гордлоны. Мый налы — шог ни печаль. Изосим корко ачыс том воли: том дырийыд ворсо вирыд. Кор том йозлон сейсис, отиыс чышкыштіс госоь кисо векныдик кокпома гачас, модыс босьтіс нянь тупоссо, видзодліс гогор, сесся ылісянь шыбитіс пельосын сулалысь ег чукортан ящико. Нянь тупось кучкысис ящик дорас, чеччыштіс вывлань, сесся надзоникон уси пытшкас.

Дед скора видзодліс том йозлань:

— Ти но мый нянь вылас смекайтчанныд?

Потш кодъ вонныдик, дзугсьом юрсиа кузь зон куньыштліс син повсо, гырджанас йоткыштіс другсо.

— Кыдзи смекайтчам? — кузь зон пыдди шыасис векни гача ертыс.

— Сэни омой няныслон местаыс? — дед инди ящик вылас.

Мыйко дыра кезло пуксыліс чов-лонь. Сэссия том йоз пиысь отиыс вочавидзис:

— Кыномыд ко сюмало, коли висьтавыны, сетім эсько. Не нуны жо сийос гортодз.

«Мый тайояскод сёрнитны!» — думыштіс дед, эз вермы кучысьны. Пузис вирыс.

— А ти тоданьыд, кыдзи няньсо быдтоны?

— Эн шогсы, дед, няныд миян сы мында, став мирсо вермам вердны, — кыліс збодер воча кыв.

— Эк тэ, гормог, юрсиыд кузь, а толкыд абу, — вомалис сийос Изосим. — Сы выло омой быдтоны няньсо, медым таргайтны да шыблавны ег пытшкко? Он радейтой ти найос, кодъяс гороны-кодзоны, быдтоны, вартоны, изоны, пожалоны няньсо. Кымын мортлон нянь бердас инмывлө кыис?

— Оні сөмын дед казяліс, мый сы гөгөр чукөрмисны йөз, кыв-
зöны. И кыліс сьөлөмнас: быдөн сы дор. Кодсюрө тшөтш нин
вөйписны лэчыд кывъяса төлктөм том йөзөс.

Дедлөн паметын чужисны гражданскöй война кадся вояс,
кор нянь пыдди сөйліс кач да идзас, тшыг кынөмөн тышкасьліс
белөйяскөд. Сэсся Изосим гижсис колхозö, гөрис өтувъя мулысь
медводдза бөрөзда. Абу вунөма и сійö, кызди арнас мөдөдісны
карö нянь тыра первой обоз. Телега вылын куйлісны колхоз-
никъясөн быдтөм ид да сю тыра мешөкъяс. Чизыр төв ворсөдчис
гөрд флагөн. Тайö вөлі аслыспөлөс праздник.

Нянь! Сійö эз кокниа шедлы и Изосим батъяслы да дедъяслы.
Нянь кусөк вылө ковмывліс лун и вой пессыны озыръяс ордын.
Унаысь көтасьліс мышкыд, кияссыд эз бырлыны гадыас.

Отечественнöй война дырйи Изосим дорйис Ленинград.
Кутшөм сьөкыд сәні вөлі! Висьталан — оз веритны. Быд грамм
нянь вөлі тані зарниысь донаджык. Ичөтик салдатскöй паёкысь
Изосим быд лун торйөдліс истөг көрөб ыджда нянь тор тшыгъя-
лысь челядылы да пöрысь йөзлы. Көть сьөкыд вөлі, а кужисны
дорйыны Ленинградсö!

Да, дед төдө няньыслысь донсö! Төдө и сійөс, кутшөм уна
вын пуктöны найö, кодъяс уджалöны колхозъяслөн да совхозъ-
яслөн муяс вылын.

— Мун öні жö лэпты, — дед сотыштіс синъяснас няньөн шыб-
ласысьясөс.

— Кодлы колö, мед лэптöны, — пинь пырыс сөдзөдіс кузь зон.
Дед мыйкө көсийс шуны, но дежурнöйлөн гөлөсыс торкис
сійөс:

— Зимстанö мунысьясөс корам пуксыны самолөтö!..

Том зонъяс босьтісны чемодансö да мөдісны өдзөслань. Бер-
гөдчылісны кө залын пукалысьяслань, дерт, гөгөрвоисны, кутшөм
көдзыда кольөдісны найөс ылі туйö. Но налы вөлі яндзим. Көть
и унаөн сулалісны, а наөн эновтөм улөсыяс вылө некод эз пук-
сы.

Дед воськовтіс ящик дорö, лэптис сэтысь джынъялöм нянь тупöсьсö, чышкалыштис сы вылысь буссö да надзöникöн пунктис пызан вылö.

И быдöнлөн сьölöм вылас лои лöсьыджык.

Галялөн быдтас

Галялы бура тöдса колхозной фермаö туйыс. Сийö пöшти быд лун воывлö сэтчö, отсасьö мамыслы дözьöритны куканьясöс. А куканьясыд дурны да котравны радейтöны. Он кө видзöд на бöрся, пыр и разöдчасны кытчöсюрö — корсь сэсся найöс.

Вöлі гожся лун. Эз на удит Галя лэччыны фермаö, кызди виччысьтöг керкаö пырис мамыс. Шöйöвошöма, жугыль.

— Ой, Галюш, Милочкаыд висьмис, оз сөй ни ю. Кулас кө и...

Галялы пыр жö дум вылас уси сьöд кымöсас еджыд паса, вöсни кокъяса раминик кукань.

— И ветфельдшерыд абу, курортö мунис. Вöлі кө сийö, дерт, отсалис, — ышлолалö мамыс.

Галя мамыс моз жö шөгö уси.

— Мамук, ме öнi жö лэчча фермаö да лунтыр кута пукавны Милочка дорын. И турун сылы вая, медся чöскыд бобöнянь чукöрта. Сийö öд бобöняньтö зэв ёна радейтö.

— Ме, сідзкö, мукöд куканьяссö нуöда йирсыны, а то тшыгöсь, баксöны коньöрьяс, — долыдмис мамыс.

Галя босьтис вель ыджыд нянь шөрöм, кисьтис кринчаысь сулея тыр йöв да мöдöдчис фермаö. Лэччигмозыс борйысь нетшкис моздор тырыс бобöнянь.

Милочка куйлис кос идзас вылын картабердса йöрын. Нывка вель дыр малалис-шыльöдис сийöс. Милочка весиг юрсö эз лэптыштлы, синъясыс гудырöсь, омöльтчöма. Галя мыччис куканьлы व्या нянь, мöдыс весиг эз ысышт.

— Ме өд төда, любитан тэ вия няньтө. Мыйла нө он сөй? Тадзнад дзикөдз омөльтчан. Гашкө, бобөняньсө видлан?

Милочка исыштис чөскыд көра турунсө, но вомас эз босьт.

Кыгыськө нем виччысьтөг кукань вылө уськөдчисны лөдзьяс. Öвтыштас нывка чышгьяннас, пышйыласны и здук мысти бара нин пуксялөны, дөзмөдөны висьысьөс. Галя котөртлис карта пытшкө, аддзис мамыслысь важ плащсө, вевттис Милочкаөс.

Рыгөдзыс бергалис Галя висьысь дорын. Кымыныськө кевмысис, медым йөвсө көть юас, но Милочка эз кывзысь. Шог лои нывкалы, нинөмөн оз вермы отсавны куканьлы. Кыдз нө, эськө, көть неуна вердыштны? Босьтис йөв тыра сулеясө, паськөдыштис кияснас куканьлысь вомсө и ичөтикаөн пондис кисьтыштавны йөвсө. Милочка тют-тяпкерис вомнас: горшыс, тыдалө, ёна косьмөма. Юыштис йөвсө.

— Ай да тэ, дженьыд сюр. Сөйны кө кутан — бурдан, — нывкалы зэв любө лои.

Сэсся кукань нямлялыштис и китыр бобөнянь. Галя кутлө сийөс сылли гөгөрыс, малалө небыд гөнсө.

Локтис мамыс, куканьясөс вайөдис. Ёна и ошкис Галяөс.

Та бөрын нывка быдса вежон чөж на бергалис да вердис-юкталис висьысь куканьөс. Нянь да йөв сылы гортсьыс ваяс, медчөскыд турунсө новлас. Весиг кор нин Милочка сувтис кок йылас, Галя пыр сы диньн бергалис. Милочка водас шойччыны, нывка сы динө пуксьө. Кукань видзөдө сы вылө аслас ыджыд синьясөн да быттьө көсийө шуны: «Аттьө, бур нылөй. Кок йылө менө бөр сувтөдин».

Кыдзкө өтчыд Галя лэдзис йөрысь куканьсө. Рыгтявылөдзыс йирөдис веж луд вылын. Фермаө бөрсө локтигөн на вылө виччысьтөг вуззьысис сиктысь меда лөк понйыс, Султан. Щөтьсө лэптөма, эралө. Галя ёна повзис, заводитлис пышйыны. Но понздукөн сүөдис, вот-вот курччас, косявлас платтьөсө. Нывка тэрыба кайис потшөс вылө, кугис бөрдны. Милочкалы, тыдалө, жаль лоис аслас ичөтик көзьяйкаыс, лэдзис юрсө увлань, дженьыдик

сюръяссө веськөдіс лёк пон вылө. Султан, буракө, тайос эз виччысь, чепөсийс бөрвыв. Милочка сы бөрся. И вель ылөдз вөтчыліс. Сэсса бөр бергөдчис повзьом нывка дінө, нюльштис сылысь көмтөм коксө, гожъялөм сойсө.

— Атгыө тэныд, Милочка. Не кө тэ, пурис менө лёк Султаныд.— И нывка меліа сывйыштис куканьос голяөдыс.

Зоялөн ма

— Лөсьыд жө нин, майбырөй, парма-ягад! Пөрысьми тай, пөрысьми, воис кадөй. Оз нин нуны кокъясөй чөдла, озла, пувла. Да и сингьясөй оз нин аддзыны важся вотчан места. Ветльвлім том дырйи гажа ягьясө. Вотльвлім тай тшакъяссө ыджыд кузовө. Төвбыд кежлө вөлөга лөсьөдлім, ыджыд пельсаясө тшакьястө солавлім. Сэтөрыд, өмидзыд — быдторйис вөлі. Телега тыр вөлі тшак-пувтө вайлам, көть гортсянь матіникө вөлі кайлам.

Кыліс пөчыслысь лөвтөмсө Зоя — жаль быдөн лои сійө:

— Эн шогсы, бабук. Ме өд ыджыд нин. Арнас быд лун кута вотчыны. Чөд вая, сэтөр. Пукав да сөмын сөй. Мамө варенньө тэныд пуас, чөскыдысь-чөскыдөс, кывтө ньылыштан.

— Видзөдлам, арөдзыд абу нин ылын. Бур йөзыс тай висьталөны, бытгыкө пө таво некутшөм вотөс оз ло. Жар гожөмыд ставсө косьтөма. Сійөн өд и майшася да шогся. Оз нин, мися, удайтчыв чөсмасьыштны чөскыд вотөсьясөн да тшакьясөн. Дыр нин ола му вылас, а татшөм жар поводдяыс важөн нин эз вөвлы.

А гожөмыс таво и збыльысь аслысьяма. Быд лун, водз асывсьянь сёр рытөдз, сотө шонді. Гөгөр косьтіс. Быдеа төлысь эз зэрлы. Видз вылын уджалысьяс ошйысьөны: «Бур и турун таво сюрукьяслы лөсьөдім. Сідзкө, унджык йөв да вый лоө». Пароходьяс вылын ветлысьяслы, мөдарө, шог: «Дзикөдз косьмис Эжва юным, пурьясным сибдалөны, веськыд сө мат».

Велөдчыны заводитчытөдз коли дас лун, а Зоя гортас ни өти наберушка чөд ни пув эз на вайлы. Да и кытысь ваян, кор некөн нинөм абу. Көсйысьліс эськө пөчсө быд чөскыд вотөснас чөсмөдлыны, но он на босьт.

Гоз-мөдысь нин аслас пөдругаяскөд Зоя ветліс вөрө, а сәні тшак ни вотөс абу. Быдлати кытшлаласны, а сиктө локтасны тыртөм дозьясөн, стөкан тыр вотөс весиг оз чукөрмы. Сөмын видз гриваяс вылын тыдалөны польдчөм лежнөгьяс, найө банйөмаөсь, гөрдөдөмаөсь, өшалөны сәтшөм чукөрөн, лежнөг кустыслысь вожьяссө весиг личкөмаөсь.

А мый лежнөгсьыд? Ваян кө сійөс гортад, сөмын серавны тә вылын кутасны.

Зоя төдө, мый лежнөг вотөссө найө сиктын некод оз чукөрт, лыддөны сійөс медся ковтөм вотөсөн. Челядь сөмын корсюрө чөсмасьлөны сійөн.

Школаө мунтөдз коли кык лун. Зоялөн пөчыс бара асывсяньыс кутис лөвтны: «Пөрысьмим тай, пөрысьмим. Воис кад... Сидз нин, тыдалө, лоө кувны: вотөс ни тшак ог аддзыв. Со став лыясөй юкалөны, сьөлөмөй ортсө көсйө чеччыштны. Ок-ок-ок... Кытчө бара вошөма, кытчө бара кольөма том кадыс? Верми кө эськө ветлыны, кокьясөй кө нулісны ягас да видзьяс вылас! Кысь нин... Овсьөма, буракө...»

Ещө на жаль лои Зоялы пөчыс. Водз асывнас бара мөдөдчис вотчыны. Ылөдз, майбыр, оз ков мунны. Петан керкасьыд — вөрыс орчча, видзьясыс зэв жө матынөсь. Нывка пөдругаяссө эз нин нуөд, өтнас мөдөдчис. «Гашкө, пумөн тшак сюрас, сәки пөчөлөн сьөлөмыс бурмас».

Лунтыр ветлөдліс Зоя видз гриваяс пөлөн, гөгөр видзөдіс, куим тшак и паныдасьліс, и найө номырөсь. Дзикөдз шөгөдіс Зояөс, бара тыртөм наберушкаөн ковмас мунны гортас.

Пуксис пушкыра лежнөг куст дорө, а сәні өшалө уна сө польдчөм лежнөгйив.

— Тиянөс көть өкта. Гашкө, кытчөкө и шогманныд.— И мөдіс

шыблавны гөрдөдөм лежнөгйивгыяссө наберушкаас. Ылалі быдсөн. Быттьо вото оз. Аклялыштас вомас вотөссө — чөскыд и юмов.

Рытгыавылыс нин Зоя воис сиктө. Лежнөгйивгыяссө чукөртө-ма ыджыд наберушка тыр.

Эз на удит пырны гортас, нывкаөс аддзис сиктса врач Сергей Сергеевич.

— Вот тайо тэ добра чукөртөмыд, Зоя. Витамин. Висысыясы да пöрысыясы медбур лекарство. Мед талун жө мамыд пуас лежнөгсые вареннө. Вердöй висысысö...

Сэсся Сергей Сергеевич висыталіс, кыдзи колө лежнөгыс пуны вареннө. Зоя кывзис врачөс, но пыр на эз эскы:

— А мыйла öнөдз лежнөгсө миян сиктсаяс некор эз вотлыны?

— Оз тöдны сылыс коланлунсө, сійөн и оз вотны. Унатор на йöзыс оз тöдны. Со босьтам көть пельсы, жов. Мыйта найö быдмөны видзяс вылын, но некод тайö быдмөггыяссө оз донгыяв. Кутшөм ыджыд пöльза эскө найö вайисны йöзлы — видзисны налыс дзоньвидзалунсө, бурдөдисны висьөмгыяс.

Зоялы та бöрын сьөлөм вылас лои сэтшөм кокни, сылтыр пырис гортас.

Сійö жө рытнас мамыскөд лежнөг вотөсыс пуисны вареннө. Бөчисны ставсө сідз, кыдзи велөдис врач.

Вежон мысти пöчыслы тыри öкмысдас арөс. Зоя восьтис вареннө банкасө да пунктис сылы ныр улас.

— Бабушка, тайö мясянь тэныд козин! Видлы, чөскыд абу.

Пöчыс босьтис ичөтик пань, кыв йывнас видліс вареннөсө да дыр тяткөдчис.

— Мый нө тайö татшөм чөскыдыс? Дзик тай ма көра-а...

— Ма и эм тайö, бабуль. Войвывса ма. Кутан кө сөйны сійөс, сө воөдз олан.

— Дивө тай... Лежнөгыс али мый? Нэм чөж оли да медводдзасыс татшөм чөскыдторсө паняла. Аттьö тэныд, внучка. Бара быттьö гажа ягө волі, веж луд вывті восьлалі, ассыым том кадөс казтылі. Сө пасибө, абу вунөдөмыд пöчтө. Сьөлөм бурмытөдз чөсмаси.

Выль сапӧг да мой

Журналистыдлы тшӧкыда лоӧ петавлыны туйӧ, медым аддзысьлыны выль йӧзкӧд, тӧдмасьны, кыдзи уджалӧны совхозын либӧ леспромхозын, шахтаын да кӧрт туй вылын. И став аддзылӧмторъяс йывсьыс колӧ висътавны радио кывзысьяслы, газет лыддысьяслы либӧ телевизор видзӧдысьяслы.

Кор ӧти татшӧм командировкаын став уджъяс лои вӧчӧма, мӧдӧдчим гортӧ. Машинаӧ пуксьӧм бӧрын шофӧр чургӧдліс водзлань коксӧ да ошйысьӧм могысь шуыштіс:

— Выль сапӧг ньӧби: важыс дзескӧдӧ вӧлі, тайӧ дзик кок серти. Кӧть керзӧвӧй, а олас: оз ӧд ков ваын уявны.

Ывлаыс вӧлі рӧмдӧ нин. Посныдик зэр войтъяс сярӧмӧн гылалісны машина вылӧ, туй бокрын тыдалысь ва гуранъясын чеччалісны больяс, мыссисны пуяс и кустъяс, муяс и видзъяс.

Машина тэрмасьтӧг котӧртіс пыр водзӧ и водзӧ. Зэр то ӧдзлыіс, то мыйкӧ дыра кежлӧ ланьтыштліс.

Недыр муныштӧм бӧрын Михайлович крута кежӧдіс машинасӧ дзик туй бокас да вашнитіс меным:

— Туй боксьыс дозмӧр раскас пырис, ранитчӧма, буракӧ. Вай кутам. Эн ӧмӧй аддзывает?

Петім машинаысь. Шофӧр котӧртіс нин туй бокрын сулалысь кустьяслань. Ме — сы бӧрся.

Вӧлӧмкӧ, абу дозмӧр, а мой. Сійӧ видзӧдіс мян вылӧ гырдемӧм синъясӧн да мый вынсьыс кучкаліс зыр кодъ ӧн бӧжнас муӧ. Ме сэки первойысь аддзи ловъя мойӧс и окота вӧлі бурджыка видзӧдлыны сы вылӧ.

Ачыс сійӧ понлань муӧ, бӧжыс шылъыд, кодкӧ быгтьӧ лӧсалӧма, юрыс абу ыджыд, пельясыс ичӧтӧсь, гӧныс сук.

Эг на удит прамӧйджыка любуйтчыны сы вылӧ, кыдзи зверь вӧрзис места вывсьыс да мӧдіс вуткыртны вӧрлань. Шофӧр пановтіс сійӧс. И тайӧ здукас лои виччысьтӧмтор: мой сувтіс бӧр

кокъяс вылас, мыджсис бѳжнас, сэсся ён пиньяснас кутчысис шофѳрлы керзѳвѳй сапѳг гѳленяс и ѳти здукѳн сійѳс чажнитѳс-косяліс сапѳг нырѳдзыс. Михайлович бытѳѳь бипур вылѳ весь-каліс, чеччыштѳс бокѳ, босьтѳс кias зѳв кыз бѳдѳ да эрыштѳчис зверь вылѳ. А зверьд здукѳн усйысис.

— Вия ме тѳнѳ, гадѳс, вия!— горзіс сійѳ.

— Эн ышмы. Мойсѳ оз позь вины: государство сійѳс видзѳ.

— А сылы позьѳ тадзи вѳчны? Вьль сапѳг вожѳдіс! Новлѳм пыдди шыбитны ковмас.

— Асьным мыжаѳсь: эз ков сійѳс вѳрѳдны. Колѳкѳ, мѳд ю вылѳ писькѳдчѳ либѳ асьыс рѳдвужсѳ корсьѳ.

— А лѳчыд пиньясыс, морьдлѳн! Эг и тѳдлы, кьдзи сапѳгыс нинѳм эз коль.

Мойѳн косялѳм сапѳгсѳ Михайлович пѳрччис, восьтыліс кабина ѳдзѳссѳ да шыбитѳс кустьяс пиѳ. Сэсся бѳр кѳмалѳс важ сапѳгсѳ и мыйлакѳ сьѳкыда ышловзис.

— Некодлы кѳть тайѳ лоѳмтор йывсьыс эн висьтав, а то серам выв лѳптасны,— шуыштѳс сійѳ меным, сэсся карѳ вотѳдз ѳти кыв эз лѳдзлы.

Ме сідзи и вѳчи: ѳнѳдз вьль сапѳг да мой йылысь некодлы эг висьтавлы, кѳть Михайлович уна во нин абу ловья.

Салдатскѳй пѳрт

Ефим кыпѳдіс юрсѳ, видзѳдліс восьса ѳшинь пыр ывлаѳ. Шондыс вылѳдз нин кыпѳдчѳма. Другыскѳд кѳсйисны водз мунны чери кыйны, а узьсьѳма.

Чеччис. Весиг эз сѳй. Сюйис сумкаас нянь, чай да сахар, донкаяс. Кутѳс виччысьны Леонардѳс. А со и сійѳ.

Леонард гач кокъяссѳ водзвыв нин пуджѳма, бытѳѳь лѳсьѳдчѳма ваѳ пырны. Кias нидзув тыра банка, мышкас ноп.

— Пөрттө босьтин?— юалис сийө.

— Пөльө кө сетас,— ышловзис Ефим.— Сийө од война чөжыс ногыяс вөдитөма...

Пөльыс бытгыө кылөма зонпоснилысь сёрнисө, локтис өшинь увсьыс, көни сийө, вөлөмкө, тэчө пес.

— Дедө,— шыясис Ефим,— ми вуграсьны мөдөдчам. Көтөлөктө сетлан?

— Юкваыд ваын на,— малыштис пөль еджыд тошсө.— Гашкө, шомкора шыдөн ковмас пажнайтны? Черийдлөн юрыс пыдын, быд вугырө оз на пысась.

Сэсся сийө петалис посводзас, вайис пөрт, кодi весалөмысла югыялис.

— Гашкө, и меным тиөтш вадорас лэччывны?— шуис пөль.

Зонкаяслы тайө и вөли колө.

Вадорө лэччисны куимөн. Со и вабергача джуджыд йир. Пөль сувтис сэтчө.

— Ме танi лоа, а ти донкаястө неуна вылөджык вөйталөй,— шыясис сийө зонкаяс динө.

Шондi дөввидзис нин небеса шөрын. Лөнь, жар. Ю весьтын лэбалисны джыджъяс. Ёсь бордьяснас шенасигтыр найө то тювыштласны вывлань, то лэччыласны ва веркөс дорас.

Эз на коль и кык час, кызди Ефимлөн пөльыс чукөстис зоньясөс ас дiнас.

Ефим да Леонард чуймисны: салдатскөй пөртйын тыдалисны гырысь ёкышгыяс, пөддязъяс, кельчияс, ляпапаян.

— А миянлы немтор эз шед, Гриша пөль,— ышловзис Леонард.

Гриша пөль өшөдiс пөртсө бипур вылө. Пуктис сэтчө картупель, бөрынджык — чери. Юква пусьөм бөрын Гриша пөль сумкасые перийис нянь тупөсь, шөралис да корис чери кыйысыясөс сөйны.

Леонард тяпкөдчө да ошкө пөльысь юквасө.

— Дерг, чөскыд, салдатскөй пөртйын пуим да...— нюмдiс пөрысь морт.— Война заводитчан төлысьнас на старшина сетлис сийөс. Сэсянь колис комын воысь дырджык, а пөртйыс со дзык выль

кодъ. Да-а-а... Кымын тысяча верет ми восьлалім ськөд война воясад. Кымын карö да сиктö волім, кутшöм гырысь сьöкыддунгъяс ковмыліс пыкны. Эк, ставсö кö казътыштны — юрсийд сувтас.

Леонард пуксис Гриша пöль дорö матöджык, дыр эз вештыв сингъяссö пöрт вылысь. А Ефим нимкодясис пöльнас: бура воуй-тöмысь сылы сетлöмаöсь куим орден да вит медаль.

— Матö нель во писькөдчим Берлинö. Кымын тысяча верет восьлалім би пыр.

— А пöртгыйд пыр сьöрсыйд вöлі?

— А кызди нö... Кытчö ме, сэтчö и сійö. Автомат да пöрт салда-тыдлы медся коланатор. Нöшта зыр, ноп да противогаз. Ставсö ас вылад кыскалан. Победа лунö сулалім рейхстагсянь неылын, зэв бура тыдаліс сэні шпорөдчысь гөрд флаг. Видзөдам сы вылö, сьöлөмгьяным радысла чеччöны ортсö. Воліс рейхстаг дорö и менам пöртгый. Тайö пöртгыйс, друггъяс, абу прөстөй, историческөй.

— Вот тайö да...— мөдіс шензыны Леонард.— Музейö колö нуны сійöс.

А Ефим содтіс:

— Сöмын бокас колö гижны: «Тайö пöртгыйс нель во чөж вердіс да юкталіс Рөдинаөс дорйысь салдат Григорий Родионович Симаковс. Тайö пöртгыйс прөйдитіс Москвасянь Берлинöдз...»

Гриша пöль нюмгөвтис да видзөдліс зонкаяс вылö: со пö кутшöм дозмукысь ті панялінныд юкватö!

Мойдын моз...

Кымын пөлөс мойд, басня да висът быдөн тіян пиысь лыддыввлід руч йылысь! Уна пөлөс ним сетöма тайö зверыслы. Сійöс нимтöны мудер ручөн, кузь бөжөн, Патрикеевнаөн, кумаөн.

Коми муын тайö зверыс зэв важся олысь. Кытысь сöмын сійöс он адззыв: видзгъяс вылысь, кызд расгъяссь, парма-яггъяссь,

юяс да тыяс дорысь. Уна пөлөс зверьяс төв кежлас вежоны ассыныс пасьнысö, а руч пыр öти пөлөс паськөм новлө. Мыш вылыс гөрдоват, морөсыс да бөж йылыс еджыд, пельяс сьод. Ручлөн пушкыра бөжыс матө аслас туша кузя лоө. И кокьясыс тэрыба котралөны, весиг кузь пеля көчөс суодас. Төвся кадө мастера куталө и лым пиö дзебсьөм сьöляясөс, тарьясөс, байдөгьясөс. Радейтө и шырьясөс. Ручлөн нырыс ёсь да дуксө кылө ылысянь. Котөртгас мудер ручлөн весиг оз кыв кок шыяс, сэтшөм кокныда тувчалө. Кор нин кодыськө повзяс, сэтшөм гырыяс мөдас чеччавны, дивөйд кутө, кыс сылы та мында пельклуныс. Абу зверь, а чемпион. И быть öдийö котрав, кор эм сылөн врагьяс: көин, вөркань, сан. Көсьян кө овны, быть лоө наыс пышйыны-төвзыны, кытчөдз тырмас выныд. Но ручильöй-чойильöй пырджык кужö ас кадө пышйыны, дзебсьыны. Оз öд прөста сийөс мудер ручөн шуны.

Эз öтчыдысь нин адзыв да паныдасылы кузь бөжкөд Öльөксей дядь, коді быд төв договор серти сельполы кыйис чери Катьö ты вылын. Йи кутөм бөрын сийö локтас тайö ыджыд ты вылас, лэдзас тшупөдьясö вит гымга — и черисö нуö пыр пестер тыр.

Талун Öльөксей дядь гортсыс петис пемыдөн на. Көдзыд енэжын дзирдалисны кодзувьяс. Сикт помас чери кыйысь суйис кокас лямпа да веськөдчис төдса тылань. Ывлаыс вочасөн югдис. Зэв бура нин тыдалисны видз вылын сулалысь зорөдьяс, кодьясөс абу на удитөмаөсь вайны фермаö, гыөртөм кыдзьяс, кодьяс кокьяснысö суйөмаөсь лым пытшкө, мылькьяс да сөньяс. Көть вөлі көдзыд, но лолавсис кокныда. Лямпа колис ас бөрсяыс кык паськыд визь.

Чери кыйысь эз на удит матыстчыны ты дорө, кыдзи неылын мыйкө муткыльтчис, быттө би кольта кыпөдчыліс да бөр саяливоши. Öльөксей дядь саймовтчис кыз ныв пу сайö, мөдис видзөдны тыысь петысь шор вылө, кытысь дзик на öни адзыліс гөгөрвөтөмтор. Виччысьны ковмис регыд. Би кольта бара кыпөдчыліс вывлань и сэтшөм жö öдийö воши.

— Вот дивөйд... Мойдын моз ставыс, — дивуйтчис ас кежас олө-

ма морт да ещö на сюсьджыка мöдiс котравны сингыснас лымыён вевтгысыём шор пöлөн.— Тайö öд руч. Шыръясöс, тыдалö, куталö. Ай да кузь бöж, ай да Патрикеевна! Кынöмыд, буракö, ёна сюмалö, со кыдзи чеччалан да зiлян. Старайтчы, чойильö, старайтчы.

Руч бытгыö кылис чери кыйысылысь ошкыштöмсö, чеччыштлис ещö на вылöджык, сэсся став кокъяснас лэччысис лым пытшкö и мöдiс исавны, корсыны дзэбсысысö. А недыр мысти вомас тыдалiс нин шыр.

Öльöксей дядьöс Патрикеевна, тöдöмысь, эз казаяв, важён эськö пышйис. Дыр на любуйтчис чери кыйысь, кыдзи кыйсьö мудер руч. Но сюсь сингыса зверь век жö казаялис пу сайö дзэбсыём мортöс, чошкöдiс пельяссö и гырыся чеччалiгтыр воши кустьяс сайö.

Öльöксей дядь пестерсö да лямпасö пуктис йи вылö, босьтис киас ёсь пыридз да заводитис жугöдны йисö, кытчö вöли суйöма медводдза гымгасö. Регыд и мыччысис ваыс. Лэптис гымгасö, а сэнi пeсласьöны, чеччалöны ёкышгыяс, сынгыяс, ляпаяс. Кысьтис черисö лым вылас, а гымгасö, мед оз кынмы, бöр лэдзис ва пытшкö.

Мöд гымгаас, кодi вöли берегсянь медся матын, шедöма дзик öти сир, и абу ичöт, кык килограмм, колöкö, лöö. Любö чери кыйысылы. Важён нин татшöм мича кыйдöсыс эз шедлы. Сирсö нуис чери чукöрö да пуктис йи вылö.

Тöвся луныд дженьыд. Тэрмасис Öльöксей дядь, медым öдийöджык видлавны мукöд гымгаяссö да пемдыгöдз воодчыны гортас, кöни шоныд и лöсьыд.

Кöть ковмис кынмыны и мудзны, а чери шедiс вель уна. Чукöртис найöс да заводитис пуктавны пестерас.

— Но дивö, сирыс тай нö абу. Медся ыджыд чериыс воши. Йöрданас öмöй бöр чеччыштис?— шогö уси чери кыйысь да мöдiс гöгөр видзöдны. Аддзис ручлысь кок туйсö и ёрччыштис быдсөн: — Мудер ручыд пакöститчöма. Но и но... Кык син костебыд пышйöдiс. Тöдi кö татшöмтор, пестерö эськö став кыйдöссö пукти. Ак тэ, рözбойник! Кодакостi волöма, эг öд и казаявлы.

МОЙДЬЯС



Вөрса олысьяслөн собрание

Вөлі нин көдзыд ар. Луннас да войнас вель тшөкыда зэрис. Корсюрө зумыштчөм енэжысь гылалісны лым чирьяс. Гөльмисны корья пуяс, сулалөны пасьтөг, тірзёны-кынмөны.

Кузь төв водзвылын шогө усины катша да рака. Налы бара төвбыд ковмас кынмыны, тшыгсө и көдзыдсө пыкны, гөлөс быр-төдзныс горзыны да пинясьны лёк поводдя вылас.

— Катша чойө, вай ветлам вөрса көзяин Михайлө Топтыгин дорө советуйтчыны, кызди миянлы водзө овны.

— Китш-китш... Китш-китш... Ветлам и эм, а то регыд сійө гуө водас, тулысөдз сэсся ог адзылөй.

Катша да рака лэбзисны съод вөр шөрө. Дыр лэбалісны да корсисны вөрса көзяинөс. Медбөрын тай адзисны жө. Ош здоравайтчис, корис висьтавны, кутшөм мог вайөдіс найөс татчө.

— Советуйт, Михайлө-батушко, кызди миянлы водзө овны. Прамөй көдзыдьяс эз на вөвны, а мы кынмам нин,— өта-мөд вежмөн мөдісны норасьны катша да рака.— Төвнас дзикөдз кынмам. Став зверьяс, пөткаяс да лэбачьяс нимсянь локтім норасьны.

— Ой, ылөдланныд, паськыд вомьяс,— чырыштіс найөс вөрса көзяин.— Ог эскы ме тьянлы, медым вөрса олысьяс норасисны тьян моз асланыс олөм вылө.

— Крав... крав... Сё збыль, ог пөрьялө. Сідз өд, катша?

— Китш-китш... Китш-китш...— юрсө чатрөдліс катша да тэрыба өвтчис бөжнас.— Эг өд прөста корсьөй тэнө, гашкө, бур совет сетан. Тэ өд төлка да сюсь.

— Со мый ме та кузя висьтала: аски дас час асылын Мирон видз вылын нуодам собрание. Висьталой став зверьясыслы, пёткаяслы, лэбачьяслы, мед локтасны сёрмытөг. Öнi и кытшовтöй ылыс и матыс вөрьяс, тыяс да юяс, висьталой быдөнлы, некодöс эн вунöдöй.

Кöть катшалы да ракалы эз вöв окота тайöс вöчны, но лысьтан öмöй вöрса кöзьяинлысь не кывзысьны.

Мöд луннас, индöм кад кежлö, Мирон видз вылö кутисны быдласянь локтавны войвылын олысь зверьяс, пёткаяс, лэбачьяс. Михайлö Топтыгин пукалис джуджыд мыр вылын да быд локтысьлы копыртлис юрсö.

Медбöрын локтис сан. Öдва варгыльтö. Эз на удит матыстчыны соборуйтанinö, кöч мöдiс нин дрöжжитны, а дозмөр, тар да сьöла лэбзисны пу вылö.

— Эн полöй: тани некодöс оз лысьтны вөрöдны — бурöдiс повзысьясöс ош.— Ставön, буракö, воисны. Сидзкö, позяс собранияесö восьтыны.

— Восьты, Иванович, восьты. Кывзам тэнö!— горöдiсны вөркань да руч.

— Ковмас бöрйiны председательöс да секретарöс.

— Ачыд председателяв, Михайлö Иванович,— шуис кузь кока йöра.

— А секретаралö мед сизь,— висьталiс дозмөр да бөр лэччис пу вылысь.— Сылөн нырыс ён и сямлуныс эм.

— Ставön сöгласенöсь?

— Ставön, ставön,— горзiсны зверьяс, пёткаяс, лэбачьяс.

Вöрса кöзьяин лэптiс веськыд лапасö вывлань, сувтiс бөр кокьяс вылас и мöдiс висьтавны.

— Тöрыт ме ордö волiсны норасьны катша да рака и юöртiсны, мый тi пö ставön абу дөвöленöсь олöмнас.

Сизь табанитчöма кокьяснас кыз кыз пуö да нырнас гижö сэтчö ошкөн висьталöм быд кыв. Тук-тук-тук... тук тук-тук... сöмын и кылö.

Пыр жö кыліс сэтшöм зык, пельястö кöть тупкы.

— Сөрöм тайö... Катшасö да ракасö ми эг и аддзылöй, некод налы эг норасьлöй!— öта-мöд вежмön горзисны зверьяс.

— Вот яндысьтöм сингьясыд. Миянös тшötш янöдисны,— чивзисны гöрд морöса жонь, гөрба ныра уркай да виж морöса пыста.

— Судитны таысь катшасö да ракасö колö да ыстыны Африкаö. Тани кö лёк налы, мед сэни оласны,— кыпöдисны гөлөссö дозмөр, тар, байдög да сьöла.

Катша да рака некод вылö оз лысытны видзöддыны. Кыкнаннысö дрöж босьтис.

— Регьд төв матыстчас. Уналы тiян пиысь сьöкыд лöö судзöдны сёян. Кынмыны кутад,— водзö сёрнитис ош.— Эм кö кодлönкö норасьöмгьяс, вермам лэдзны мунны шоньд муясö.

— Ме тай татчö кольчча-а... Ог öд энöвт чужан му, ассыным дона да тöдса парманымös,— зымнитис водз кокнас йöра, кодi вöли зверьяс пöвстын медся ыджыд.

— И ме мунысь ог ло,— ошкыштис йöраös вөркань.— Тöвнас меным весиг лöсьыдджык: войясыс кузьбсь. А ме, кьдзи тöданьд, войся кыйсьысь. И сан, тöдöмысь, тадзи жö мөвпалö.

— Тэ ног, тэ ног... Огö öд нин первой во тани олöй. Эг нин öтчыд аддзылöй сьöкыдлунсö.

Пötкаяс мыйкö ас костас шöпкöдчисны, сэсся кыв корис пöрысь тар.

— Ми, пötка чукөр, öни на казьтылам, кутшöм гажаа койтiм тулыснас... Сэсся пиянös быдтiм. Гожöм-ар быд сикас чöскыд вöтöснас чöсмасим. И тöвнас ог кутöй тшыгьявны. А тöдад кö, кутшöм лöсьыд узылыны лым пытшкын. Ывлаас трачкакылö кöдзыд, а лым пиас шоньд и небыд. Ми некод асланым олöм вылö огö норасьöй. Катша да рака сөрöмаös.

Посни лэбачьяс пиысь, кодьяс локтисны собрание вылö, збоймöдчис да сёрнитис уркай:

— Катшалön да ракалön уджыс эштöма. Öтиыс лун-лун китшкö, мöдыс — лёггоршön кравзö. А меным тöвнас быдтысьны

на колё, нывъясёс да пьянёс лелькуйтны, борд йылё сувтöдны. Верма öмöй ме шоньд муö пышйыны. Дерт жö ог. Гиж тайёс, сизь, протоколö.

Унаöн на та бöрын сёрнитисны. Сизьлөн весиг гижёмсыыс мудзис нырыс, несъявны мöдiс. И ставөн воисны öти кывйö: рöднöй парма налы медся муса.

— А мый катшакöд да ракакöд пöръясьёмсыыс кутам вöчны? — медбöрын юалис вöрса олысьяслысь собрание нуöдысь председатель.

— Ыстыны найёс Африкаö, мед омöльджка пöръясыны да норасыны, — пушкыра бöжнас öвтчис мудер руч.

Повзисны рака да катша, прöца мöдiсны корны.

— Жалит тэ мянёс, йöйясёс, Михайлö-батюшко. Некор сэсы суклясьны ог кутöй, и тi прöститöй, дона зверьяс, шань пöткаяс, мыла гөлöса лэбачьяс. Энö ыстöй Африкаад. Ми сэтчö и туйсö ог адзöй, и вынным оз тырмы лэбзыныс.

Жальныс петис вöрса олысьяслөн: прöститисны суклясьысьясёс, лэдзисны и водзö овны войвывса вöръясын.

Тулыслөн шыяс

ЭЗЫСЬ ВОЙТЪЯС

Шоньд муясысь да саридзьяс сайысь тэрыб кокъяснас воис варов тулыс, кутiс вöтлыны кузь тошка дзор юрсиа төлöс. Лым толаяс мöдiсны ляпкавны, топавны.

— Тёп... тёп... тёп... — варовмисны керка вевтъяс выпысь лэчысь эзысь Войтъяс. Найö зильöны пыдöджык пырны-дзёбсыны му бердö.

Тадзи найö варовитöны кузь лун чöж. Чеччыштасны му вылö медся джуджыд керка вывсянь, да оз и повзыны. Воасны му

вылө — клоп потасны. А жөлөбъяс дорын бара нин чукөрмөны мукөдъяс.

Но виччысьтөг войвывладорсянь уськөдчис көдзыд төв, шеныштис паськыд тошнас.

Повзисны Войгъяс, йитчисны өта-мөд бердас.

— Помасис мяян олөмным.

— Этша и сюри гажөдчыны.

Войгъяс көсйөны лэччыны му вылө, дзедьсыны, но некыдз оз вермыны торйөдчыны өта-мөдсьыс.

Войбыд изөймитисны-кынмисны. Мыйөн югдис ывлаыс, код-сюрө асьнысө эз төдны: нюжалөмаөсь, быдмөмаөсь, быгтбө ёсь штыкъяс чурвидзөны.

Надзөникөн сайкалісны да бара варовмисны, мөдісны ош-йысьны.

— Ме медся кузь да мича!

— А ме тэысь кыз да шыльыд.

— Менө сакар пыдди позбө сёйны.

— Шонді петігас ме сэтшөма дзирдалі, быгтбө пыгшкын югыд пөнар ломзис.

Налысь ошйысьөмсө кыліс шонді, веськөдіс асьыс югөръяссө йинёнъяс вылө, здукөн и сывдіс найөс.

И бара керка вевгъяс бокысь кутіс кывны войтвалөн төдса гөлөс:

— Төп... төп... төп...

Дженьыд вөлөма нэмыс йинёнъяслөн.

ТУРӨБ ДА ШОР

Сьөдасисны карса туйяс, варовмисны жебиник Шоръяс. Гөлөсныс слабиник на. Воас кад, и збоймасны, лун и вой оз ланьтлыны сэсся. Öд найө тэрмасёны асланыс мам — Эжва ю дорө, медым өтвылысь гөститыштны паськыд видзьяс вылын да котөртны водзө, войвыв саридзлань.

Садьмис и ичөтик Шор, мыссышгтис сылом лымйысь артмом ваон, заводитис пискөдны водзө мунан туй. Аслыс любө. Вель дыр өд шойччис, окота и уджыштны.

— Час, ме петкөдла тэныд пуж! Кутан төдны, кызди пальөдны менө,— скөрмис Көдзыд.

Сийө пöлышгтис Шор кузя, зэвтис медбөръя вынсө.

Гажтөм лои Шорлы, вот-вот бырө эбөсыс. Кутис гоннявны, кодөс эськө чукөстны отсөг вылө.

— Эн шогсы, муса Шорой,— шыасис Турөб.— Ме тэнө дзеба, көдзыдыд оз аддзы.

— Тэнсыд буртө ог вунөд,— радлис жебиник Шор.

Лольшгтис морөс тырнас Турөб, ваялис да коялис Шор вылө матигөгөрысь став лымсө.

Садьмис мөд луннас Көдзыд, шыльөдышгтис тошсө, мөдис вашъявны.

— Ме тай ён на. Öти войөн кынті Шортө.

Шор эз кыв Көдзыдлысь ышнясьөмсө. Сылы вөлі шоньд лым улын, визувтис надзөникөн водзө и нинөмысь эз пов.

Нель вок

Олоны-вылоны нель вок. Ёнысь-ёнөсь, мичаысь-мичаөсь. Некор оз пöрысьмыны. И зэв шаньөсь. Пыр старайтчöны му вылын да вөр-ваын олысьяслы вöчны кызд позьö унджык буртор.

Первой воксө шуöны Тулысөн. Мөдсө — Гожөмөн. Коймөдыслөн нимыс Ар. Но, а нельөдыслөн... Ті асьныд нин гөгөрвоид, челядь. Тайö Төв.

Көть вокъясыс моз жö Төв некор оз пöрысьмы, мыйлакө быдөн нимтöны сийөс пöлөн. Гашкө, сы вöсна, мый Төв пыр еджыд, пашкыра юрсиыс дзормөма. Вокъяс пиас сийö медся тыдалана. И ёнлуныс майбырлөн тырмө.

Воас кадыс, да кузь туйо медводз петас Тулыс. Кыті мунас сійо, кутшом муясо тувчылас сылон кокыс, быдлаын пондас шондодны, ловзыны, кыпавны. Садьмодас шорьясос, йи улын шойччысь юясос. Тшөктас мича паськомон воччыны пуяслы. Шоньд муясысь, саридзьяс бердысь аскодыс вайодас и быд сикас лэбачьяссө.

Тулыс вок тэрмөдлө быдөнös: гөрысь-көдзысьясос, вөр кылөдысьясос, велөдчысьясос, медым быд удж вөлі вөчөма ас кадө да бура.

Кыпыд Тулыс ёна и гажөдас йөзос, пөткаясос, зверьясос. Челядьос гожйодас, унджык пөлөс зверьяслысь паськомсө вежас, пөткаясос тшөктас сьывны-гажөдчыны, вын-эбос сетас юяслы да шорьяслы.

Уджалас лун и вой. Уна буртор коляс ас йывсьыс му вылө. Кор вель ёна мудзас, отсөг вылө чукөстас асьыс воксө — Гожөмös.

Сосьяссө пуджөмон локтас Гожөм. Дінсьыс өвтө шоньдөн. Вокыслысь уджсө водзө пондас нуодны.

Вежөдасны муяс, өдийө кутас быдмыны видзьяс вылын турун, град выв пуктасьяс. Жар Гожөм тупкас вомгьяссө вывтіджык ышмысь юяслысь. Сөвмөдас лэбачьяслысь да зверь-пөткаяслысь пиянсө. Кисьмөдас чөскыд вотөсьяс, отсасяс көрым заптысьяслы. Прөст кадө гырысьясос и челядьос чуксалас польтікасьны-купайтчыны юясын, гожъялыштны шоналөм лыа вылын, пукыштны гажа садьясын да скверьясын. Гажөдас челядьос шойччан лагерьясын, походьясын.

Со мыйта удж вичмө Гожөмлы. Ставсө он вермы лыддөдлыны.

Сэся коркө-некоркө Гожөмös вежас Ар. Первойя кадсө сійо вель дыр нимкодясяс ывлавывса серпасьяснас, отсалас идравны муяс вылысь став урожай. Быдтас быд сикас тшакгьяс, пув. Ёнмөдас да сөвмөдас шоньд муясө мунысь лэбачьясос, зверьяслы төв кежлө тшөктас вөчны сөян запас, унджык чукөртны гос.

Мыйкө дыра уджыштөм бөрын Арлы окота лоө вежны асьыс олан местаяссө, аслысногөн гажөдны вөр-васө. Лун кык зэрас,

гөгөр мыскалас, сэсся ыркөдчыны кутас. Кольё лун дас, и пуяс
вылысь корьясыс вижөдасны, пелысьяс, кызьяс уна рёма крас-
каясөн вевттысясны, сэсся му вылө модасны гылавны корьяс.
Зэра да көдзыд поводьясыс дөзмасны лунвылын төвйысь пөтка-
яс, лэбачьяс, энотвасны войвыв му. Лэбзём водзылас висьта-
ласны уна атгёалана кывьяс Тулыслы, Гожёмлы, Арлы.

— Эн на өмөй мудз, дона вокөй?— кызкө юалис Арлысь еджыд
тошка Төв.— Гашкө, ме тэнө вежла? Му вылас өд зэв на уна
уджыс.

— Вывті рад лоа, — вочавидзис Ар и пыр жө сетіс вокыслы туй.
Төв видзөдліс гөгөр да модіс катлөдлыны юрсө.

— Ог ме вермы ветлөдлыны ва да няйт туй кузя, кокөй ляк-
яс, тошкөй сьодасяс.

И дзик пыр босьтчис удж бердө. Кынтіс мусө, гөпгьяс да юяс
вомөн шылыд пос ножөдіс, гөгөр вевттис еджыд шебрасөн, мед
муыввса быдмөгьяс оз кынмыны. Вөчис топыд туйяс, кыті дуг-
дывтөг журьялісны машинаяс, грымөдісны тракторьяс. Шойч-
чан луньясө йөзөс корис сувтны лыжияс вылө, лолавны сөстөм
сынөдөн. Войяснас дзєбис лым пытшкө сьөлаясөс, тарьясөс.

Төв зильлуннас эз кольччы мукөд вокьясысьяс.

Тадзи олөны-вылөны нель зіль вок. Быдөнлы найө коланаөсь.
Быдөн вокьясөс казтылөны бур кывйөн.

Көчлөн шог

Вөлі нин октябрь пом. Пуяс вылысь гылалісны став корьяс.
Сөмын нывпу, коз да пожөм пыр на вөліны асланыс паськөмаөсь.
Шоньд налы: төв ни зэр оз веськав. Зато кызьяс, ловпуяс,
пелысьяс, льөм пуяс асывсянь рытөдз дрөжжитөны. Пасьтөгьд
абу зэв лөсыд, кор вой төв букуштгас, лэчьд төв модас дөзмөдчы-
ны, сьөд небесаянь лым усыны.

Көч куйліс пөрөм вужля бокин, кытчө төв ни зэр оз веськав. Öтар бок вылас жмутвидзыштас, сэсся бергөдчас мөдар вылас. Шоньд и лөсьыд. Пасьыс сылөн еджыд нин. Петалас сөйны, тапикасьыштас небыд еджыд лым вывтї, некутшөм зверь ни вөралысь сійөс оз казав. Сөмын понгьясысь колө видзчысьны: найö здукөн аддзасны, еджыд пасьыс ни тэрыб кокыс сэки оз отсав.

Пасьтөм пуяс талун асывсянь бара мөдїсны дзуртны-норасьны. Дрөжжитөны, шондїлы кевмысьөны, медым му вылө ыстас ассьыс яр югөрьяссө.

— Мый нярганныд? Топөдны кутїс көдзыдыс? Эк тї, лякбадьяс! Ме тай со ог норась. Ола-выла, пипу кырсьөн чөсмася. Мельсь шуда зверыс абу, — кузь пель кыпөдчис вужля дорысь, табья кокгьяснас кайис джуджыд мыльк вылө, мөдїс йөктыны да сывыны:

Көч йөктө, йөктө
Мича табья кокнас,
Вый тупыль юрнас,
Шабдї кудель бөжнас,
Сьөд сэтөр синнас,
Льөм пу кор пельнас,
Ёсь йыла пиньнас,
Дас кык тув сывнас,
Аслас дона кунас,
Сыла-госа кывнас.

Дыр на, колөкө, ошйысис да дэльөдїс көч пасьтөм пуясөс, но кыськө зэв матысь кылїс понлысь увтчөмсө. Здукөн чеччышптїс вужля дорө, йөжгыльтчис, чошкөдїс пельяссө, весиг ыджыдджыка лолыштны оз лысьт. Тадзи көч быдса час, гашкө, кывзысис. Пондас кө талань матыстчыны пон, ковмас энвотны шоньд патератө да лов тыртөдзыд төвзыны, пышйыны тэрыб понйысь.

Но ставыс помасис бура. Понлөн гөлөсыс ылыстчис и ылыстчис, сэсся дзикөдз дугдїс кывны.

Бара гажмис көчильёй-чойильёй. Выльысь кыпөдчис нёрыс йылё да мөдiс сывны:

Көч йөктө, йөктө
Мича табья кокнас...

— Ланьтiн кө эськө, бурджык вөли. Миянлы шог, а тэ сьылан да йөктан, — вомалисны сийөс кынмысь пуяс.

— Кутшөм мем мог тiян шогөдз? Ме моз кө кутад котравны, сэки некутшөм көдзыд тiянөс оз босьт, — вомалис пуясөс кузь пель, сэсса тэрыба котөртiс пипу раскө, медым пөттөдзыс сейны.

Пөт кынөма көч узис дыр. Кор восьтiс сьөд сэтөр синъяессө, чуймис: став лымйис войбыднад сьлөма. Енэжын ворсөдчө ярьюгыд шондi. Радлөны шоньд поводдя пуксьөмлы кортөм пуяс, öни найö оз нин норасыны көдзыд вылө.

«Кыдзи нө öни ме еджыд пасьнас куш му кузяис кута ветлөдлыны? Ручьясыд, варышгьясыд, понгьясыд пыр и аддзасны. И дзебсьыны он вермы. Мый поводдяис йөйталө, мыйла колө вөли став лымсө сывдыны», — шогсис-майшасис көч да гоннялис гөгөр, оз-ö кодкө матыстчы вужля дорө.

Луннас, кор шондiыс кыпөдчис небеса шөрө, көчянь зэв матi мунiс руч. Котөртиштас, исасыштас. Көч сэтшөм топыда йөжгьылтчис вужля бердө, льясыс весиг доймыны кутiсны. «Аддзас оз бара?.. Аддзас оз бара?..» — тiпкис сьөлөмыс кузь пельлөн. Но руч эз казав сийөс.

Быдса лун куйлис öти местаын көч, сейны весиг эз лысьт петавны. Мөд лун коли, а лым пыр на оз усь. Көть көчлөн и нуокыртө кынөмыс, сейны корө, но терпитө, оз тапикты табья кокъяснас пипу раскө. Бурджык не вөрзыны места выльысь. Еджыд пасьыс пыр и вермас вузавны сийөс.

Колис нин куим лун, а лым пыр на абу. Дзикөдз шогөдiс көчильёйөс. Бөр көть веж еджыд пасьсө руд паськөм вылө, да оз вермы.

Казялисны пуяс көчлысь шогсьөмсө да мөдiсны дивитны сийөс:

— Со тай мый артмис, кузь пель... Миян шог вылын сералин, а ас вывтӱд сійӧ жӧ муніс.

Кӧч нинӧм эз вочавидз, бытгӧ эз кыв пуяслысь кӧритӧмсӧ. Да и мый шуан, кор поводдяыс оз кывзысь ни кӧчлысь, ни ручлысь; ассыс туйвизьсӧ нуӧдӧ, кызди кӧсйӧ.

Тшакъяслӧн зык

Дорвыв час чӧж дугдывтӧг зэрис. Кӧтасисны муяс да сӧнгяс, югдісны пуяслӧн коръяс, бытгӧ пывсянӧ ветлісны. Сэсся кытыськӧ воис вына тӧв, чуш-чашвӧчис кымӧръясӧс, вӧтліс найӧс парма весьтысь. Вочасӧн бӧр воссис енӧжыс. Да и шондіыс лышкыдджыка шонтіс. Гашкӧ, ошйысис парма-ягъяслы, юяслы да тыяслы аслас мичлунӧн.

Зэра шоньд лунъястӧ радейтӧны тшакъяс. Мӧд лунас жӧ му пытшкысь кыпӧдісны ассыныс юрнысӧ еджыд дона гобъяс. Шапкаясныс налӧн мичаӧсь, бытгӧ кӧнтусь вийӧн мавтӧмаӧсь да пачӧ суйлӧмаӧсь жаритны. Гобъяс адзисны ӧта-мӧдсӧ, кутісны радлыны.

— Видза оланньд, вокъяс!

— Видза оланньд, чойяс!

— Атгӧ шоньд зэрлы, отсаліс миянлы ӧдйӧджык быдмыны, а то му пытшкад лёка пемыд да гажтӧм. Вӧльнӧй светсӧ кӧть ӧни адзылам, вӧр дукнас лолыштам.

Друг кодкӧ гобъяс пиысь горӧдіс:

— Видзӧдлӧй, видзӧдлӧй, кодкӧ со бара мусӧ вӧрӧдӧ!— Эз на удитны тшакъяс бергӧдны юрнысӧ, а пӧль тош кодь небыд яла пытшкысь кыпӧдчис гӧрд гоб. Пыркнитіс юр вывсьыс лыасӧ, улӧдз копыртчыліс банийӧм юра гобъяслы:

— Примитӧй и менӧ асланыд семьяӧ. Адззад, кутшӧм ме ичӧтик. Быдмышта да тӧян кодь жӧ кыз кока лоа. Но кызд, примитанныд?

— Примитам, примитам!— օтпырйօ горօдисны еджыд гобьяс да сюся кутисны видзօдны выль тօдса вылօ.

— Ой, кутшօм тані лօсьыд! Шондіыс синмօс ёрօ, абу му пыгш-кад кодь олօмыд. И лօбачьяс гажօдօны миянօс, весиг йօктыны позьօ,— радліс гօрд юра тшак.

Мօд луннас, кор ывлаыс муртса заводитіс югдыны, садьмисны тшакьяс да кутисны шензьыны ас вылананы.

— Но и но, со кызди ме быдми օти войօ,— ошйысис медся ыджыд еджыд гоб.

— И ме...

— И ме быдми да ёнми. Видзօдлօй кօть,— чилзіс пу боко саймовтчօм тшак.

Друг гօрд гоб бергօдчыліс мышкас и адззіс ещօ куим тшакօс, кодьяс тօрыт тані эз на тыдавыны.

— Кодьяс нօ ті да кытысь татчօ усинныд?— юаліс гօрд гоб аслас суседьяслысь.

— Ме ягса путник. А орччօн сулалысьясыслօн нимыс уртшак.

— А менօ шуօны рыжик-пыжикօн,— кыліс вօсньыдик гօлօс.

— Вєськалім ми татчօ сідзи жօ, кызди и ті.

— А миянօс օмօй энօ тօдօй, со кымынօн сярвидзам чукօрօн?— кутисны норасыны масленикьяс.

Виж гоб, коді садьмис узянiнысь медбօрын, тiльыштiс синъ-яссօ да очсалiтырiи равօстiс:

— Мый нօ сэтшօма ызганныд, узьны онօ лэдзօй! Чукօста кօ яг пасьталаыс быдмысь ассыым став рօдвужкօс, ставнытօ вօтласны татысь.

— Эн вышшитчы, виж гоб,— вомаліс сiйօс еджыд гоб.— Тэныд кօ тані дзєскыд, верман мօдлаօ мунны. Миянлы и тэтօг гажа. Зэв на օд тэнад доныд ичօт.

Виж гоб зымнитіс кокнас, эз кօсйы сетчыны. Тօдіс, пикօ кօ воштасны сiйօс еджыд гобьяс, օтсօг вылօ чукօстас ассыыс чой-воксօ.

— Зэв тай вылын нырьясыд. Ме и ачым мича. Быд вотчысь на менօ аслас кօрзинаօ пуктас. Майбыр, жаритны и пуны шогма.

— Серамнымёс петкөдлін, виж гоб дядь. Ми медся мича да дона тшакъясыс,— эз сетчыны банійом юра еджыд гобъяс.— Быд пызан вылын ми меддона гөстъяс. Ылі муясё весиг миянөс нуоны.

Сэсся сёрнио суюсис ичөтик рыжик:

— И ми, рыжикъяс, зэв чөскыдөсь, нинөмөн абу лёкджыкөсь ельдөгъясысь. Сідз өд, чойяс?

— Сідз, сідз!— гөгөрбоксянь кутісны горзыны рыжик котыр.— Ми көть посниөсь, а донаөсь.

Тшакъяслысь зычитөмсё кыліс гут кулан тшак да тшөтш окота лои ошйысьыштны аслас мичлунөн.

— Нолтө, видзөдлөй, тшакъяс, эм абу кодкө меысь мичаыс,— еджыд чутъяса гөрд шапкасё вывлань лэптыліс гут кулан тшак.— Коді медся ылөдз тыдалө? Бара жө ме. Тіянөс, коньөръясөс, шоньд лунъясё гагъяс сөйёны, а ме дорө некод оз лысыт матыстчыны. Ме гутъясөс и гагъясөс ачым верма здукөн вины.

Скөрмис гөрд гоб, чорыд кыв шуис ошйысьысьлы:

— Мича и ылөдз тыдалан тэ, гут кулан тшак. Тайө збыль. Сөмын некодлы он ков. Вотчысьяс тэнө чужъялөны мачөс моз. Сідзкө, некытчө туйтөм. Ме со тэ кодь жө банійом юра, а быд мортлы шогма. Мунан кө миян дорысь, бурджык лоө.

— Некытчө ог мун: ме тани көзяиныс.

— О-о-о... Кыдзи ышнясыны мөдіс,— вомалісны выпшитчысьёс уртшакъяс.— Со буретш вотчысьяс локтөны татчө. Видзөдлам, кодөс медся водз пуктасны көрзинаас.

Гут кулан тшак повзис, саймовтчис пу сайө, мед некод оз аддзы сійөс. Ылөдз тыдалысь гөрд юр вылас пуктіс пипу кор.

Тшакъяс дінө матыстчисны кык детина. Кианыс кыкнанныслөн көрзинаяс. Ичөтджык тушаа детина аддзис гөрд гоб да котөрөн уськөдчис сы дінө.

— Шура, ме со бара гөрд гоб аддзи! Ой, кутшөм мича,— и пуктіс тшаксө көрзинаас.

— А меным еджыд гоб сюри. Со и мөд дзэбсьөма. Лок татчө,

колөкө, ещө на адзам, — корис ёртсө ас дінас ыджыджык ар-
лыда детина. Дыр найө зунясисны-корсисны дона гобъясөс.

— И менө босьтөй, — шыасис детинкаяс дорө рыжик-пыжик. —
Шура бергөдчыліс гөлөс шыө и дзик пыр копыртчис.

Виж гоб шогө уси, мый детинкаяс сійөс вермасны не босьт-
ны. Но весьшөрө майшасьома. Босьтісны и сійөс. И уртшак көрзи-
наө веськалі.

Детинкаяс көсйисны нин водзө мунны, но Шуралы син улас
уси пу бокын дрөжжитысь гут кулан тшак. Босьтіс тшаксө вөсни
кокөдыс да лыйис сійөн другыслы мышкас. Ошйысьысь гут ку-
лан тшакысь колины сөмын торпыригыас.

А еджыд, гөрд да виж гобъясөс, масленикъясөс, рыжикъясөс,
уртшакъясөс, путникъясөс детинкаяс радпырысь нуисны гортас.
Бура и чөсмасисны чөскыд тшакъясөн, кодөс пуисны да жариті-
тісны, мукөдсө солалісны. Сөмын дуль петмөныс ошйысьысь гут
кулан тшак өтнас коли туплясьны яг шөрын.

Суседъяс

Сьөд вөр шөрын, ичөтик ю бокө, овмөдчисны тэрыб пыста да
кузь бөжа руч. Пыста узыліс джуджыд пу вылын. Руч керкасө
стрөитіс пөрөм вужля бокө, му пытшкас.

Муртса на югдыштіс, пыста мыськис еджыд чужөмбансө, лэчтіс
нырсө из вылын, сэсся жбыркнитіс-лэбзис вужля вылө.

— Ручильө-чойильө, мунам уджавны, йөзлы бур вөчны.

Руч мыгчис юрсө пемыд керкасьыс, мудера видзөдліс ичөтик
лэбач вылө.

— Ме войнас уджалі, луннас узыны кута.

— Мый нө вөчин? — юасьө пыста.

— Сиктө лэччылі, кык чипан джагөді, — ошйысис руч, а аслас

сингыасы сідзи и кодзлалёны.— Пырав гөститны, дона гөсть, свежой яйон верда.

Мелі көть кывйыс ручлөн да бөжыс мича, но пыста полё сы дорё матыстчыны.

Лунтыр уджаліс пыста. То лэбзылас гажа сацийо, куталас гагыасөс. То пуксыблас капуста град выло: гырысь көчангыас вылын абубсь-ө лёльбяс?

Мөд луннас, эз на удит мыгчысыны шонді, пыста бара чуксалис ассыс кузь бөжа суседкасө:

— Ручильой-чойильой, чеччы! Мунам уджавны, йөзлы бур вөчны.

— Важ уджсыс на ме мудз, — вом дорсө чөскыда нюлыштис руч.

— Мый нө вөчин?

— Колхозной му выло котөртлі баля яйон чөсмасыны. Дарья тьөтлысь пөрысь петуксө пышйөді.

Пыста сьөлыштис скөра, сэся лэбзис сиктө йөзлы бур вөчны.

Коймөд луннас пыста чеччис ещө на водджык. Гөлөс быртөдзыс чуксалис-горзис ручөс, но пемыд керкасянь некод эз шыась.

Муртса на пыста удитис лэбзыны паськыд муяс дорё, адзис ручөс. Сийө чеччалис куим кок вылын да өдва кыскис няйтөсь бөжсө.

— Мый нө тэкөд, ручильө-чойильө? — повзис пыста.

— Эн нин юась, — сьөкыда ымзис руч. — Öдва удити пышйыны. Пищальысь лыйисны, тэрыб кокөс чегисны. Дарья тьөтлысь вый тасыти сарайсыс көсйи гусявны, а со мый лои...

— Йөзлы кө лёк вөчан, аслыд сийө жө лоө, — шпоркнитис бордыснас виж морөса пыста да тэрыба лэбзис сиктлань.

Кодныс ёнджыкөсь да пелькджыкөсь

Бузгис-визувтис ичөтик Юромка ю. Гожөмнас тайө вөрса юыс ёна ляпкалө, весиг подөн уналаті поэьө вуджны сы вомөн.

Вөрысь петис ош да матыстчис гажаа сьылысь ю дорё. Гуын

төвбыд куйлөм бөрын сылы ывла вылыс кажитчис сэтшөм мичаён да гажаён, радысла туплясьны кутис крут берег вылын. Сэсса адзис өткөн сулалысь мыр, кватитис сийөс водз лапаяснас, здукөн чегис.

— Со ме кутшөм ён. Ме кодь силачыс зверьяс пөвстын пармаын некод абу!— горөдис вом тырнас ош.

Буретш сэки юдорса козйын пукалис кузь бөжа ур. Кылис ошлысь ошйысьөмсө да эз вермы терпитнысө, матыстчис мыр бердын куйлысь ош динө.

— Видза олан, Михайлө дядь,— копыртлис юрсө ур да пуксис ошлы паныд.

— А... Тайө тэ, кузь бөж. Гашкө, пель костьясөс ёсь гыжъяснад гыжйыштан, а то аслым дыш.

— Ачылд нин кызкө-мыйкө... Казакъясыд өни абуось,— збодера вочавидзис ур. Ачыс вешийс ылөджык.

— Мый? Мый шуин, кузь бөж? Гашкө, эг велав да...

— От көйи, мися, казачитны.

— Да тэ кызди лысьтан тадзи сёрнитны мекөд? Он өмөй төд, коді ме? Медся ён, медся пельк. Став зверьясыс меысь полөны.

Ур пуксис лөсьыдджыка, эз көйи сетчыны ошлы:

— Кодьяскө, гашкө, полөны тэысь, меным тэ тшаква. Ачым ме тэысь ёнджык и пелькджык.

Эз на удит помавны ур висьталөмсө, ош сэтшөм гораа серөктис, мый матигөгөрын пукалысь лэбачьяс повзьөмысла лэбзисны кыздысь ылөджык. Ош туплясьө да сералө, некызди дугдыныс оз вермы.

— Но и кузь бөж. Ой, кынөм доймыгтөдз сералі. Да ме печикта кө тэныд плешкад, садьыд пыр и бырө, вунөдан, кызди батымамтө шулисны.

— Мыйла прөста больгыны? Вай видзөдлам, кодным ёнджыкось да пелькджыкось. Верман кө менө, сэки и няйт пельяс косттө гыжйышта. Колөкө, пыгшьяс сэни жуөны.

— Висьтав, мый вөчны?— мурөстис ош да кыпөдчис чегөм мыр бердысь.

— Лок ме бөрся, Михайлө дядь,— уссө водзлань чургөдис ур и

мөдiс чеччавны кушмөм берег пөлөн. Ош мурзö да вöтчö сы бöрся, пыр на скöралö небыд гöна ичöтик зверь вылö.

Ур аддзис берег дорысь пызан судта из, кодi дыр куйлöмысла нитшкасьöма нин, сувтiс сэтчö. Ыджыд из дорын вöли мужичöй кулак кодь мöд из.

— Воим али мый?

— Воим, Михайлö дядь, воим. Танi со берег дорас куйлö кык из. Öтиыс тэ ыжда кымын, а мöдыс ичöt, буретш сьöктанас сэтшöм, мыйта весита ме.

— Но и мый?.. Немтор ог гөгөрво, кузь бöж.

Ур бара чургöдлiс водзлань усьяссö, мöдiс тölкуйтны ошлы:

— Кодным вермам тойыштны изсö юас, сийö и лоö медся ён зверыс. Заводита ме...— сэсся ур крукыльтiс бöжсö, медым оз мешайтчы, водз лапаяссö пуктiс ас кодьыс ичötик из вылö да мöдiс тойлавны сийöс водзлань. Кötь и сьöкыд вöли урлы, но век жö изсö вермис тойыштны юö.

— Чайтан, менам вынöй оз тырмы?— мурöстiс ош да матыст-чис нитшкасьöм сьöкыд из дорö.

Ур пуксис пу вож вылö да мöдiс видзöдны пессьыс ош вылö. Коли час... коли мöд... Шондыс кайис нин небеса шөрö, а ош некыз оз вермы вөрзöдны места вывсьыс сьöкыд изсö, быттьö вужьясьöма сийö му бердас. Шоньд пась кузяыс визувтö пöсь, синьясыс гырдемисны, а нинöм вöчны оз вермы. Урлөн жальыс петi.

— Эновт, Михайлö дядь. Аддза, он вермы. Этша на, тыдалö, кодзувкот кольястö сөйöмыд. Öни вай видзöдлам, кодным пельк-джыкöсь.

«Пельклуннад кыв шутöг тэнö, кузь бöжöй, пановта. Ме öд вөлос весиг верма сүödны»,— мöдiс радлыны ош.

— Вай тшöкты, мый колö вöчны?

— Аддзан, неуна водзынджык Юромка ю. Колö чеччыштны мöдар берегас. Кодным вермам тайöс вöчны, сийö и лоö медся пельк зверыс.

Ош эз на удит лапнитны сингьяссö, ур öддзöдчис да звирк чеччыштис ю вомöн.

— Мый нö тати чеччыштныд? Ме и таысь паськыд ю вомöн верма чеччыштны, — бара мöдис ошйысьны ош. Сэсся зэвтис став вынгьяссö да тойыштчис кыркötш дорсянь.

Мöдар берегас Михайлö дядь сідзи и эз во, бузгысис-уси ю шöрас. Кöдзыд ва пиын купайтчис, шоныд пасьсö кötöдис, öдва берегас кайис. Бур, мый эз пöд ваас.

Ур кайис медся джуджыд пожöм вылас да мöдис шмонитны ош вылын:

— Кодным нö, сідзкö, ёнджыкöсь? Чöv олан. Яндзим, тыдалö, лои.

Ош немтор эз вочавидз, лэдзис юрсö увлань да варгыльтис вөрö.

Вөркань да йöра

Вөркань зэв ёна муно гортса кань вылö, сöмын ыджданас да дженьыд бöжнас торьялö сыысь. Вөрканьлөн сьöктаыс пудйысь унджык лоö, а тушаыс метрысь кузьджык, сувтса пеля, сингьясыс ыджыдöсь, кокъясыс ёнөсь да кузьöсь, чужöм бокас бакенбардыас öшалöны, гöныс небыдик.

Войся зверь ёнджыкасö олö ыли вөрьясын. Восьлалö сийö гортса кань моз небыда, куталö көчьясöс, шырьясöс, йöрапиянöс, дозмөрьясöс, тарьясöс, сьöлаясöс да быд сикас лэбачьясöс.

Öти татшöм зверь уна во оліс-выліс Кузьель бокин, медся лёк местаас, кытчö шоча воывлöны вöралысьяс. Войяснас кыйсис, луннас узис кутшöмкö пөрöм пу бокин. Шойччан местасö пыр вежлаліс.

Öтчыд вөркань казяліс, мый йöра да сьлөн ичötик пиыс лэччылісны юны Кузьель дорö. Вөрканьлөн öзйисны сингьясыс, дульваыс кутіс петны, сэтшöм окота вöлі чöсмасьны йöрапиөн.

Кайис сук коз вылө, код динө веськөдчисны йөра эня-пиа, пондiс кыйөдчыны. Зверь топөдчис коз лагыяс костө, паскөдiс лэчыд гыжъяссө, сингыяссө эз вештыв йөраясөн таялөм туй выльсь.

Йөра мам мунiс водзас, пыис — бөрсяныыс. Кор воисны сук коз пу весьтө, вөркань өдийө кыпөдчис места вывсьыс и здукөн чеччыштіс йөрапи вылө. Сөмын тай, кыдзи көсийс, эз артмы. Лэчыд гыжъяс улас эз сюр сийө, кодөс көсийс джагөдны. Сы пыдди йөра мам удитiс бөр кокнас зятнитны вөрканьлы пиняс. Тайө лои сэтшөм виччысытөг, мый лёк зверлөн вель дыр кежлө пемдыліс синмыс. Кык пинь чеги йөра чужийөмысь, а вомсьыс ылькнитiс вир.

Куим лун куйліс вөрса зверь пөрөм пуяс дорын, сөйны ни юны эз вермы.

Нельөд луннас бара на пегіс кыйсьыны. Сөйтөгьд регыд кыстө нюжөдан, а вөлөгаыд ачыс вомад оз лок, колө корсьыны. Сөмын мед йөраыд оз паныдась: сыысь өні ачыс нин поліс!

Сулалөны мича пуяс

Во дас сайын нин өти вөралысь, кор узим ми сукөд вөр керкаын, висьтавліс меным мойд, кодi йитчөма вөр-вакөд, сәні быдмысь пуяскөд. Тайө мойдыс пыр на эз вушйы паметъысь, көть ачым нин лои пөльөн. Та йылысь ме и көсья висьтавлны тіянлы, дона челядь.

Өти вөрса луд вылын орччөн быдмисны нель пу: пушкыра Ниа, еджыд кока Кыдз, веськыд Коз да сыысь на веськыд Пожөм. На вылө тшөкыда пуксьылісны лэбачьяс, узьмөдчылісны посни зверьяс. Пуяс некодөс эз өтдортлыны, быдөнлы сетлісны шойччанiн да узянiн, видзлісны зверь-пөткаөс вильыш зәръясысь, төвьясысь да көдзыдысь.

Тулыснас Коз пу ас вылас өшөдліс вотөсыяс, кодлөн нимыс коляоз. Сійө збылысь луд вылын быдмысь оз кодь, и чөскыдлуныс абу этшаджык. Арнас Коз вылын өшалөны гырысь кольяс, кодьясөс ёна радейтөны урьяс, уркайяс.

Мыйён шондодас, воас гажа тулыс. Кыдз вөччас мича паськөмөн, гөгөр асьсө вевттыс небыд да выльён петөм корьясөн. Первойысь кө аддзан сійөс татшөм гажа каднас, вель дыр любуйтчан.

Тулыснас и Ниа пу кажитчө мичаджыкөн, лоө ещө на пушкыра. Төдөмысь, кузь төвса кадө шыбитіс ас вывсыс пöрысьмөм да косьмөм лыс емьяссө, на пыдди быдтіс выльясөс.

Тадзи эськө олісны-вылісны тайө пуясыс, гажөдісны вөрө вольсыясөс, но орччөн сулалігөн налы воысь-во лои дзескыджык, өта-мөдныслы кутісны мешайтны. Ку пиас эз кут төрны джуджыд Коз, ассыс став лөглунсө сійө висьталіс еджыд кока Кыдзлы:

— Мед көть өдйөджык пöрысьмин да пöрин. Мый тэысь төлкыс, сөмын өти мичлуныд и эм.

Ок, кутшөма скөрмис тайө виччысьтөм кывьяс бөрас Кыдз. Вермис кө эськө, печиктіс плешкас Козлы.

— Тэ, дзор Коз, шуин, мый меысь абу некутшөм төлк! Чошкөд пельтө да кывзы,— и Кыдз тэрыба мөдіс лыддьөдлыны, кутшөм колана пу сійө му вылас.— Төдан-ө тэ, мый меысь вөчөны медся бур улөсыяс, шкапьяс, крөватьяс, пызаньяс.

— И меысь вөчөны,— вомаліс сійөс Коз.

— Кымын морт нимкодысьөны меөн,— ыдждөдіс гөлөссө Кыдз.— Ме йөзлы вая радлун. Менам гарьясөн да пакулаөн лечитөны висысыясөс, а вожьясыс чегьялөм корөсьөн пывсьөны да вөтлөны мудз уна войтыр. Кор ме пöрысьма да пилитасны пес вылө, медся кодзыд луньясас керкаас лоө жар. Тшакла кө либө вотөсла мөдөдчас морт, бара босьтө пестер либө наберушка. А төдан он, мыйысь найөс вөчөны?

— Вывті нин ёна ошйысьны кутін,— чырыштіс сійөс Коз.

— Меысь вöчöны лыжияс, машинаяслы подшипникъяс, — водзö висьталіс Кыз.— А видлін кö öтчыд менсьым чöскыд зараваöс тулыснас, кывйыд эськö эз бергöдчы менö вöйпныд.

Ниа пу, коді öнöдз чери моз чöv оліс, тшöтш суйсис сёрниас:

— Кыз веськыда висьталіс — сы кодь колана пуыс оз туплясь. Сылön и нэм помыс кузь, олö матö кыксё во. Тани сійö эз висьтав ещö фанера йылысь. Мича фанера листьяс артмöны кыддзысь, рубеж сайö сійöс весиг нүоны, зарни вылö вузалöны.

— Сідзкö, ачыд мун татысь, лёка вожъясыд сукöсь, шондi югöрсö весиг тупкан!— мöдiс ыждавны Ниа вылын Коз.

— Ме тэысь коланаджык, баквал Коз. Сідз öд, Пожöm? Стрöитасны кö меысь баржа либö керка улö столб сувтöдасны, уна дас во ог сiсьмы ни ваын, ни муын. И олан кадöй менам мукöд пуяс серти кузьджык, верма сулавны кыксё ветымын во либö дырджык, а быдма матö нелямын метр судта, — вочавидзис Ниа пу.

Варовмис и чöv олысь Пожöm, ассьыс бурторъяссö мöдiс лыд-дбöдлыны.

— Ме верма быдмыны кызди лунвылын, сідзи и войвылын, көні овлöны öш сюр кусыньтан кöдзыдъяс. Йöзыс менö радейтöны да донъялöны, меысь унатор вöчöны: лэптöны керкаяс, школаяс, быд сикас стрöйбаяс, вийöдöны сир. Ме медся бура весала сынöд, вая йöзлы дзоньвидзалун.

Яндзим лои Козлы тайö сёрнисö панöмысь. Ачыс көть йöзлы уна буртор вöчö: козйысь артмö бумага, музыкальнöй инструментъяс, тьöс-плакаяс да уна мукöдтор, но эз кут ошйысьны, а сöмын шуис:

— Прöцца кора, чойяс да вокъяс. Важ моз кутам быдмыны öтлаын, некодöс не кедзөвтны, некор огö кутöй зычитны öта-мöд костын.

Та вылын и помасис сёрниыс. Помасис и менам мойдöй.

Чукля кока Ласей

Өшинь курич костө, Чукля кока Ласейлөн керкаө, пышкай гозья лосьодисны поз, медым быдгысыны. Любө лэбачьяслы, мый татшөм бур места сюри поздысыны, төв ни зэр оз веськав. Сылөны, гажөдчөны югдөмянь пемыдөдз. Гөлөсьяеныс налөн гора, ылөдз кылө.

Посныдик лэбачьяс ылө дөзмис керкаса көзяин Чукля кока Ласей, кызди нимтисны сийөс сиктын. Өти асылө петис керкасыс, стен бокас сувтөдис сера пос да мөдис кавшасыны. «Час, метянөс велөда дорын узылыны, а то лун-лун чивганныд, унмөс менсьым пальөданныд», — ропкис Ласей. Кор воис өшинь курич дорөдз, корсис пышкайяслысь позсө, сэсся шыбитис сийөс град вылас. Позьяс квайт кольк вөлөма, сявкмунисны-жугалисны чорыд му вылын.

Дыр лэбалисны да нора горзисны пышкай гозья. Вермисны кө, лөк сьөлөма Ласейлысь синъяссө кокалисны.

Уна лун на шогсисны пышкайяс. Кызкө казялис найөс пыста да мөдис юасыны:

— Мыйысь нө татшөма шогсянныд?

— Ок, дона чойө, познымөс өд Ласейыд жугөдис. Омоль и морт вөлөма!

— Вөрса судьялы колө норасыны. Эм пө сэтшөмыс, медся төлка да пөрысь ош. Жонь меным та йылысь висьталис.

Мөд лунас энь пышкай энөвтис сикт, көни олисны нин некымын во. Мөдөдчис корсьны вөрса судьяөс.

Паныдасяс кө лэбач, юасьө, кытысь позьө аддзыны медся төлка да пөрысь ошкөс, кодөс зверьяс бөрийөмаьс судьяөн.

— Михайлө Ивановичлөн гуыс Парма чуркыйн, кык шор костын, — висьталисны көнтарьяс. — Ми куимнанным ветлим нин сылы норасыны, но судья пыр на узьө, абу на петөма аслас патераысь.

— Ті нө код вылө косьянный норасьны?

— Неважөн мян мужикъяс койтны заводитісны, гашкө, кызы тар чукөртчылісны гажөдчыны. Сьөдөсь, мичаөсь, гөрд сорсаөсь. Ми любуйтчам вөлі, кыдзи найө кургөны, дурөны, усьласьөны өта-мөд вылас. Тарьяслысь койтөмсө казялөма Чукля кока, паськыд чужөма Ласей да петляяс сэтчө өшлөма. Джагөдіс мянлысь мужикъяснымөс, дөваясөн колим, — норасисны көнтарьяс. — Ми, сідзкө, тшөтш тэкөд мунам, пышкай. Колөкө, Михайлө Ивановичыд садь-мис нин. Висьталам сылы, кутшөм шог вайис мянлы Ласей.

Судья дорө мөдөдчисны нельөн. Лэбзисны юяс пөлөн, парма весьтөд. Кор ёна мудзисны, пуксисны шойччыштны пожөм вылө, медым сэсса лэбзыны водзө. Буретш сэки шойчысьяс дорө матыстчис йөра.

— Кытчө нин, тэрыб бордьяс, мөдөдчинный? — юалис сійө пу вылын пукалысьяслысь.

Көнтарьяс да пышкай өта-мөд вежмөн висьталісны йөралы асланыс шог йылысь.

— Сідзкө, тиянөс ме кодь жө ыджыд шог суөма, — жалитіс шогө усьөм пөткаясөс вөрса багатыр. — Кольөм во арнас Ласейыд өтка пуляөн виис менсьым дона пиөс. Мед сылөн синмыс бердас. Колөкө и ачымөс тшөтш лыйис, да удиті пышійыны.

— Мунам мянкөд судьялы норасьны, — вөсныдик гөлөсөн шыасис йөра динө пышкай.

— Ме ёна нин корси сійөс, да некыз ог адзы. Арсяныс на пө водөма узыны.

— Ми төдам, көні сійө олө, — төлкуйтісны дөва тарьяс.

— Сідзкө, мунам. Сөмын энө өдийө лэбзөй: тиян бөрся ог вермы вөтчыны.

Өні нин витөн мөдөдчисны төлка ошлы норасьны. Бордья войтыр лэбөны. Кузь кока йөра вөтчө на бөрся.

Регыд и воисны Парма чуркйө, кык шор костысь корсисны ошкөс, коді неважөн на эновтөма асьыс гусө да шонтысис шонді водзын.

— Судья-бать, ми тэ дорө воим норасьны, — медводз заводитіс

висьтавны аслас мог йылысь пышкай.— Ласей менсьым позйос жугодіс, ассьым ныв-пиянос сідзи и эг аддзыв.

— А неважон мянлысь мужикьяснымос койт вылын петляон джагодіс, мяннос дөваясон колис,— водзө сёрнисө нуөдісны тарьяс.

— Михайлө дядь, Ласейыд менсьым муса пиос пицальысь дзенгис. Сөмын тшөкты, ме чукөрта матігөгөрысь став йөраяссө и войнас Ласейлысь керкасө кыстам.

— А гөтыр кө сылөн эм либө челядь? Көні кутасны найө овны?— стрөга видзөдліс судья скөрмөм йөра вылө.

— Сотны колө керкасө!— горзісны тарьяс.

— И сотны оз позь. Сиктсьыс мукөд керкаяс тшөтш вермасны сотчыны. Сэні шань да уджач йөз олөны.— Юрнас довкнитіс ош.

— Сідзкө, весьшөрө и локтім ми тэ дорө норасьнысө, Михайлө дядь. Он көсийы отсавны?

— Эн тэрмась, кузь кок. Колө гөгөрбок думыштны, кызди чорыджыка повзьөдны Ласейос,— тэрмасьтөг баитіс судья и пондіс мөвпавны.

Көнкө зэв матын кыліс лыйөм шы. Ош дорө воысь нора-сысыяс видзөдлісны өта-мөд вылас.

— Төдөмысь, бара Ласей лыйсьө. Ветлам да садь быртөдзыс повзьөдам Чукля кокос.

Ставон мөдөдчисны. Көть вөрыс вөлі паськыд, а регыд и адзисны пицала мортос. Тайө вөлі Ласей. Пышкай, тарьяс да йөра пыр и төдісны сійос да мөдісны норасьны судья-ошлы.

— Тэ сійос чорыджыка повзьөд, Михайлө Иванөвич. Сямлу-ныд и эбөсыд тэнад тырмас.

Ласей сулаліс ыджыд вужля сайын да кыйөдіс сьөлаясөс, көть тулыснас найос лыйлыны оз позь.

Ош кыссис сы дорө. Кор вөлі дзик нин матын, сувтіс бөр кокьяс вылас да мый вынсьыс равөстіс. Ласей адзис ас дінсьыс скөр зверөс, шыбитіс пицальсө и мөдіс пышйыны. Ош сы бөрся, горзө да вөтчө.

Чукля кок казяліс джуджыд коз пу, повзьөмйивсьыс өдийө

кавшасис сэтчө. Ош, дерт, вермис тшөтш кайны пу вылө да шошаөдыс лэччөдны повзбөм Ласейөс, но тайөс эз вөч. Мед пө пу вылас лун-мөд дрөжжитас.

Чукөртчисны сэтчө и норасыны локтысыяс. Ставөн ёрөны Чукля кока лёк мортөс. Повзбөмысла Ласейлөн таркакылісны пиньясыс. То көдзыд, то пөсь лолө.

Ош шыасис тарьяс дорө:

— Көть и мудзинныд ті, донукьяс, колө корсьны көиньясөс, медым пыр жө локтісны татчө, судья пө корө. Найө кутасны дежуритны тани, медым видзны пу вылас Ласейөс куим лун да вой.

Тарьяс дзик пыр лэбзисны. Рыгьявылыс найө вайөдісны нель көинөс.

— Воим, судья-бать. Мый тшөктан вөчны?— юалис медся ыджыд көинныс.

— Аддзанныд пу вывсьыс мортсө? Сійөс колө видзны сәні куим лун да куим вой. Зверьяслы, пөткаяслы да лэбачьяслы уна пакөсть нин сійө вөчөма. Сюся видзөдөй, мед оз пышйы.

— Гөгөрвоим, судья-бать, ставсө гөгөрвоим. Некрытчө оз пышйы. Вермам сійөс сәні и дас лун видзны.

— Куим луныс тырмас, а то тшыглы ещө кулас,— көрталіс сёрнисө ош.

Тарьяс, пышкай, йөра аттьөалисны төлка ошкөс и мөдөдчисны асланыс местаясө. Судья муніс Парма чуркйө.

Куим лун да куим вой дежуритісны көиньяс джуджыд коз дорын. Ласей көрталіс асьсө тасманас пу вожйө, медым оз усь. Тшыг, кынмө. Торья шуштөм вөлі войнас: көиньяс омлялісны, синьясныс дзирдалісны.

Судьяөн урчитөм кадө көиньяс мунісны коді төдас кытчө. Ласей дыр на эз лысыт лэччыны пу вывсьыс.

Кызкө тай сәсся воөдчис жө гортас. Керкаас пырөмөн тшөтш горөдіс гөтырыслы:

— Öдьө, өдйөджык сөйны корсь. Ме адө веськавлі.

Тайө лоөмтор бөрас Ласей сәсся некор нин эз кайлы вөрө.

Асныра Кӧч

Еджыд пася, тугья бӧжа, кузь пельяса, табья кока Кӧч лун-тыр котраліс аслас пась кодь еджыд лым вывтӧ да дугдывтӧг ошйысис пӧткаяслы да зверьяслы аслас небыд да мича пась-кӧмӧн.

— Кодлӧн нӧ меысь мича пасыс эм? Тӧдӧмысь, некодлӧн абу и оз ло, — кузь пиньяссӧ жерйӧдлігтыр ошйысис сійӧ.

Лунгьясыс лоины пыр шоньдджыкӧсь, топаліс лым. Кузь пель-лы лои кокныдджык котравны южмӧм лым вывтӧ, майбыр, он вӧй. Ковмас кӧ, быд зверысь верман пышйыны: некод суӧдны оз вермы.

Тадзи оліс-выліс Кӧчильӧй-чойильӧй, некутшӧм шог эз тӧдлы. Пӧттӧдзыс гурчкас-сӧяс пипу кырсь, быд паныдасысь лӧбачьяс-лы да зверьяслы бара ошйыяс аслас шоньд да мича пасьнас, сӧсся водас восьсаинӧ, кытчӧ ӧнджыка веськалӧны шондӧ югӧръ-ясыс, да дыр мушвидзас.

А лым ляпкаліс и ляпкаліс. Кӧнсюрӧ шорьяс нин письтісны. Шондӧйс вылітіджык пондӧс кытшлавны. Дыр чӧв олӧм бӧрын выльысь варовмисны тӧвбыд вӧрьясын олысь лӧбачьяс. Асывь-яенас гораа кургисны тарьяс, котшкӧдчисны сьӧд гӧна, мича бӧжа дозмӧрьяс. Дыр найӧ виччысисны тайӧ шуда лунгьяссӧ.

И кӧчьяслы воис праздник, горзӧны вӧр тырнас, ворсӧны, вӧтлысьбӧны ӧта-мӧд бӧрсяыс челядь моз. Сӧмын асныра Кӧч оз тыдав на пӧвстын.

«Кута тай котравны да ворсны, еджыд пасьӧй нййтчас!» — мӧвпалӧ Кӧч.

Кӧнсюрӧ мыччысисны нин лым улысь лудьяс, муяс. Лун и вой эз узны шорьяс, уналысь пальӧдісны унсӧ, гажӧдісны дыр кад чӧж вугралысь пармасӧ.

Кор став лымйыс сылі, зверьяслы да пӧткаяслы овны лои ещӧ на кокныдджык да гажаджык. Ӧні найӧ оз кынмыны и оз

тшыгъявны. Кодсюрö зверьяс пиысь паськөмгьяссö нин вежисны. Еджыд көчьяс лоины рудось, важсьыс мичаось да сөстөмось.

Сөмын өтнас асныра Көч пыр на тривкъялө еджыд пасьөн, важ моз нимкодясьö, шешгъялө:

— Ме öнi му вылас өтнам татшөм мичаыс.

Кымынкö лун мысти аддзис сийөс Тулыс да мөдиc шензьяны:

— Мыйсяма тэ зверь? Ме тэ кодсьö некор на эг аддзыв!

— Эн төд? Ме тугья бөжа, кузь пельяса, табья кока Көч.

Асныра Көч бугжыля видзөдлiс Тулыс вылө, быгтьö көсийс дивитны сийөс.

— Ме ог көсийс ассьым мича да еджыд пасьөс вежны.

— Каитчыны кутан аснырасьөмсьыд. Бурөн висьтала: веж өдийдзык руд пась вылө.

— А вот и ог. Некод сийөс менсьым мырдьяны оз лысьт. Кызди көсья, сiдзи и ола, мый муса, сийö и новла. Эн велөд тэ менö, тугья бөжөс, Тулыс.

Мунiс Тулыс, весиг эз прöщайтчы Көчкөд.

Вежөдиcны корья пуяс. Лудьяс, видзьяс вевтгысисны турунөн, дзоридзьясөн. Колины вежонгьяс. Лунгьясыс лоины шоньдось, войясыс югьдось, кузьось. Тайö каднас сөмын гажөдчы да ов. Но асныра Көч лун и вой майшасьö-шогсьö: «Колөма кывзысьны төлка Тулысыдлысь. Öнi эськө верми зверьясысь да варышгьясысь дзебсясьны. Еджыд пасьнад ылөдз тыдала, быдөн аддзöны, кутны зильöны».

Көч лунгыр куйлө бадь кустьяс пиын. Войнас здук кежлө петалас сөйны, няклялыштас небыд турун и бөр дзебсяс бадь пөвстө.

Пондылiс вöййисьны руд көчьяс дорö, медым лэдзисны сийөс накөд өтлаын овны, сэки эськө эдзык вөв шуштөм, но көчьяс матö эз сибөдны.

— Кытчö нö ми босьтам тэнö татшөмсö? Еджыд пасьнад тэ верст ылнаөдз тыдалан. Тэ вöсна миянлысь оланiнгьяснымöс лөк зверьяс да варышгьяс пондасны аддзыны. Öтнад нин кызкө ов.

Та бөрын асныра Көч быдса лун майшасис. Омөльтчис, лыыс да кучикыс сөмын коли, син гурангыясыс вöйины, табъя кокъясыс пондiсны слабитны.

Асныра Көч дзикöдз пикö воис. Мөдöдчис корсьны Тулысöс. Дзебясигтыр корсис быдса лун, мөдöс, а Тулысöс некысь эз адзы.

Коймөд луннас кыпöдчис джуджыд кыр йылö да мөдiс горзыны:

— Тулыс! Көнi нö тэ?

— Мый нö горзан, кузь пель? Он öмöй тöд, мый пötкаяс, лэбачьяс быдтысьöны, повзьöдны найöс верман!

— Ме... ме... Тулысöс корся, сёрнитны сыкөд көсья,— нормис Көч.

— Сёрмин. Тулыс шойччыны нин мунис. Сы пыдди öнi ме — Гожём. Мый тэныд колö? Кутшөм мог суис?

Асныра Көч висьталiс Гожёмлы аслас ыджыд шог йылысь, кутшөм сьöкыда сылы овсьö еджыд пасьнас.

— Менам аснырасьöм вöсна ставыс тайö лои, дона Гожём. Эг кывзысь Тулыслысь. Ачым аслым шог вöчи.

Кöчыд Гожёмлы жаль лои. Вурис сылы руд пась ас сертиыс да мыгчис.

— На, новлы да эн майшась. Мөдысь сэсся некор нин эн аснырась!

Кöч улöдз копыртчылис Гожёмлы, окыштити сылысь шоньд плешö да котöртис аслас чой-вок дорö.

Тривкьялö Көч да нимкодьясьö аслас выль пасьөн.

Öти кывйö эз воны

Джуджыд мыр вылын пукалис кань кодь юра, гöгрöс сингыся, небыд гöна сюзь да вөрöдiс пельяссö. Талун сийö торья скөр вöли. Войбыд кыйсис, кытшлалiс став тöдсаингыяссö, но ни öти шырöс ни лэбачöс кутны эз вермы.

— Гу-гу... Гу-гу...— вом тырнас равзё ыджыд сингыаса, сувтса пеля сюзь.

Коть луннас сингыасыс сылөн омөля аддзёны, а сөдз енэжыс аддзис югыд шондйёс да пыр и заводитис кевмысыны енэжод кытшлалысылы.

— Шондйёй-мамёй, доналём чужёмёй, өдийджык сывды лымсё. Кутшём кокни лоё эськё меным кыйсыны, кор мыччы-сясны видзьяс, лудьяс. Ни өти шыр либё съодбёж сэк оз дзесывны эськё меысь. Төвся лунгьяснад кымынысь ковмылис пыкны тшыгсё.

— Гу-гу... Гу-гу... Он өмёй кыв, шондйёй-мамёй, менсым норасьомсё?

Шондйё руныё-мунё аслас туйёд, быттьё оз и казаяв сюзьёс.

Вөрса олысылысь кевмысьомсё кылисны матигөгöрын тривкьялысь кочьяс. Найё, дерт, эз лысьтны матыстчыны лэчыд гыжьяса сюзь динё. Төдöны, мый сийё вермас вöчны, и ылысянь мөдисны горзыны:

— Шондйёй-мусаёй! Эн кывзысь тэ тайё төлктём лэбачылысь. Сывдан кё регыдя кадөн лымсё, кызди ми кутам дзесысыны зверьясысь еджыд паськөмнаным?

Тайё каднас буретш татй лэбöны вöли сёлa гозья. Найё кылисны кузь пельяелысь горзёмсё да мөдисны опкыны найёс:

— Кочьясöй, тугья бөжьясöй, табья кокьясöй, ми тиян дор. Шондыс лымсё крута кё сывдас, миянлы дзик мат лоё. Öни ми вой кежас репам джуджыд лым пытшкё да быттьё шебрас улын узям, шоньд и небыд. Эн кывзы тэ, шондйёй, выжыв сюзьылысь. Кочьяслысь кывзысь да дыр на эн сывды лымсё.

Пуксис пу вылө гөрд синкымгыаса, смоль съод гөна тар, öвтыштис мича бөжнас, мөдис кывзыны, мый йылысь варовитöны кочьяс да сёлаяс.

— Тэ кызди мөвпалан, тар? Кад абу на шондыслы лымсё сывдыны?— юалис сылысь энъ сёлa.

— Ми, тар котыр, тиян моз лым пын узылам да шойччам.

Жаль, дерт, татшом оланін воштыны. Но ми эськө лоим зэв радось, өдйөджык кө сылі лымйыс.

— Мыйла?— өтпырйөмоз горөдісны көчьяс.

— Воис тарьяслы койтан кад, гажа тувсов праздник. Миянлы лөсьыдджык гажөдчыны лым улысь петөм лудьяс да эрдьяс вылын.

Ён нырнас пөрысь пуө дыр клёнөдіс гөрд чышьяна сизь, быттьо кузнечаын уджалө.

— Сизь-чойой, нолтө вочавидз, бурджык абу, кор муяс вевттьысьөмаось лымйөн?— юалис сылысь тар.

— Меным таысь пөсь ни көдзыд. Мед сөмын сись пуыс унджык вөлі да кынөмой пыр вөлі пөт.

Зыксысьяс дорө матыстчис ичөтик ласича, вөрса зверьяс пиысь меда ичөт олысь. Сийө сыналыштис гыжьяснас еджыд пасьсө да тэрыба мөдіс висьтавны:

— Вот йөйясыд! Кодсюрө тиян пиысь абу рад гажа тулысыслы? Ме кымынысь нин кайлі мыр вылө да сылы-шутьялялі тулыс матыстчөм йылысь!

Сюзь кыліс ласичалысь гөлөссө да бара мөдіс горзыны шонділы, коді буретш вөлі сы весьтын:

— Кылан, шондйөй-мамөй! Некодлы эн эскы. Менсьым, тарлысь да ласичалысь сөмын кывзысь да өдйөджык пармаясысь, видзьяс вылысь нюлышт став лымсө. Гу-гу... Гу-гу... Кылан?

Скөрмис шонді, чужөмыс лои ещө на донджык.

— Эн велөдөй менө! Ачым төда, кор да мый колө вөчны. Кымын миллион во нин кытшлала енэжөдыс, а некод на менө эз велөдлы. Быдторлы аслас кад.

Та бөрын тшөкмунісны-ланьтісны зычитысьяс. Сідзи өти кывйө эз и воны.

Мудерлуные тырмө

Йөра пөттөдзыс сөйис, көсйө нин вөлі водыштлыны көз пу улө шойччыштны, но эз удит. Сы дорө котөрөн локтис көч. Лолыс тырө-ма, повзбөмысла сингыасыс шармөмаөсь, вот-вот ортсө чеччыштасны.

— Мезды, бур сьөлөма йөра, — муртса оз бөрд көч. — Ручөн матө вои, быд лун вөтлысьө ме бөрся. Öнi муртса эз кут, лов тыртөд пышйи.

— Ошлы колө норасыны, дзик пыр сийө чирьштас мудер ручтө.

— Михайлө Иванөвич вежон сайын нин гуө водөма. Тулысөдз некодпы абу тшөктөма чуксавны. Тэ öнi медея ыджыд судьяыс. Тэысь ён зверыс миян парма-ягыасын некод абу.

Пуяс сайысь тыдовтчис и ачыс руч, небыд бөжсө кыскө лым вывти. Көчөс аддзөм бөрын сингыасыс мөдiсны дзирдавны. Көч лэдзис пельяссө, топөдчис йөра кок бердө, ачыс тiралө, оз төд, мый вөчны. А руч матыстчө и матыстчө.

— Сулав сэн. Татчө он лысьт локны! — зымнитис ён кокнас вөрса багатыр. Руч улөдз копыртлiс юрсө, нюлыштис вом дорсө, кымыныськө өвтыштис небыд бөжнас.

— Йөра бать, вөрса дона олысь! Ме вылө өмөй скөрмин? — мудералис руч. — Тэныд ме некутшөм лектор на эг вөчлы.

— Вөчан эськө, да он вермы. Тэ сөмын ассьыд слабджыккьясөс куталан да сөян. Мудерлуныд, майбыр, тырмө.

— Татшөма он жө омөльт менө. Ме тэнө, йөрук, быдлаын ошка, сыысь шань зверыс, мися, свет вылас абу.

— А көчсө мыйла кедзовтан? Со кутшөма повзбөма коньөр.

— Удитөма нин норасыны! Ме сөмын панласьны ськөд көсйи, а сийө, йөйыд, повзис меысь, пондiс пышйыны. Көчыд весьшөрө норасьө.

Көч ещө на ёнджыка топөдчис йөра кок бердө, дыр немтор шуны эз вермы, сэссия тай петис жө кывйис.

— Бөжыд и кывйыд тэнад небыд, а пиньясыд лэчыдось. Весь-калан кө тэнад пиньяс улө, гортад он во.

— Йөрүк, муса друг, эн кывзы тэ кузь пельлысь сөрөмсө. Ме абу көин кодь лёк.

— Нинөмөн сыысь он торъяв, пасыд көть руд рөзбойникысь мичаджык, а пакөститчад өткодя,— өлөдіс сійөс йөра.

Сійө здукө кыз пу вылө кысянькө лэбзис көнтар, адзис йөраөс, көчөс да ручөс и тэрыба мөдіс котсыны руч вылө:

— Яндысьтөм син, пиньястө эськө тэнсыд нетшкыны, а гыжь-ястө шырны.

— Кодөс нө тэ видан, пөткай-чоййи?— юалис тарлысь йөра.

— Вида ме ручөс. Төрыт рыт ми, тар котыр, репим лым пытшкө: узыныс сәні шоньдджык. Муртса югдыштіс, кыла, кодкө ветлөдлө лым вывтис. Ләпти юрөс лым улысь, и сьөлөмөй дрөгнитіс: зэв матын руч исасьө, шойччысь тарьяс пиысь кодөскө көсийө кутны. Ме удиті горөдны чой-воклы, медым өдйөджык лэбзясны.

— Пөръялан!— горөдіс руч.

— Кутіс пөрысь тарөс, коді эз удит чепөсйыны лым пытш-сьыс. Судитны колө мудер ручөс пакөститчөмсьыс да вөтлыны миян пармаысь!— тэрыба норасис тар.

— Вөтлыны, вөтлыны! Да кызд позьө ылөджык!— табья кокъ-яснас кучкаліс лым вылө еджыд пася көч.

Повзис мудер руч: вывті нин скөра мөдіс видзөдны сы вылө йөра. Пондіс кевмысьны. Мудерлуныс өд сылөн тырмө, некод-лысь удждыны ни ньөбны оз ков.

— Йөрүк, лэдз меным кыв висьтаваны.

— Дорйысьны көсьян, ваысь косөн петны?— нерыштіс сійөс пу вылын пукалысь тар.

— Сета кыв: некор сәсся тарьясөс ни көчьясөс ог кут кутавны.

— Тэныд, мудерлы, позьө өмөй эскыны?— вомалис сійөс көч. Медбөрын йөра висьталіс ассьыс чорыд кыв:

— Төда, тэнад мөд пөлөс гөн оз пет, но кывла кө, мый важ

моз օтдортан да повзѳдлан ас дорсыд слабджык зверьясօс да пօткаясօс, сюр йылօ лօпта.

Օдйօ усьйис тайօ местасыс руч, чеччалօ мый вынсьыс, полօ видзօдлыны мышкас.

— Ог мօд ме овны татчօс пармаас, мօдлаօ пышья. Сэни менօ некод оз тօд, бара позьօ номсасыны тар да кօч яйօн. Найօ шыр дорсыд чօскыдджыкօсь.

И мудер руч котօртис пыр водзօ, пушкыра бօжнас чышкис ассьыс кок туйсօ.

Коркօ паныдасяд кօ Патрикеевнакօд тօдтօминын, дерт, кутас ошкыны асьсօ, меьсь бур сьօлօма зверыс пօ абу.

Энօ эскօй сылы.

Ош да сан

Пօрысь ош бура лօсьօдчис тօв кежлօ: кык джуджыд пօрօм пу бокօ кодйис аслыс патера. Вольсалис сийօс кос нитшкօн, кодօс арօдзыс на дасьтис да пыртліс гуас.

И со воис сийօ кадыс, кор ывлаын тшօкыда кутис омлявны лэчыд тօв, а корсюрօ и сапкис-усис лым.

— Кад нин водны гуօ. Тулысօдз бара кута жмутвидзны шоньдйнын.

Ош օтиторйысь поліс, медым эськօ сылысь оланінсօ некод эз адзы, торья нин вօралысь войтыр.

Век жօ кодкօ казялօма сылысь сьօкыд уджсօ. Ош эз на удит дзебсьыны гуօ, кызди сы дорօ тривликтис-локтис няйт да кузь гօна сан, мօд ногօн кօ, латшօг, кызди нимтօны сийօс миян сикт-са օткымын вօралысьяс.

Ош ёна скօрмис, кор казяліс, кутшօм сюся видзօдօ сы вылօ сан.

— Мый нօ повзин, Мишօ дядь?

— Мый тэныд татысь колօ?— воча юалис ош.— Усьйысь, кытысь локтін.

— Ми өд тэкөд өткөдө пасяёсь. Ме коть ёна ичөтджык тэ дорысь, а өта-мөд вылө мыйкө мында мунам.

Ош эз виччысь, мый сылысь төвсә патерасө кодкө кутас төдны, чорыда горөдіс сан вылө.

— Мун, мися, татысь, а то...

— Мишө дядь, тэ со лөсьөдчан гуө пырны, а кызди нө ме кута овны төвнас: ковмас тшыгыявны, кынмыны, а колөкө, и кувны. Верман кө, мезды, аслад гуө лэдз вокөс моз. Жалит, Мишө дядь.

Ош эз виччысь татшөм кывъяссө.

— Кызди нө ми өти гуын кутам овны тэкөд? Төдөмысь, тэнад пасын тырыс жуө пытш. Найө ме вылө каясны, узыны оз кутны лэдзны.— Сэсся ош ланьтыштліс здук кежлө и ещө на некымын кыв содтіс:— Ме гуө пыригкежлө чукөрті вель уна гос, небыд вольпась лөсьөді, а тэнад мый эм?

Сан муртса эз бөрдзы.

— Менам нинөм абу: ни гос, ни небыд вольпась. Тэ вылө вөлі став нядеяыс.

Ош петіс ывлаө, гөгөр видзөдліс, оз-ө кодкө лок, сэсся тап-нитіс ён лапанас санлы пельпом вылас да шуис:

— Лөгась коть эн, а ме тэнө аслам керкаө ог лэдз. Тасянь неылын эм меөн вөчлөм гу, көні куим во төвйи. Көсьян кө, сэтчө нуода тэнө. Ов, чурки-буди, абу жаль.

Санлы пыксыны абу ладыс. Ковмис кывзысыны ошлысь.

Мунісны видлыны ошлысь важ патерасө. Мишө дядь — водз-вылас, сан — сы бөрся.

— Вот тані и кутан колявны төвсө,— шыасис ош, кор воис-ны пөрөм пу бокө.

— А сёянсө кытысь босьта?— нормис сан.

— Та йылысь колі арсяныыс на мөвпыштлыны,— вомаліс сійөс ош.

— Кызкө-мыйкө. Тэ тай, Мишө дядь, быд төв гуын узян. Колө велөдчыны и меным, а то төвнас сэтшөм сьөкыд судзөдны сёянсө.

— Но-но, видлы коллявны кузь төвсө пемыд гуын. Сідзкө, бура овны-вывны тэныд.

Ош мунөм бөрын сан вель дыр броткис.

— Вот жмотыд, ас дінас эз өд лэдз, быттьө ме сійөс дзескөда. Кыкнад эськө кутшөм гажа и шоныд вөлі.

Сан водіс гу пельөсө да пыр и унмовсис.

Көть ывлаын көдзыд да тшөкыда овлөны турөбьяс, ош оз шогсы: госыс сылы тырмас тулысөдз.

Эз кокныда овсы санлы ош гуын. Сөйны немтор, тшыгйис-ла юрыс бергөдчө, кынөмыс гургө, вөлөга корө.

«И мыйла ме кывзыси ошлысь да воді төвйыны сылөн важ гуө? Вөрын кө ветлөдлі, дерт, татшөма эг тшыгьяв. Корсюрө көчөс либө сьөлаөс да тарөс позьө кыйны».

Эз на коль и вежон, кыдзи санлөн кутіс бырны выныс.

Оз тай быд зверь вермы ош моз коллявны войвывса көдзыд да кузь төвсө пемыд гуын.

Сан эновтіс ошлысь гусө. Мөдысь сэсся некор нин эз кут завидьтыны сылы, а кутіс ачыс ас вөснаыс төждысьны.

Пөрысь чукчи да горш Рөдьө

Зумыша шыалис паськыд парма. Джуджыд козьяс нөйтисны өта-мөднысө вожьяснас. Вына төв вель ёна бушуйтчис векны-дик вөрса ю пөлөн.

Куим лун сайын вөралысь Рөдьө окталіс ассыс лэч туйяс. Матө кыксө петля өшөдіс чукчияслы, тарьяслы, сьөлаяслы. Талун водз эновтіс ассыс вөралан керкасө, көсийс пемдытөдзыс кытшовтны лэч туйяссө.

Югдөм бөрын төлыс виччысьтөг лөнис, кодкө быттьө тупкис сылысь вомсө. Дугдісны нөйтны өта-мөдсө и дзор козьяс.

Рөдьөлы көть тыри нин нелямын арөс, восьлаліс тэрыба на.

Лаз пасьталёма, кias кутіс пицаль: кьпөдчас кө кутшөмкө пөтка, медым пыр и лыйны. Оз нин первой во вöрав Рөдьö, төдö, кьдзи да мый. Восьлаліс сійö шы ни төв, пельяссö чошкөдөмөн, синьяссö то өтилаө веськөдлас, то мөдлаө. Аддзö и кылö ылысь.

Өти лэчкө сьöла шедöма. Вöралысь перийс сійöс петляысь, суйис лаз пыткас да мөдөдчис водзö. Оз шогсы, оз майшась. Төдö: тавося арыс, кьдзи и мукөд воясö, бара козьналас сылы вель уна пөтка да зверь куяс. Медым некод оз мыжды, Рөдьö весиг сельпокөд договор вөчис. «Пөткаяссö аслым, а зверь куяссö позьö и сельпоö нуны»,— ас кежас мөвпаліс вöралысь. Понийс сылөн кыйсьысь, туланөс туялас и ошкысь оз повзьи.

«Тöлысь мысти Сობольöс позяс катөдны вөрö: урыс да туланыс таво уна».

Мукөд арьяснас, лэч туйсö кьтшовтігөн, Рөдьö вöралан керкаö кьйдөссö вайлывліс лаз тырыс. А талун со дзик өти сьöла на шедöма. «Но мокасьт, гөльмин өмөй, коми парма»,— дөзмис пицалья морт.

Неыджьд нюр бокин, кьтчö тöлыс пөрөдöма зэв ыджьд пожөм, лэчкө шедöма ыджьд чукчи. Пөтка вөлі ловья на, нетшкысис, көсийс мынтөдчыны.

«Лья, а то ордчыны вермас»,— чургөдіс пицальсö Рөдьö да кутіс метитчыны.

— Эн лый тэ менö, Родион. Лэдз вöля вылö, ме тэныд уна буртор вöча.

Вöралысьлөн кисьыс пицальыс уси, сулалö да лапйөдлö синьяссö. «Комын во кыйся-вийся вöрын, а первойысь аддза татшөм шензьөданторсö. Чукчи сёрнитö морт гөлөсөн, да и менсьым нимөс, трустыд, төдö. Гашкө, ставыс тайö кажитчис меным».

— Нолтö, ещö мыйкө висьтав,— пөткалань воськов-мөд вөчис вöралысь.

— Лэдз, мися, менö вöля вылö, аслам рөдвуж дорö. Неког ог вунөд тэнсьыд буртö. Кьдзи да мыйөн верма, пыр кута отсасыны.

«Висьтавны кө тайос сиктсаяслы да гортын, некод оз верит. Серам выв сөмын менө лэптасны», — вөралысь матыстчис лэчкө шедөм пөтка дорө. Сийө куйлис вужля бокин, сьөкыда пошиктис-лолалис. Тыдалө, дыр нин пессьөма, ёна мудзөма.

Чукчилөн морөс улас лөсталисны уна рөма гөнъяс, юрыс вөли дзор: төдөмысь, уна во нин олөма вөльнөй свет вылас.

— Лэдз, мортөй, менө. Эн мучит, — бара мөдис кевмысьны пөтка.

Рөдьöлы көть жаль вөли воштыны матө пуд джын яй, но век жө лэдзис лэчкө шедөмторсө.

— Виччысь, пөръялин кө, ловтө мөдысь босьта. Мемысь он пышйы.

— Эг пөръяв, эг. Мыйкө кө ковмас, лок татчө, куимысь шутөвт да горөд: «Чукчи-мукчи, пармаө мичлун вайысь! Тайө ме локти, Рөдьö. Лок татчө. Колана сёрни эм». Гөгөрвоин?

— Ставсө сюркняли пель гөгөр. Немтор ог вунөд. — Вөралысь ещө на мыйкө көсийс висьтавны, но чукчи воши сук пуяс костө.

Дыр на дивуйтчис Рөдьö вөтын моз аддзылөмторнас. Öти сьöлаөн и лэччис вөралан керкаас. Пуис кыйдөссө, дзен-дзен сөйис, кык кружка чай юис и сөмын сы бөрын водис нар вылө. Но унмовсьны дыр эз вермы. Син водзас унаысь волис пөрысь чукчи, кылис сылысь гөлөссө: «Эн лый менө, Родион, лэдз вөля вылө. Ме тэныд таысь уна буртор вөча».

Войнас чорыда зэрмис. Эз коб и югдөм бөрас.

Рөдьöлөн важиник вөралан керкаыс, кодөс кызь во сайын на вөчлөма пөлыс, уналаті мөдис виявны, некытчө лои саймовтчыны зэрьсы.

«Дзик тай ме йөй. Мыйла нө чукчились эг кор выль вөралан керка, югыдөс, шоньдөс, кыпыдөс», — видис асьсө вөралысь.

Коймөд луннас, кор эз нин зэр, Рөдьö пасьталис лазсө, босьтис киас пицаль и мөдөдчис нюр дорын куйлысь вужля динө, кытчө вөли шедөма сёрнитысь чукчи. Локтис пөрөм пожөм дорө, куимысь шутөвтис, кыдзи велөдис чукчи, и горөдис: «Чукчи-мукчи,

пармао мичлун вайысь! Тайо ме локті, Рөдьо. Лок татчө, колана сёрни эм».

Пармаса олысьос вөралысьлы эз ков дыр виччысьны, жбырк-нитіс-локтіс ён бордьяснас, пуксис пөрөм пожөм вылө, улөдз копыртчыліс, сәсся юалис:

— Кутшөм мог суис тәнө ме дорөдз, пищала морт?

Рөдьо висьталис, мый вөралан керкаыс киссян выйын, көдзыд. Зэрө кө, виялө. Корис чукчиос отсавны ләптыны виль керка.

— Эн шогсы, пищала морт. Талун тә кутан узыны виль керкаын.

— Аттьө, сідзкө, он кө быттьө пөръяв.

Рөдьо локтіс рыгнас вөр керка дорө, и аслас синъяслы оз эскы. Сулалө сәні дзик виль керка, куим өшина, мича посводза. Вөралысь пырис пытшкас да ещө ёнджыка чуймис: краситөм джодж вылын сулалө көрт крөвать, сы вылын гөн вольпась, небыд эшкын, пызан вылас джуджыд кока лампа. Кор Рөдьо өзтіс сійос, вөралан керкаө быттьө шонді пырис, сәтшөм лои югыд.

«Ай да пөрысь чукчи, парма гажөдысь. Со кутшөм буртор меным вөчис», — ошкис пөткаос сійө.

Чөскыда узис тайо войсө Рөдьо. Петалис песла, пыраліс пөльө киясөн стрөитөм вөр керкаас. Ок, кутшөм гажтөм сәні! Пескыс кольөма зэв нин этша. Ләч туйяс кытшовтөм бөрын ковмас водзджык бергөдчыны да вөчны. «А мый, пөрысь чукчиос кө корны отсавны», — воис юрас мөвп.

Дыр мысти воис төдса вужля дорө, пишальсө пуктіс пөрөм пожөм бокө да куимысь шутөвтіс, сәсся кызд позьө ясыда горөдіс:

— Чукчи-мукчи, пармао мичлун вайысь! Тайо ме локті, Рөдьо. Лок татчө, колана сёрни эм.

Эз коль и минут, кызди пөрысь чукчи вөлі нин пөрөм пожөм вылын.

— Кутшөм мог суис, пищала морт? Гашкө, сьөлөм вылад эз во виль керкаыд?

— Мый тә, донукөй, мича морөсөй. Сө аттьө висьтала. Сөмын ме мөд могөн локті.

— Висьтав. Кывза.

— Пескөй быран выйын. Пармасо кытшовтөм бөрын ёна мудза да керасьныс ог вермы.

— Эн шогсы, пицала морт. Мый корин — лоо вөчөма.

Та бөрын чукчи өдийо лэбзис сук вөрө. Коркө-некоркө Рөдьо воис вөралан керка дорас. Сэни сулаліс выль лэбув, а пытшкас поткөдлөм кос пес. Кык во кезлө тырмас. Нимкодь лои вөралысьлы, сьывны весиг заводитіс.

Нельөд луннас Рөдьолы дум вылас уси пөсь пывсян. Ок, кутшөм чөскыда эськө өни пывсис, веськөдіс став мудзсө. Гажыс бырөма и картофельсы. Вайліс эськө гортсыс, да вежон сайын быри. А картофельыд ёна лөсялө пөтка шыдад.

Лэч туйсө кытшовтөм бөрын, кор воис төдса вужля дорө, Рөдьолы бара дум вылас уси пөсь пывсян да жаритөм картофель.

Кыдзи и пыр, бара корис ас дінас сёрнитны кужысь чукчиос.

— Төдөмысь, бара мог суис, пицала морт?

— Төдін, батюшко, төдін. Зэв окота пывсьыны, а некөн, — висьталіс Рөдьо.

— Пывсяныд талун и лоо дась, — копыртліс юрсө вөрса ён пөтка.

— Ещө отитор көсья корны, чукчи-мукчи. Вөралан керка дорын эм неыджыд эрд. Отсалін кө эськө гөрны сійөс. Сэтчө тулыснас ме эськө картофель пукті. Гортсянь зэв ылын катлыныс, а сэки орчча лоо. Ёти яй вылад тай дөзман, колө и картофель.

— Медым тэ ног лоас, пицала морт, — сөмын и шуыштіс чукчи.

Кор Рөдьо матыстчис вөралан керка дорас, ылысянь на адзис выльөн лэптөм пывсян. Сэсянь неылын, көні вөлі эжмөм эрд, өни лоөма му. Дас ведра картофель тулыснас позяс пуктыны.

Эз терпитесь вөралысьлы: окота лои пыравны да видзөдлыны пывсянсө. Восьтіс өдзөссө, и сэсянь шоньыд ру өвтыштіс. Гор вылас пөртійын пөсь ва, көть дзик өни пывсьы. И көдзыд ваыс тырмымөн. «Ай да дона чукчи, шөвк морөс. Бур, мый ме тэнө сэки эг ви. Со кымын буртор вөчин».

Час мысти Рөдьö швачкөдчис, ружтіс пывсянын. Ниа пу вожъ-
ясысь вөчөм корөсьөн сэтшөм зіля шенасис, мый вежыд петас.
Лунтыръя мудзсö и пөсьсö — ставсö колис пывсянö. Чөскыда и
узис тайö кузь арся войсö Рөдьö.

«Висьтавыны кө гөтырлы, кутшөм ёна отсасьö меным пöрысь
чукчи, Öкулина оз эскы, кутас шуасыны, вöрад олігөн пö вежö-
рыд торксöма».

Колины лунгяс. Арся поводьяыс пыр тшөкыдджыка петкөдліс
асьсö: то некымын час шлявгас-зэрас, то кыпөдчас вынйöра төв.

Татшөм поводьянад и вöралан керкасыд петны дыш. Талун
со поводьяыс бара лөкмöма, скөр айка моз кратайтчö. Рөдьö
пукалö öшинь дорас да оз төд, код вылө лөксö песны. И сэки
юрас воис зэв бур мөвп: «А мый, ветлыны кө чукчи дорö да
тшөктыны, медым матігөгöрса вөръясысь став пөткасö и зверсö
ыстіс менам вöралан керка дорö. Ме эськө пукалі восьса öшинь
дорын да шковги-лыйлі найöс. Кокöй оз мудз, и став вöрса олысь-
ыс лоас менам».

Мыйөн кобыштіс, тайö думьяснас Рөдьö мөдөдчис төдса вужля
дорö, медым висьтавыны асьыыс көсьöмсö чукчи-мукчиы, парма
гажөдысьлы.

Пöрысь чукчи кывзіс вöралысьлысь корөмсö. Сингясыс во-
часөн лоины скөрөсь.

— Родион, сідзкө, көсьян, медым тані олысь зверь-пөткаыс
вичмис сöмын тэныд, өтнадлы.

— Да, батюшко, да. Отсав, уджөн ог коль.

Та бöрын öти кыв эз шу лэчкө шедлөм чукчи, öвтыштіс ён
бордьяснас да пондіс лэбавны парма весьті.

Рөдьö кынмыгөдзыс сулаліс вужля дорын, но чукчи эз и ма-
тыстчыв сы дорö. Шутьялөм ни горзөм эз отсав.

Кор пищала морт локтіс вöралан керкаас, чуймис: сэні нинөм
эз вөв. Выль керкаыс, кос пес тыра лэбулыс, пывсяныс, карту-
пель пуктыны лөсьөдөм муыс — ставыс кытчөкө вошöма, быттö
абу и вөлöма.

Рөдбө пырис важ вөралан керкаас да унаысь ёртчыштіс.

Тайё лоомтор бөрас вөралысь лун куим на кытшлаліс парматі, но ни өти пөткаөс ни зверөс эз аддзыв. Тыдалө, пөрысь чукчи, парма гажөдысь, нуөдөма став зверь-пөткасө мөдлаө, ылі вөрьясө.

Гортас мунигөн горш Рөдбөлы дум вылас уси Пушкинлөн зарни чери йылысь мойдыс, кодөс лыддьывліс школаын велөдчигөн на.

«Менам горшлун вөсна сідзи жө артмис. Пөрысь чукчиыд велөдіс менө дорын узылыны. Көсийи пармасыс бырөдны став зверь-пөткасө, а потөм вор дорө коли. Со тыртөм нопйөн гортө варгыльта-лэчча».

Эн ошйысь весьшөрө

Кызкө өти төвся лунө чукөртчисны көингяс, тшыгөсь, скөрөсь. Медся пөрысь көин, кодлөн вомас вөлі сөмын кык пинь, кутіс норасыны:

— Сиктгяс дорө колө матөджык сибөдчыны, кыйөдны поньясөс. Найө өні ёна рөдмисны, кутав сөмын да номсась. И ёна котравны оз ков.

— Пон яйыд — омөль яй. Колө йөраөс кутны: сылөн лёка чөскыд госыс, — пөрысь көинлы паныда кыв шуис сувтса синма көин, кодөс зверьяс нимтісны баквалөн, ышнясысьён.

— Йөра яйыд, дерт, чөскыд, но кызди сійөс судзөдны, кодлөн тырмас вын-эбөсыс кутны сійөс, — вочавидзис пөрысь көин. — Вөлі кад — кужлім и тайө кузь кока зверсө кутны, а мый өні тіянысь.

— Эн сёрнит таdzi, көинушко. Көсьян кө, ме аски йөра гозьяөс джагөда, кык лун чөж номсөдла тіянөс айбарчөн. Ньюссыны кутада да меным копрасыны. Көн олөны йөра гозьяыс, ме төда. Асывнас пета кыйсыны, а рытнас пируйтны нин кутада да меным аттё висьтавыны.

Кöингъяс пиысь кодсюрö кутісны нюмрöдлыны вомнысö, лап-йöдлыны сингъяссö, эз эскыны ышнясысь кöинлы. Куим кока кöин-инвалид, коді неважөн веськавлöма вöралысьлөн капканö и унджык кадсö вöлі тшыг, мыйлакö мöдіс кекöначасьны водз лапаяснас, а сэсся шуис:

— Зэв бур кыв висьталіс миян вокным. Мыйла сикгъяс дорö матыстчыны? Сэн öд ок мыйта вöралысь, здукөн вермасны бырöдны миянös. Ме ногөн, бурджык тані кыйсыны.

— Тэ али мый кутан кыйсыны куим кокнад?— скöра пичктіс кывгъяссö понöль дорын куйлысь кöин.

— Мыйла ме? Со тай миян вокным аски кöсйö кутны кык йöраös. Оз öмöй гöститöд и миянös?

— Ті мый, он эскöй меным? Аски пемыднас и пета кыйсыны. Оз коль кык-куим час, кызди йöра гозгья кутасны куйлыны менам кок улын.

— Öтнад кöть эн сёй став яйсö, миянös тшöтш кор пир вылад,— кöрталіс ассьыс кывсö пöрысь кöин.

Войбыд кöингъяс куйлісны öтчукөрөн лым вылын да гөлös быртöдзныс омлялісны. Унаөн тайö войнас вöталісны мича вöt: лупсуйтöны-сёйöны чöскыд яй, дундöмаös кынöмгьясыс, а найö сёйöны и сёйöны, вильдöны госа лыяс, быттö праздник воис.

Кор садмысны, баквал кöин эз нин вöv. Тöдöмысь, водз мунöма кыйсыны, йöра гозгьяös кутны, ассьыс чой-воксö гöститöдны.

А тайö здукас баквал кöин вöлі нин Дурака шорын, кыгтысь тöрыт адзгыліс йöраяслысь кок туйсö. Талун найö тані жö узьмаös, ас бöрсяыс кок туйгъяссö кольöмаös, кор эновтöмаös узян местанысö.

Кöин радысла весиг чеччыштліс и тэрыба мöдіс вötчыны йöраяс бöрся, кодгъяс дзык на öні мунöмаös.

Час вötчö, мöдöд час вötчö, а кузь кокгъясös некыз суöдны оз вермы. Мудзис нин, кывсö вель тшöкыда нюжöдлывліс, а вöрса звергьяс век на эз тыдавын.

Рыггьявылыс сöмын суöдіс найös. Сулалöны посныдык по-

жомъяс пытшкын, сёйоны пуыслысь небыдик вожъяссө. Кёин лэптыштліс кокъяссө, жергөдіс пиньяссө и пыр жё уськөдчис йёраяс вылө.

Вөтөданторъяс казялісны врагөс, өдйө чеччыштисны водзлань и мөдісны тэрыба-тэрыба пышйыны.

Вөтчө на бөрся кёин, кыв өд сетіс, мый кутас йёра гозъяөс, гөститөдас ассьыс став рөдвужсө.

Кёин пөсяліс, кокъясыс мудзисны, а пышйысьясөс суөдны некыдз оз вермы. Мөдіс пемдыны, а сетөм кыв пыр на эз вермы пөртны олөмө.

Рыгъявылыс сөмын йёраяс мудзисны. Сувтісны ыджыд коз пу дорө, мөдісны нювны-пыльөдны өта-мөдсө. Кёинлы тайө и вөлі колө: лов шысө тупкөмөн матыстчис энъ йёра дорө, көсийс нин ордны сылысь кок сөнсө, но ачыс эз төдлы, кызди синъясыс пемдісны.

Вөлөмкө, казялөма рөзбойникөс ай йёра да бөрсә ён кокнас зятнитөма кёинлы юрас.

Нювсисны, радлісны йёраяс. Насянь неылын туплясис жер пиньяса кёин, коді дзик на неважөн көсийс бырөдны тайө мича зверьяссө, парма гажөдысьяссө.

Нимлун

Быдторйыс тай овлө вольной свет вылад. Матө вит во оліс пемыд пармаын вөркань. И друг дум вылас воис мөвп: нель лун мысти чукөртлыны матігөгөрсә став зверьяссө пасйыны ассьыс нимлун. Вөркань, дерт, эз төд, кор сійө чужлөма, коді бать-мамыс, но кызд шуис, сідзи и вөчас.

Чукөстіс ассьыс гөтырсө, кодкөд матө куим во нин өтлаын олөны да кыйсьөны, сетіс сылы индөдъяс.

— Öні и кытшовт матігөгөрсә вөрьяссө да висьтав сәні олысь став зверьяслы: нель лун мысти кора найөс аслам нимлун вылө.

— Пёткаяслы тшөтш висьтавыны?

— Оз ков. Найö сөмын норасыны кутасны. Зверь котырлы сөмын висьтав. Чукөртчам дас час асылын Мольыд мыльк дорын, көні тай сулалө овтөм важ керка.

— Ошкөс тшөтш корны?

— Кыдзи нө. Он кө кор, лөгасяс Михайлө Иванөвичыд. Вөтлас миянөс татысь. Көинөс кор, туланөс, көчөс, урөс, ручөс и санөс. Сөмын висьтав, мед саные шыльодас гөнсө, а то ветлө шыш кодь.

Вөрканьлөн гөтырыс регыд и мөдөдчис чукөртны гөстьясөс. Восьлалө вөрса ордым кузя, быд сө воськов мунөм бөрын горзө:

— Эй, зверьяс, татчөс олысьяс, нель лун мысти менам верөслөн нимлун, ставнытө кора гөститны. Локтөй дас час кежлө Мольыд мыльк дорө, көні тай сулалө овтөм важ керка. Гөстинечьяс эн вунөдөй вайны. Коді унджык ваяс, найөс ёнджыка и гөститөдам.

Нель луныд абу нель во. Öдйө и коли кадыс. Вөркань гозья ведра тыр чөдйысь пуисны кода сур, жаритисны йөра яй, кутисны виччысьны гөстьясөс.

Урчитөм кад кежлө вөрканьлысь нимлун пасйыны кутисны чукөртчыны матигөгөрса став зверьяс. Медводз локтис руч. Сийө улөдз копыртчыліс Енмөн чужтөм ловлы да унаысь өвтыштіс небыд бөжнас.

— Кузь нэм да бур шуд, дона канюкөй!

— Аттьө тэныд, Патрикеевна.

Сэсся локтисны ош, көин, сан, тулан да ур. Нимлун пасйысьяс вайисны быд сикас гөстинечсө, вөрканьлы быдөн сиисны дзоньвидзалун да пөт кынөм.

Вөрканьлөн гөтырыс корис гөстьясөс пукеявны кузь пызан сайө. Пуктіс сэтчө ведра тыр кода сур, уль да жаритөм яй. Көш тыр сур первойөн юис Топтыгин, сэсся босьтчис яй бердө. Ош вылө видзөдөмөн, паньяс-вилкияс босьтисны и мукөд гөстьяс. Сөмын ур өтнас пукаліс бөжсө сюркнялөмөн да эз инмөдчыв яй бердө, но сурсө юыштіс, мукөд зверьясысь эз кольччы. Шваньяліс и көч: яйыд сылы веськодь: пызан вылын вөлі кө капуста,

морков либõ пипу вожъяс, чõсмасьштис эськõ. Асывсянь õд во-
мас немтор эз босьтлы.

Кодзисны гõстъяс. Ош пондис съывны, кõин петис йõктыны,
тулан да ур кутчысьлисны, сан мõдис оковны ручõс.

Вõркань гозъя видзõдõны гажõдчысь гõстъяс вылõ да радысла
нюмъялõны.

Юисны мõд пõв. Гõстъяслõн гõлõсьясыс пыр гораммисны.
Сан да кõин зыкõ воисны, дасьõс косявлыны õта-мõднысõ.

— Дугдõй, лёк зверьяс. Тõдм кõ татшõмтор, эг эськõ и корõй
тiянõс верõслысь нимлунсõ пасйыны, — кевмысис вõрканьлõн гõ-
тырыс.

— Но тi, жер пиньяс, он кõ дугдõй зычитны, кыкнанныгõ
õшинь пырыс шыбита, — мурõстис Топтыгин да чорыда кучкис
лапанас пызанõ.

Повзисны кõин да сан, дзик пыр и дугдисны зычитны. Кõч сõй-
тõгыд медся ёна кодзис, кутис норасыны аслас олõм вылõ. Сэтшõ-
ма нормис, кузь пельясыс мõдисны тiравны, муртса синваыс оз пет.

— Õтдортõны миянõс зверьяс, быдõн зильõны чõсмасьны кõч
ййõн, — мõдис шуасыны руд пася кõч.

— Гашкõ, ме тшõтш õтдорта тiянõс? — мисьтõма видзõдлис
кõчлы синъясас ош.

— Тэ, Михайлõ Иванõвич, миянõс он õбõдит. Таысь ми тэныд
аттõ висьталам, кок улõдзыд копыргчылам. Но танi со эмõс
наян зверьяс: руч, кõин, сан, но и вõрканьяс, кодъясысь миянлы
лоõ повны лун и вой. Веськалан кõ найõ гыж улõ, сiдзи и тõд —
олõмыдкõд лоõ прõщайтчыны.

Кõч вылõ скõрмис руч, мõдис видны сйõс:

— Мый тэ норасян ме вылõ, табъя кок, аслам нэмõн õти
кõчõс на эг кут ни сõй!

— И миян вылõ весьшõрõ шуасян. Асьтõ ещõ гõститны ко-
рим, яндысьтõм син, — кыпõдис гõлõссõ именниклõн гõтырыс. —
Ми вермам став гõстъяслы сетны кыв, мый талунсянь на пиысь
некодõс ог вõрõдõй ни õтдортõй.

— И ми ог кутöй öтдортны көчьясöс,— горзисны көин да сан.— Коддзöма да прöста сөрö мян вылö. Бурджык лоö, гортас кө мунас да пальöдчас. Ми гажöдчыны татчö чукöртчим, а эг зычитны.

Но гажöдчöм эз нин артмы. Гöстьяс öткөн-öткөн энöвтисны вöрканыльсь оланінсö, мöдисны разöдчыны гортаныс.

Медводз мунис ур, сэсся көч. Ывлаö петöм бöрын кузь пель ещö на ёна коддзис, вöр пасьятыс горзыны мöдис:

— Талунсянь мянöс некутшöм зверь оз кут öтдортны. Кыв сетисны. Лöсьыд и олöм лоö: некодысь оз ков повны.

Кöчлысь горзöмсö кылис ур, кодкöд öтлаын гöститисны вöркань ордын, да мöдис кевмысьны:

— Кöчильöй-чойильöй, эн горзы. Öдйöджык мун гортад да вод. Казяласны кө тэнö зверьясыд, сэки и гортöдзыд он во.

Кöч водис кодзувкоткар бокö да бара мöдис горзыны:

— Некод менö оз лысьт вöрöдны. Кыв сетисны зверьяс.

Мыйкö ещö на көсийс шуны, но эз удит. Буретш сэки кодзувкоткар дорö гусьöникөн локтис көин, көсийс сатшыкысьны көчлы лэчыд пиньяснас, кос шөрöдыс топöдны вомас да дзёбсьыны пуяс сайö. Но эз удит. Руд рözбойникöс адзис вöралысь да шковöбтисльийс. Көин пыр и уси.

Ур дыр на дивуйтчис, жалитис көчöс, кодлөн муртса эз помась олöмыс. Видис көинöс, кодi эз нин вöv ловья. Ошкис вöралысьсöс.

Кöч лыйöмсьыс сэтшöма повзис, весиг оз помнит, кызди воис гортас.

Кодi лоас чемпионöн?

Оз тай весьшөрö овсыс ошлы, пыр думайтö, кызди гажöдны вöрын олысь зверьясöс, пöткаясöс, лэбачьясöс. Гашкö, кык час пукалис пöрöм конда вылын да мövпалис, мый эськö сэтшöмторёвöчны.

Нем виччысьтөг ошыянь зэв матын чеччыштіс көч, аддзис вөрса көзяинös да повзьöмысла муртса садьыс эз быр.

— А тэ, кузь пель, пелька чеччалан,— ошкыштіс сійös Михайлö Иванöвич.

— Чеччавны кужа, кокъяс вылö ог элясь. Быд понйысь верма пышйыны,— сайкальштіс руд көч.

— Но менам парма-ягъясын эмöсь и тэысь пелькджык зверьяс.

— Ог тöд, Михайлö-батюшко. Эг аддзыв сэтшöм зверьяссö, медым меысь ылöджык вермисны чеччыштны.

Ош ёсь гыжъяснас гыжйыштіс баялбöжсö, недыр чöv оліс, сэся вöлисти торкис пуксьылöм чövлунсö.

— Вот мый, көсöй... Висьтав став зверь-пöткаыслы, медым аски öбед кежлö чукöртчасны Човью бокö, көні тай куим пожöм быдмöны. Тöдан сійö местасö?

— Тöда, батюшко, тöда... Кольöм во сэні ме муртса көин вомö эг веськав. Тэрыб кокъясöй отсаліслы.

— Нинöм абусö эн большы, кывзы да кузь пельяс гөгöрыд сюркняв менсьым быд кыв.

— Сюркняла, батюшко, сюркняла.

Вөрса көзяин чукыльтіс воддза веськыд лапасыс öти чунь, корис көчös матöджык локны.

— Аски кутам нуöдны ордысьöмъяс. Кутшöм зверь медся ылöдз чеччыштас, сійö и лоö чемпионön. Гөгöрвоин?

— Кыдзи нö, дерт, гөгöрвои. Ещö кутшöм индöдьяс лоасны, пармаса көзяин?

— Лэбачьясös, кодьяслөн медся мича да гора гөлöсьясныс, тшöтш кор.

— Найö öд оз кужны чеччавныс, мешайтчыны сöмын кутасны. Ош кабыртліс кулаксö, скöра видзöдліс көч вылö.

— Лэбачьяс музыкантъяс пыдди лоасны. Пуксяласны пожöмъяс вылö да зверьяслөн быд чеччыштöм бöрын мöдасны сывны. Гөгöрвоин?

Кöч улöдз копыртліс юрсö, унаысь öвтыштіс тугья бöжнас.

Гажа и лун пуксис мөд асывсяньыс. Ош омөля эскис көчлы, дзугны пö вермас менсьым индөдьясөс, но кузь пель ставсö вöчöма сідз, кызди велөдіс Михайлö Иванöвич.

Кор сійö воис индөм местаас, Човью бокса эрд вылө вөлі чукөртчөмаөсь нин йöра, вöрса кань, көин, руч, сьөдбөж, сан, тулан, ур, ласича да мукөд пөлөс вöрса олысьяс.

Куим пожөм вылын, кодьяс кыпөдчөмаөсь туганөдзыс, пукалісны гырысь и посни лэбачьяс.

Көч котөртіс ошлы паньд, сувтіс бөр кокьяс вылас да вöрса көзяинлы сетіс честь:

— Тэнсьыд индөдьястө пөртөма олөмө!..

— Молодеч, кузь пель,— ошкыштіс сійö көчөс, сэсся гырысь воськовьясөн мөдөдчис гөстьяслы паньд, чолөмаліс найөс.

Эрд вылө чукөртчөм зверьяс сэтшөм гораа вочавидзисны ошлы, мый пожөм вылын пукалысь пыста повзьөмысла муртса эз усь муас.

Сьөдбөжөс ош индіс судьяөн, а ласичаөс гижысьөн. Чеччалөм водзвылын судья быд зверлысь мерайтіс тушабыслысь кузьтасө, а ласича пасьяліс лыднасьяссө сюмөд лист вылө.

Медводз чеччыштіс йöра. Зверьяс пөвстысь унаөн чуймисны, кутшөм пельк сійö, а пожөмьяс вылын пукалысь лэбачьяс дыр сьылісны йөралы мыла сьыланкыв.

Эз лёка чеччыштны и вөркань да көин. Судья юөртіс, мый кыкнанныс найö петкөдлісны бур вермөм и, гашкө, лоасны чемпионö кандидатьясөн.

И шыльыд эрдсө бара пызьөдісны зверьяс, лэбачьяс. Вөркань да көин радысла нюмьялісны, улөдз копрасисны ордйысьөмьяс вылө чукөртчөм зверьяслы, ошлы копыртчылісны куимысь да сэтшөм улөдз, мый көин зурасис плешнас мырйö, колөкө, ййө кайис.

Көч ас кежас мөвпалö: «Часлы, петкөдла ме тиянлы пуж, медся ылөдз чеччышта, өтнам чемпионөн лоа». Көч вель ылысьянь котөртіс веж турунөн вевттысьсөм эрд вывті, сэсся өддзөдчис

да чеччыштіс сы ылнаӧдз, мый кузь кока йӧралы весиг завидь лои.

Кӧч бӧрын старт вылӧ петісны ур да тулан. Первой чеччыштіс ӧтиыс, сӧсся мӧдыс. Зверьяс, кодыяс видзӧдісны ордйысьӧмьяс бӧрся, весиг налы эз мӧдны горзыны «ура». Муртса кывмӧн сьылыштісны и пожӧмьяс вылын пукалысь музыкантыяс.

Тулан да ур зӧв бура гӧгӧрвоисны, мый му вылын найӧ ылӧдз чеччыштны оз сяммыны, пу вывсянь кӧ — мӧд делӧ. Сӧки эськӧ медся первой местаӧ петісны.

Та бӧрын чеччалісны унаӧн на, но йӧраӧс да кӧчӧс пановтны некод эз вермы.

Ош да судья кӧсйисны нин юӧртны, коді лои чемпионӧн, но буретш сӧки турун пӧвстысь петіс чирк да мӧдіс кевмысьны.

— Лӧдзӧй и меным чеччыштны...

— Тайӧ ордйысьӧмьясыс зверьяслӧн, а тӧ... абу зверь ни абу лӧбач. Лӧдзам огӧ чиркыслы чеччыштнысӧ?

— Лӧдзӧй, лӧдзӧй! Медся бӧрья местаыс сылы вичмас,— ас костаныс сералісны зверьяс.


Чирк зӧвтіс став вынъяссӧ, тойыштчис кокъяснас и матӧ вит метра сайӧ чеччыштіс. Лӧбач-музыкантыяс медся гораа да мичаа сьылісны пельк чирклы, зверьяс сулалісны юрнысӧ ӧшӧдӧмӧн. Кӧчлӧн муртса синваыс оз пет, тӧдӧ, мый чирк ставнысӧ пановтіс.

Ставӧн виччысисны, мый висьталас ордйысьӧмьяссӧ котыртысь. Ош петіс эрд шӧрӧ да гораа юӧртіс:

— Ордйысьӧмьясын медся бур места босьтіс чаль кузя чирк. Сійӧ чеччыштіс медся ылӧдз. Сідзкӧ, Чирк Иванӧвич и лоӧ чемпионӧн. Музыкантыяс! Сьылӧй да ворсӧй гажаджыка.

— Качайтны чирксӧ! Качайтны!— горзісны сан да руч. Но чирк чеччыштіс бокӧ, воши кузь турун пӧвстӧ. Эз радейт сійӧ вывтіджык ошкӧмсӧ.

СЕРПАСЪЯС



Пёрысь пожом

Вөрса изөрмём туй бокин, коді тодас кымын во нин, сулалё ыджыд да кыз пожом. Кымын арёс сылы, некод оз тёд. Сійёс аддзылісны миян пöльяс и батьяс.

Ылөдз тыдалё шочиник вожьяса пу. Матигөгөрса козьяс да кызьяс сы дінын кажитчöны карликьясөн. Кокыс пожомлөн сэтшём кыз, медся кузь кияса мортлы не сывьявны сійёс. Тырмылёма тай, майбырлы, выныс! Чатөртчылан кө сы вылө, юрсыд шапкаыд усё.

Вөліны кө сылөн сингьяс, ылөдз эськө вермис видзөдны. Быттё стөрөж, сулалё да видзө пармаыслысь чөвлунсө. Тайё пу дорас тшөкыда пуксывлөны шойччыны вотчсыяс, вөрө волысыяс. Быд пөрийө, кор тайё местаас веськавла, пуксывла сы дорө и ме. Малалышта киясөн коксө, нюмьёвта: «Но мый? Кутшөма олан-вылан?»

Унаысь казьявлі, кызди пожом вылө пуксяс гөрд чышгьяна сизь да ён нырнас пыр клёнгаас чөв олысь пу кузя. Кор пуыс ён да том вөлі, төдөмысь, сизылы тані немтор вөлі вөчнысө. Тайёс, буракө, гөгөрвоё пөрысь пожом и оз дөзмы вөрса лэбач вылө. Колөкө, сизыс думнас көсийө нэм помсө нюжөдны пуыслысь, висьөмысь сійёс видзны, сы пытшкө дзевсьөм пучөйяссө бырөдө, медым пожом сьөлөмөдз найө эз вермыны пырны.

Мелі шонді лыдтөм-тшөттөмысь киясыліс да чөлөмавліс вөрса быдтасөс. Шоньд гожся зэрьяс мыськавлісны сылысь ки-коксө, небыд лым чирьяс пуксывлісны сы вылө шойччыны. Вөрса гулюяс и сьөла-тарьяс гажөдлісны сійёс.

Кор пожомыс вöлі томджык, сы кудриясын быд ар öшавлісны сирöд кольяс. Тэрыб вöраса урҗяс да гөрба ныра уркайяс вель тшöкыда чöсмасьлісны вöраса кöзайка ордын. Некодöс пуыс эз вомавлы ни чырыштлы. Быдöнлы кöсийс вöчны буртор. Аслас кузь нэмön вель уна кöйдыс сійö кояліс ас гөгöрыс, медым мукöдҗяслы сетны олём.

И со öні пöч кодь пöрысь пожöм бокрын быдмöны вöсньыдик пожöмҗяс. Том пуяс тöладжык лунҗясö челядҗяс моз дöзмöдчöны öта-мöдныслы.

Коркö, дерт, дзикöдз слабитас уна вояс чöж сулалысь пожöм, вермас сійöс пöрöдны и вына тöv. Но том пожöмҗяс сы моз жö кутасны гажöдны тайö туй кузьяс ветлысь-мунысьясöс. Сывны налы аслысьяма сыланкывҗяс, быдöнлы козьнавны дзоньвидзалун да вöраса чöскыд көр.

Сідзкö, эз весьшөр ов пöрысь пожöм.

Визувтöны нимтöм шорҗяс

Емваль юö усьö ичötик шор. Дыр сылы лоö писькöдчыны татчöдз. Унаысь сійö зурасьлас пöрöм пуясö, вель тшöкыда вежлас мунан туйсö. Кор воас Емваль дорöдз, нейджыд визув ю пыр и шымыртаас сійöс, аслас кабырҗяс улö босьтас. Сэсья мöдас аскöдыс нуны водзö, весиг шорысь петöм ваыслысь оз юав, мыйла да кытчö нуö сійöс. Нуö и ставыс. Сідз быттьö и колö.

Öдйö тай кольöны вояс. Варччöм кокҗяса, ситеч дөрöмҗяса детинкаяс, ми быттьö дзик на неважön вольвлім гоҗся лунҗясö тайö тöдса шор дорас. Вугравлім сэтҗысь зарни бордҗяса шниткыясöс, чунь кузя налимҗясöс, сэсья и найöс жаритлім бишур вылын. Ас кыйöм черилön чöскыд кöрыс öні на кылö вомын. Нянь пыдди азыма сөйлім шомкор — шома, но чöскыд. Шорыс кывльвліс миянлысь серам-гажöдчöм, мича сыланкывҗяс и чуксасьöмҗяс.

Ставыс тайё вёлёма мойдын моз. Кадыс сэсянь удитіс визувтны шор мозыс жё зэв ылөдз.

Емвальсянь небылн өні ножөдчөма көрт туй, коді мунё Сыктывкарсянь Микунь карөдз. Вєськыдвылас, көні ми вотлывлім чөдлач да ыжнёнён краситлывлім сера бедьяс, кыптисны лесопромышленной комплекслөн корпусьяс, уличаяс пөлөн грывидзёны мичаысь-мича олан керкаяс. Лунысь-лун паськалө том Эжвакар.

Унатор вежсис тані бөрья воясас. А шор пыр на важкодь, абу вежсьөма ни пöрысьмөма. Уджалө, отсасьө Емваль юлы, олө быд лунья олөмөн. Кузь, тыдалө, сьлөн нэмыс. Тулыснас сідзи жө ойдлө-паськавлө. Гожся шоньд луньясө сэні важ моз сялькөдчөны зарни бордяса шниткияс да тэрыба котралөны берег пөлөныс вөсни кокьяса истаньяс.

Татшөм шорьясө вель унаөс позьө адзывны Емваль ю пөлөн. Эз кө вөвны татшөм вөрса посныдик шорьясыс, гашкө, эз и сэтшөм долыда овсы Емваль юлы. Öд татшөм отсасьысьясыс и буретш сетөны сылы вын-эбөс. Юкталөны сійөс водз тулысьянь сёр арөдз, муяс кынмытөдз, кытчөдз сир кабыра көдзыдыс оз доршорьясө.

Көть и посниөсь да нимтөмөсь татшөм шорьясыс, но найө вөчөны уна буртор. Мырсёны-пессёны лун и вой, праздникяс ни шойччан луньяс оз төдлыны. Юкталөны на гөгöрын быдмысь пуясөс, сетөны асьыныс васө дзоридзьяслы, лэбачьяслы, зверьяслы. Видзёны, медым парма-ягьясын эз паськав горш пөжар. А кымын вöралысьөс, вотчысьөс да шойчысьөс юкталаннөд ті, нимтөм шорьяс, гожся да арся луньясө асланыд чөскыд көдзыд ванад! Лыддяс өмөй кодкө тайөс!

Тіянөс позьө өткодявны зиль йөзкөд, кодьяс лишнөй горзытөт вөчөны ыджыд да колана удж: вердөны да шонтөны мукөдьясөс.

Со мый вөсна и ми радейтам тіянөс, нимтөм-вичтөм посныдик шорьяс. Мый нө, онө кө ылөдз нималөй, мед, оз кө быдлаын төдны тіянөс. Но энө кө вөлөй ті, эз эськө лоны и мукөд юясыс.

Нывбаба гожом

Гожомон ми лыдьям июнь, июль да август толысьяс. Луньясыс сэки кузьось, корсюрё шонді сэтшөма шонтö, жарысла пöсьтö кисьтö. Кытчö он видзöдлы, быдлаын веж пуяс, дзоридзьяс.

Шоньд луньясö öдйö кисьмöны вотöсьяс, муяс вылын зiля быдмöны сю, ид, зөр, картофель да град выв пуктасьяс. Видзьяс вылысь гожея кадö позьö аддзыны уна йöзöс. Тшакъяс моз öдйö быдмöны зорöдьяс. Дженьыдик гожомын колö унатор удитны вöчны.

Сэсся суöдас гожомсö аслас тэрыб кокьясөн ар. Эбöстöммасны баситчöм дзоридзьяс. Заводитасны вижöдны пуяслөн корьясыс, сэсся и вочасөн кутасны гылавны. Шондiыс абу нин важкодьяр, сьöд кымөрьяс, руяс тшöкыда вевттылöны карьясöс да сиктьясöс. Войясыс кöдзыдöсь, пемыдöсь. Войвывса югыд войяс йылысь колины сöмын бур казтылöмъяс. Корсюрё пужъявлö нин. Тыртöммисны муяс.

Мыйкö дыра вильшасьыштас арся поводьясыс, быттьö кöсий петкöдлыны ассьяс вынсö, сэсся нем виччысьтöг бара пуксясны шоньд да гажа луньяс.

Татшöм кадсö шуöны нывбаба гожомон. Луньясыс сэки овлöны том ныв кодья мичаöсь, мам кодья мелiöсь.

ЮРИНДАЛЫСЬ

А.Одинцов. Небөггясас — ловья вөр-ва 5

Висьгъяс

Тулыслөн лов шы	8
Югьд войяс	12
Койт вылын	14
Войбыд чуксасис көч	16
Зарни ар	18
Арся вөрын	20
Медводза лым	23
И бара пуксис төв	24
Төвся лунё	25
Кор трачкөдчө көдзыд	27
Нидзёс ді	29
Еджьд каньяс	33
Лэбачьяслөн столовой	36
Тöлын уткаяс	37
Сир	38
Кьыз	40
Көть ичөт, а зверь	41
Кöлач бöжа Рекс	42
Мыйла көчлөн кык пöлөс паськөм	59
Емваль йылын	60
Видз вылын	61
Олялөн шонді	63
Нянь	65
Галялөн быдтас	68
Зоялөн ма	70
Вьль сапөг да мой	73

Салдатскöй пöрт	74
Мойдын моз...	76

Мойдьяс

Вöрса олысьяслөн собрание	80
Тулыслөн шыяс	83
Нель вок	85
Кöчлөн шог	87
Тшакьяслөн зык	90
Суседьяс	93
Кодныс ёнджыкöсь да пелькджыкöсь	94
Вöркань да йöра	97
Сулалöны мича пуяс	98
Чукля кока Ласей	101
Асныра Кöч	105
Öти кывйö эз воны	107
Мудерлуныс тырмö	110
Ош да сан	112
Пöрысь чукчи да горш Рöдьö	114
Эн ошйись весьшöрö	120
Нимлун	122
Коді лоас чемпионöн?	125

Серпасьяс

Пöрысь пожöм	130
Визувтöны нимтöм шорьяс	131
Нывбаба гожöм	133

Для детей среднего и старшего школьного возраста

Литературно-художественное издание

ИВАН ВАСИЛЬЕВИЧ КОДАНЁВ

ШУМИ, ДОРОГАЯ ПАРМА

Рассказы, сказки, зарисовки на коми языке

Художник Г.Н.Шарипков

Редактор А.В.Тентюков

Художественный редактор Г.Н.Шарипков

Технический редактор З.А.Поздеева

Компьютерная верстка – Н.В.Вахнин

Корректоры В.К.Тюрнина, Н.Ф.Габова, О.Л.Исакова

КР №0034 от 03.03.97

Подписано к печати 18.04.2001. Формат 60×84^{1/16}.
Бумага офсетная. Гарнитура «Komi Bodoni». Печать офсетная.
Усл. печ. л. 7,91. Уч.-изд. л. 7,0. Тираж 1000. Заказ № 4748

Коми книжное издательство
167982, г. Сыктывкар, ул. Карла Маркса, 229

Лицензия на полиграфическую деятельность
Серия ПД №00107 от 09.11.1999 г.
Отпечатано в ОАО «Коми республиканская типография»
167982, г. Сыктывкар, ул. Первомайская, 70

13



Коми небӧг лэдзанін
2001